

କେନ୍ଦ୍ରୀୟ ସାହିତ୍ୟ

ସମ୍ପାଦନା



College Form No. 4


**This book was taken from the Library on the date  
last stamped. It is returnable within 14 days.**

---

TGPA--23.5.55-10,0,0

# ছোট বড় নাকারি

স্বর্ণকমল ভট্টাচার্য



প্রকাশক

প্রশান্ত ভট্টাচার্য

সারস্বত লাইব্রেরী

২০৬ কর্ণওয়ালিস ষ্ট্রীট

কলিকাতা ৬

প্রচ্ছদশিল্পী

দেবব্রত মুখোপাধ্যায়

প্রথম প্রকাশ

চৈত্র : ১৩৫৭

দাম :

৳' টাকা

মুদ্রাকর

শ্রীনিবারণচন্দ্র ভট্টাচার্য

সারস্বত প্রিন্টিং ওয়ার্কস্

২০৬ কর্ণওয়ালিস ষ্ট্রীট

কলিকাতা ৬

## সূচীপত্র

দরদী	...	১
গল্প নয়	...	৬
ভূষা	...	১২
বাজিকর	...	১৮
পোষ্টার	...	২৮
অবশ্যস্তাবী	...	৪০
বন্দিনী	...	৫৮
ষষ্ঠাতি	...	৭৮
উত্তর পুরুষ	...	৯৫

এই বইটির অধিকাংশ গল্পই আট দশ বছর আগেকার লেখা





## দরদী

ছোট মাসীর বিয়েতে গিয়ে কাল সন্ধ্যাবেলা থেকে বিপুল মনে একটা প্রকাণ্ড প্রশ্ন কেবলি উসখুস করছে। জবাবটা সে কালই শুনতে চেয়েছিল। কিন্তু বিয়ে বাড়ীতে আত্মীয় কুটুম্বের যা অসম্ভব ভীড়! মাকে একটু নিরালার পাবার সুযোগ আর এলই না।

পর দিন বরকনে বিদায়ের পর বিকেলের দিকে নিজেদের বাসায় ফিরে এসেও প্রশ্নটা বিপুলকে কেবলি খোঁচায়। কিন্তু বাদ সেধে বসে আছেন বাবা। সন্ধ্যা অবধি তিনি ঘরেই কাটালেন—অকারণে! আজ কি তাঁর বাইরে কোনো কাজ থাকতে নেই?

সন্ধ্যার পরে মা একটা অসমাপ্ত সেলাই-এর কাজ নিয়ে বসেছেন। ছেলে এসে মার কোল ঘেঁষে বসে। পরক্ষণে কী ভেবে ছোট চেয়ারটা সামনে টেনে আনে। মার মুখোমুখী বসে সোজা প্রশ্ন করবে সে।

কিন্তু এ কী মুন্সিল! যত সহজ ভেবেছিল, এখন দেখছে ব্যাপারটা আদৌ তত সহজ নয়! নির্জন ঘর পেয়ে মাকে প্রশ্ন করতে গিয়ে মার রাজ্যের লজ্জা এসে ভর করে তার জিভের ডগায়। আসল কথাটা আর বলা হল না। সুরু হয় তাই লক্ষ্যে পৌঁছবার জন্যে যত উপলক্ষ্যের পায়তারা।

“মা !”

“বলো ।” সেলাই-এর কাজ নিয়ে বসছিলেন মা । মুখ না ফিরিয়েই সাড়া দেন ।

“ছোট মাসী বুঝি বিয়ে করতে চায় নি ?”

মা হেসে বলেন, “বোকা ছেলের কথা শোনো !—বিয়ে করতে চাইবে না কেন ?”

“তবে ষাবার বেলায় অত কাঁদছিল যে ?—সে কী কান্না !”

“কাঁদবে না !” মার কণ্ঠস্বর বুঝি তার কনিষ্ঠা সহোদরার সদ্য বিচ্ছেদের স্মৃতিতে একটু ভারী হয়ে আসে : “এই প্রথম পবের ঘর করতে চলেছে ।”

পরের ঘর ! কথাটা বিস্তর কানে যেন কাঁটার মতো বিঁধে । ছোট মাসীর জন্ম তার সারা মন ভরে ওঠে সমবেদনায় । উঠবে না কেন ? মায়েরই ত আপন বোন । মুখের আদলটাও অবিকল তার মায়েরই মতো । চোখ দুটো একটু ছোট এই যা তফাৎ । যাত্রাকালে বিস্তর তখন কী জানি কেন মনে হয়েছিল, তার মা-ই যেন কাঁদতে কাঁদতে শব্দ-ঘর করতে চলেছে ।

“মা !” আবার ডাকে প্রশ্নকাতর শিশু-পুত্র ।

“কী ?”

“তুমিও কেঁদেছিলে ?—তোমার শব্দ-বাড়ী ষাবার বেলায় ?”

মা মুচকি হেসে চুপ করে থাকেন ।

ছেলে নাছোড় । “বলো না মা, তুমিও অমনি কেঁদেছিলে ?”

“হ্যাঁ রে হ্যাঁ ।” মা এবার বুঝি কিছুটা উত্তর হয়েছেন ।

পাঁচ বছরের একরত্তি ছেলে । এরই মধ্যে কী অকালপক্কই না হয়ে উঠেছে । তার সব কথারই জবাব দেওয়া চাই । ছেলের বাবার তা-ই



নির্দেশ। আধুনিক মনোবিজ্ঞানের দোহাই দিয়ে স্বামী তাকে বুঝিয়ে ছেড়েছেন, শিশু-সন্তানের স্বাভাবিক কৌতূহলে যেন বাড়ীর কেউ এতটুকু বিরক্তি প্রকাশ না করে।

মায়ের কাছে যৎকিঞ্চিৎ বাধা পেয়ে বিশু আবার নিজের মনের মধ্যে ডুব দিয়েছে। মনের চোখে ভেসে ওঠে কালকের সন্ধ্যাবেলার সেই বিয়ের আসরের দৃশ্য। পর বই কি! নিশ্চয় পর। ছোট মাসী কেনই বা কঁাদবে না? নিশ্চয় কঁাদবে। কী বিশী দেখতে ছোট মাসীর বর! খাবড়া নাক, খাটো খাটো চুল, বাবার চেয়েও ছোটপুট বনিষ্ঠ দেহ। গায়ের রঙ ফরসা হলে কী হবে, দেখতে ঠিক মিত্রিরদের পাঁড়েজীর মতো জোয়ান-মদ। অমন লম্বা চওড়া চোয়াড়ে চেহারার পাশে বুঝি ছোট মাসীর মতো পাতলা গড়নের মেয়ের এমন চাঁদপানা মুখখানা মানায়! হুই বা বর, রইলই বা মাথায় টোপর, গলায় ফুলের মালা আর কপাল ভংগি চন্দনের ফোঁটা। সে যে পর! হঠাৎ বাইরে থেকে উড়ে এসে জুড়ে বসেছে—নিরে যেতে এসেছে ছোট মাসীকে। তাই না মাসীর এত ভয়, এত কান্না। মা যতই উন্টে কথা বোঝাক না কেন, ছোট মাসীর মন চায় নি সবাইকে ছেড়ে ঐ লোকটার সঙ্গে কলকাতার বাইরে চলে যেতে। জামসেদপুর কতদূর?

মা সেলাই-এর কাজ নিয়ে তেমনি মতো আছেন। আবার বাধা দেয় ছেলে।

“মা, ছোট মাসী আবার কবে ফিরে আসবে?”

মা হাতের কাজ সরিয়ে রেখে বলেন, “তুই এখনো বসে বসে সেই কথাই ভাবছিস?”

“হুঁ!”

“ছোট মাসীর জন্ম বুঝি তোর মন কেমন করছে?”

“ই্যা।—তোমার জন্মেও।”

মা হেসে ওঠেন, “আমার জন্মে? সে কি!”

“ই্যা, তোমার জন্মে। এই যে বলছিলে, তুমিও অমনি করে কেঁদে কেঁদে একদিন পরের ঘর করতে গিয়েছিলে।”

মা শুধু হাসতে থাকেন মিষ্টি করে।

“হেসো না বলছি। আমি তখন সামনে থাকলে কিছুতেই তোমায় চলে যেতে দিতাম না।”

“বৈধে রাখতিস?” মা এবার স্নেহে ছেলেকে কাছে টানেন। ছেলেও আবেশে মায়ের কণ্ঠলগ্ন হয়ে এতক্ষণে স্মরণ বৃথা তার আসল প্রশ্নটা জিজ্ঞাসা করে বসে।

“মা!”

“বলো।”

“তোমার বর কে?”

“আমার বর?” মা সর্কোতুক হাস্তে বিষয় প্রকাশ করে বলেন, “তা বুঝি তুমি জানো না!”

“বলো শিগ্গির, তোমার বর কে?”

“আমার বর তোমার বাবা!”

কথাটা শুনে ছেলে হেসেই অস্থির। বলে, “অ্যাঃ! তোমরা তবে নিজেরা নিজেরা বিয়ে করেছ!!”

শুনে মার হাসি আর খামতে চায় না। ছেলে হঠাৎ কেন যেন লজ্জা পেয়ে মার বুকে মুখ লুকায়। খানিকক্ষণ নীরব থেকে এক সময় মুখ তুলে তাকায় মায়ের মুখের দিকে—সেই রহস্যঘন স্থির দৃষ্টিতে যেন এক অভলম্পর্শী গান্ধীর্ঘ্য।

মা চেয়ে দেখেন ছেলের চোখের কোণে জল।

“ও কী রে খোকন !”

“আমি তোমায় আর যেতে দেব না, যেতে তুমি পারবে না ।”

জননীর কণ্ঠ হ'হাতে শব্দ করে জড়িয়ে ধরে বিশু তার দৃঢ় সঙ্কল্পের কথা জানায়, “তোমাকে আর কারো কাছে যেতে আমি দেব না —কিছুতেই না ।”



## গল্প নয়

জমিদার বাড়ীর দুর্গা পূজা। সারা গ্রাম সরগরম। আশেপাশে  
হুঁদশটা গাঁয়ের মধ্যে এত বড় জমিদারও যেমন আর কেউ নেই, এত বড়  
প্রতিমাও মেই আর কোনো পূজো বাড়ীর।

মহা ধুমধাম। সাত পুরুষের পূজোর পাট আজো ষোল আনা বজান  
আছে। ঢাক ঢোল কাঁসর সানাই নিয়ে বাদ্যকরই এসেছে জন কুড়ি।  
আত্মীয়-স্বজনে গিগ্গিশ্ করে সাতমহলা জমিদার বাড়ী। আজ  
সপ্তমী। প্রথম পূজা।

জমিদারের ছোট মেয়ের বরও এসেছেন কলকাতা থেকে। বিনে ভয়েছে  
আজ মাস তিনেক। তার পরে এই তার দ্বিবাগমন। অল্প  
বয়েস, কলেজে পড়েন, টেনিস্ খেলেন, সিনেমা দেখেন—হয় তো বা মাঝে  
মাঝে এক আধটা কংগ্রেসী জনসভায়ও গিয়ে থাকেন। হস্টেলের বন্ধুদের  
সঙ্গে বড় বড় বিষয় নিয়ে জীবনে অন্ততঃ দুএকটা দিন বিচার-বিতর্কে  
কোনু আর যোগ না দিয়েছেন। এ-হেন নতুন জামাইবাবু আজ বেলা  
দুটো থেকে মস্ত বড় সমস্যায় পড়েছেন।

ঘটনাটা এই :

পাঁঠা বলি হবে। মণ্ডপের সামনে ছেলে-মেয়ে যুবা-বৃদ্ধের ঠাসাঠাসি ভীড়। চার জোড়া ঢাক আর তিন জোড়া ঢোল আর ডজন দেড়েক কাঁসর-ঘণ্টা-শঙ্খ-সানাইর ভরাট ভয়ঙ্কর আওয়াজে সারা তল্লাট গুমগুম করে।

জামাইবাবুও বলি দেখতে এসে দাঁড়িয়েছেন চণ্ডীমণ্ডপের এক কোণে। পুরোহিত মন্ত্র পড়ে যুপকাঠে-বাঁধা সদ্যস্নাত ছাগনন্দনের কপালে রক্তচন্দন পেপে কণ্ঠে তার ফুলের মালা পরিয়ে দিয়ে গেলেন। খড়্গধারী এগিয়ে এলেন খাড়া হাতে। কিন্তু চতুর্দিকে রব ওঠে—“নন্দ কোথায়? নন্দ?”

ভীড়ের মধ্য থেকে জবাব আসে “আজ্ঞে এই যে আমি।” লোকজন ঠেলেঠেলে সামনে এল নন্দ। তার হাতে একগাছা দড়ি। তারই জন্তে বলির লগ্ন পণ্ড হতে বসেছিল আর কি। এই মুহূর্তে নন্দই যেন এই মহানুষ্ঠানের মধ্যমণি! “শিগ্গির দড়ি ধরে দাঁড়া।”—ছক্কার ছাড়েন স্বরং জমিদার। নিরুচ্ছ্বাসে চেয়ে আছে জনতা। আর ঠক্ঠক্ করে শীতে কাঁপছে বলির পাঁঠা! বাজনা এবার বেজে ওঠে দ্বিগুণ জোরে। নন্দ হাঁড়িকাঠের কাছে দু হাত উপরে তুলে দড়ি ধরে দাঁড়িয়ে আছে নিশ্চল, নিস্পন্দ।

পাঁঠা বলি শেষ। চতুর্দিকে ওঠে জয়ধ্বনি। জমিদারের মুখে খুশির হাসি। পুরোহিত ঠাকুর সহাস্যে মস্ত বড় টাট থেকে টাটকা চন্দন-মাথা একটা রূপোর সিকি এনে নন্দের হাতে দিলেন। সিকিটা মাথায় ঠেকিয়ে নন্দ ও ভীড়-ঠেলে বেরিয়ে গেল সগর্বে।

দেখে শুনে নতুন জামাইএর চক্ষু স্থির!

এ আবার কোন্ নিয়ম! নিয়ম যখন, তার মানে একটা আছেই। সেই

মানেটা জানতে জামাইবাবু সটান চলে এলেন অন্তর মহলে—একেবারে ‘ওগো গুন্ছ’র কাছে ।

স্বামীর সব কথা শুনে তরুণী ভার্য্যা হেসে কুটি-কুটি, “এই কথাটা জানবার জন্যে এক ঘর লোকের মাঝখান থেকে অমন করে চোখ ইসারায় ডেকে আনতে হয় বুঝি ! তুমি বড্ড ইয়ে— ।”

“যা-ই হই, সে-সব রাস্তিরে শুনবো’খন । এবার বল তো, ঐ দড়ি ধরে দাঁড়িয়ে থাকার মানেটা কী ?”

“কী জানি !”

“জানো না মানে !”

“ছোটবেলা থেকেই তো দেখে আসছি,” চোখমুখেব চাপা হাসির ছ্যুতি খানিক কমিয়ে নিয়ে বধু বললেন, “আগে ধরতো নন্দদার বাবা—সে এখন খুড়খুড়ে বুড়ো, ঘর থেকে নড়তেই পারে না । আজ বছর দশেক নন্দদাই তো দড়ি ধরে দাঁড়ায় গো ।”

আচ্ছা বিপদ ! নিরুপায় জামাতা এবার শাশুড়ীর শরণাপন্ন হলেন । দড়ি-মাহাত্ম্য বুঝতেই হবে ।

সেখানেও ঐ একই জবাব—“জানি না তো ।”

জিজ্ঞাসু জামাতার মুখের দিকে তাকিয়ে স্নেহময়ী জমিদার-গৃহিণী মৃদু হাসেন, “ওসব ধম্মকম্ম যাগযজ্ঞির বণপার, আমরা মেয়ে মানুষ কটাই বা বুঝি বলো !”

জামাতা এবার এলেন বহির্বাটিতে—খশুরের কাছে ।

প্রশ্ন করার ধরন দেখে জমিদার মনে মনে খুশি হন না । কিন্তু নিরুপায় । এ তো আর খাস তালুকের প্রজা নয় । নতুন জামাই । খশুর এক গাল কাষ্ঠ হাসি হেসে বললেন, “তোমরা আজকালকার ছেলে ! সব ব্যাপারেই অর্থ খুঁজে বেড়াও । বিশ্বাসে মিলয়ে হরি তর্কে বহুদুর ।

একটা কথা ভুলো না বাবা! যারা এই সব নিয়মপ্রথা করেছিলেন আমাদের সেই পূর্বপুরুষরাও মানুষ ছিলেন—ঘাস খেতেন না।”

এবার জামাই গেলেন চণ্ডীমণ্ডপ—পুরোহিতের কাছে। প্রশ্ন শুনে তিনিও চক্ষু কপালে তোলেন, “সে কি! এর আবার—”

“কারণ তো একটা আছেই ঠাকুর মশায়!”

“হ্যাঁ...তা আছে বৈকি—নিশ্চয় আছে”, পুরোহিত আমতা আমতা করতে থাকেন, “তবে কি জানো বাবা! ছোটবেলায় আমার ঠাকুরদার সঙ্গে পূজার তিন দিন তো এখানেই কাটাতাম। নন্দার বাবা তখন দড়ি ধরতো। ঠাকুরদার কাছেই শুনেছি, এ বাড়ীর এ নিয়ম বহু পুরুষের।” এই বলে শুরু করে দিলেন জমিদার চাটুজ্যে বংশের সুদূর অতীতের গৌরবময় কিংবদন্তীর রোমন্থন।

ভাল রে ভাল! এ যে দস্তুরমত হিং টিং ছট! জামাইবাবুর মাথা খারাপ। তাই মানে জানতে মরিয়া হয়ে উঠলেন। দারোয়ান হরি সিংকে পাঠিয়ে দিলেন নন্দদের বাড়ী।

নন্দ বুড়ি বোঝাই করে জমিদার বাড়ীর পূজার ‘সিধে’ নিয়ে সবে এসে ঘরে ঢুকেছে। নতুন জামাইএর আদেশ শুনে ছুটে এসে উর্ধ্বশ্বাসে।

এবারও সেই একই জবাব—“জানি না তো!”

“জানো না তো ধরো কেন দড়ি?” জামাইবাবুর কণ্ঠস্বরে এবার বেশ একটু ঝাঁজ প্রকাশ পায়।

“বাবা হরতো বলতে পারেন।”

“ডেংক নিয়ে এস তোমার বাবাকে।”

“আজ্ঞে তিনি যে—”

“নড়তে পারে না? আচ্ছা, চলো। তোমার বাবার কাছে আমিই যাব।”

“সে কি জামাইবাবু!”

“হ্যাঁ-হ্যাঁ, চলো—”

চললেন জমিদারের অসহিষ্ণু জামাই। এই অগাধ বহুশ্রেণ কুল-কিনারা পেতেই হবে।

সব কথা শুনে আশি বছরের বুড়ো ক্ষীণকণ্ঠে জবাব দিল, “জানি জামাই-বাবু! আমার ঠাকুরদার মুখে শোনা—ব্যাপারটা তাঁর ঠাকুরদা’র আমলের!”

এতক্ষণ অতল বহুশ্রেণ তল মেলে! স্বস্তির নিঃশ্বাস ফেলে বাঁচলেন জামাইবাবু। বুদ্ধ ধীরে ধীরে অবনুপ্ত ইতিহাস উদ্ধার করে শোনাল : বর্তমান জমিদারের বাবার বাবার—ঠাঁর বাবারও বাবার আমলের ঘটনা। দোর্দণ্ডপ্রতাপ জমিদার। ঠাঁর বাড়ীর দুর্গা পূজা। লোকে লোকারণ্য। মহা ধুমধাম। দেওয়ান এস সভয়ে নিবেদন করলেন, “এখন উপায়?”

বিপদটা হচ্ছে : যুপকাঠের কাছেই ছিল একটা নেবু গাছ—জমিদারের বড় প্রিয় কাগ্ক্ষী নেবু। সেবার গাছ ভরে নেবু হয়েছে—আর ফল-শুদ্ধ একটা ডাল এসে সেদিনের হাঁড়িকাঠটার উপর নুয়ে পড়েছে। গাছ না কাটলে বলি হয় না, বলি হলে গাছ থাকে না। তখন উপায় বাতলে দিলেন সে-দিনের কুলপুরোহিত। সেবার থেকে প্রতি বৎসব পূজোর তিন দিন পাঁঠা বলির সময়টাতে নন্দর বাবার যে বাবা, তার বাবারও বাবা এসে নেবুশুদ্ধ ডালটাকে দড়ি বেঁধে টেনে সরিয়ে রাখত প্রাণপণে। নির্ঝিল্লি বলি হত সুসম্পন্ন আর নির্ঝিল্লিবেঁচে ছিল নেবু গাছটা।

সেদিনের সেই জমিদার আর বেঁচে নেই তা বহু বহু যুগের কথা। সেই বড় সাধের নেবু গাছটাও মরে ভূত হয়ে গেছে তারও বহু আগে। কিন্তু



সেই চাটুজ্য পরিবারের বংশধর আছেন তো । তাই আজও একটা লোক এসে বলির সময় দড়ি ধরে দাঁড়িয়ে থাকে নির্বিকার—আজও পূর্বপুরুষের কুলপুরোহিতের হাত থেকে চন্দনমাখা চাক্তি নিয়ে দড়ি-ধারী দাস পরিবারের বংশবদ উত্তরপুরুষ নন্দলাল হাসি মুখে ঘরে ফিরে যায় মগর্কে !

রাত্রিবেলা বধু বলে, “তুমি আস্ত পাগল ! হেসে আমার মরে যেতে ইচ্ছে যার । এই তুচ্ছ কথাটা জানতে তুমি ছুটে গেলে অদূর !”



## ওঝা

অধ্যাপক পরিতোষ সেন সেদিন বেশ মুস্থিলেই পড়লেন। এক মিনিটের জন্তে পাঁচটা-বাইশের প্যাসেঞ্জার ধরতে পারলেন না। এর পরে সাতটা পনেরোর ট্রেন। ভাবনার এমন কিছু নেই। ভাবনা তাঁর জ্বীটকে নিয়ে। ফিরতে একটু দেরী হলেই লীলা বাড়ী বসে ভাবে, বুঝি বা—  
অবশ্য মহাত্মা গান্ধীর কল্যাণে কলকাতার অবস্থা এখন অনেক শান্ত। তবু অধ্যাপক সেন পুরোপুরি নিরাপদ বোধ করেন না। আগুন নিভে গেলেও এখানে-সেখানে কিঞ্চিৎ আঁচ এখনো টের পাওয়া যায়। কোন্ দিন আবার বিনা নোটিশে দপ করে কোথায় অলে গুঠে তার ঠিক কি!

অধ্যাপক পরিতোষ সেন থাকেন মাইল পঁচিশেক দূরের এক ছোট্ট সহরে। রোজ রাজধানীতে আসেন। রোজ আবার যথাসময়ে ফিরে যান। কলকাতার সাম্প্রদায়িক নরমেধের পর থেকে অধ্যাপক সেনের এতকালের ঐ অভ্যস্ত জীবনে একটা হেঁচকা টান লেগেছে। আজকাল পাঁচটা বাজার আগেই তাঁকে তাড়াহুড়া করে কলেজ থেকে বার হয়ে পড়তে হয়। তাতেও বাড়ী পৌঁছতে রাত হয়ে যায়।

এত রক্তারক্তি হানাহানি হয়ে গেল ! পরিতোষবাবুর ভাগ্য ভাল । এক বিন্দু রক্তপাতের চিহ্ন তিনি দেখেন নি—কলকাতার হিন্দু পাড়ার কোনো এক রাস্তার উপর কোথাও একটা বাসি মড়া পর্য্যন্ত নয় । কিন্তু খবরের কাগজ আর লোকের রসনা এবং তার সঙ্গে নিজের কল্পনাপ্রবণ মনের অনুমান—এই তিনে মিলে আত্মঘাতী আলোড়নের একটা ধারণা তাঁর মনে স্পষ্ট ও প্রত্যক্ষ হয়ে আছে ।

পরিতোষ সেন ফিলোজফির অধ্যাপক । সাইকোলজির একনিষ্ঠ ছাত্র । সাম্প্রদায়িক সংগ্রাম শুরু হওয়ার পর থেকে এক বছরের মধ্যে তিনি একাধিক দৈনিক ও ততোধিক মাসিক-সাপ্তাহিকে কম পক্ষেও ডজন দেড়েক ইংরেজী-বাংলা প্রবন্ধ লিখেছেন । তাতে তিনি সাম্প্রদায়িক সমস্যার মূল কারণ ও তার সন্তোষজনক সমাধানের বিষয়ে নতুন আলোকপাত করেছেন বলে বিদগ্ধ পাঠক-সমাজের ধারণা । অধ্যাপক সেনের মতে, সাম্প্রদায়িকতার রূপটা সমষ্টিগত হলেও আসলে তা ব্যক্তিগত বাধি । সুতরাং সাম্প্রদায়িক সমস্যা কে শুধু রাজনৈতিক, অর্থনৈতিক ও সামাজিক দিক থেকে বিচার করলেই চলবে না । মনস্তাত্ত্বিক সমাধানের উপায়-উপকরণ নিয়েও মাথা ঘামাতে হবে ।

প্রকাশিত প্রবন্ধগুলিতে পরিতোষবাবু ইতিমধ্যে কিছু কিছু পথের ইঙ্গিতও দিয়েছেন । সাম্প্রদায়িক ভূতকে দেশের ঘাড় থেকে নামাতে হলে চালাতে হবে দেশজোড়া অভিযান । ধীরে ধীরে মানুষকে বোঝাতে হবে, শেখাতে হবে, ঠিক পথে টেনে আনতে হবে । এতেই যথেষ্ট হবে না—হতে পারে না । এমন বহু চণ্ড-স্বভাবের লোক তবু থেকে যাবে যাদের জন্মে আলাদা ব্যবস্থার প্রয়োজন । তাদের কেউ হবে দারোগা, কেউ জল্লাদ, জেলার, পাঠশালার গুরুমশায় বা হাসপাতালের মড়া কাটার ডাক্তার । বেছে বেছে ঐ স্বভাব-কোপনদের এক দলকে পাঠাতে হবে

বর্ষার বঙ্গোপসাগরে মাছ ধরতে ; কেউ কেউ যাবে শীতের সুন্দরবনে বাঘ শিকার করতে ; কেউ বা বড় বড় সহরের প্লেগবাহী ইঁটরকুল ধ্বংস করবে ; কেউ বা যত মরা জন্তু-জানোয়ারের দেহে ছুরি চালিয়ে ছাল ছাড়িয়ে হ'ড়গোড় কাটবে, ছাঁচবে, গুঁড়োগুঁড়ো করবে, ছাতু-ছাতু করবে ; বিশেষজ্ঞের সঙ্গে টেরাই-এর জঙ্গলে খনিজ সম্পদের সন্ধানে যুরে বেড়ানো হবে কারো কারো জীবনের ব্রত ; কেউ বার হয়ে পড়বে ভূয়ারমৌলি হিমালয়ের দুর্ধগম্য অঞ্চলে দুঃসাহসিক অভিযানের টানে— ইত্যাদি ইত্যাদি । এসব পথে না গেলে ভারতবর্ষ দু'ভাগ হয়েও সমাধান হল না—ভারতবর্ষ আবার জোড়া লাগলেও সাম্প্রদায়িক সম্প্রীতি ফিরে আসবে না । কারণ, সমস্যার আসল কারণ বাইরে নয়, ভেতরে— মনের গভীরে ।

অধ্যাপক সেনের এই মতবাদের সঙ্গে আদৌ একমত নন এমন বহু হিন্দু-মুসলমান পাঠক কিন্তু একথা স্বীকার না করে পারেন না যে, অধ্যাপক সেনের লেখায় একটা সুস্থ, নিরপেক্ষ ও উদার মনোভাবের পরিচয় পাওয়া যায়—পাওয়া যায় এমন এক অকপট অসাম্প্রদায়িক দৃষ্টিভঙ্গী যা এই দুর্ভাগ্য দেশে আজকাল প্রায় দুর্লভ ।

অপাতত ঘণ্টা দুই ঠাকে হাওড়া ষ্টেশনের এই ইন্টার ক্লাস ওয়েটিং রুম-এ কাটাতে হবে । কী দুর্ভোগ ! আজ সঙ্গে একখানা বইও নেই যে বসে বসে পড়বেন । একা একা কী করে কাটবে এতক্ষণ ?

বাধা পেলেন অধ্যাপক । প্রথমটার চমকে উঠেছিলেন । পরক্ষণেই নিশ্চিন্ত হলেন । তাঁর পাশে থপ করে যে লোকটা এসে বসে পড়ল, সে ডাকাতও নয়, গুণ্ডাও নয়—তাঁরই মত ভদ্র-সন্তান । দেখতে বেশ । শায়ের রং ফরসা । চোখে চশমা । বুকে ফাউন্টেন পেন । কব্জিতে হাতঘড়ি । শাস্ত নম্র দৃষ্টি ।

বসে পড়েই লোকটা অশুচ কণ্ঠে প্রশ্ন করেন, “আপনি কোন ট্রেনে যাবেন ?

“সাতটা পনেরোর গাড়ীতে ।”

“আমিও ঐ গাড়ীতেই চুঁচুড়ায় নেমে যাব ।”

অধ্যাপক এবার নিজের ভাবনাগ্ন মন দেবেন ভাবছেন । কিন্তু লোকটি আবার প্রশ্ন করেন, “আপনি বুঝি ‘রাইটার’ ?”

“না—হ্যাঁ ।”

এবার গলা খাটো করে অধ্যাপক সেনের প্রায় কানের কাছে মুখ নিয়ে এসে ভদ্রলোকটি বললেন, “ওদের কথাবার্তা সব শুনছেন তো ?”

“হুঁ ।”

কিছুই শুনছিলেন না অধ্যাপক । এবার শুনছেন । হুঁজনেই কান পেতে আছেন ।

অদূরে একটা বোকের উত্তপ্ত বিতর্ক স্পষ্ট শোনা যায় :

“—মন পড়ে আছে পাকিস্তানে । কে তোদের মাথার দিকি দিচ্ছে এদেশে থাকতে ? যা না চলে । দুধ-কলা দিয়ে সাপ পুষব না আমরা । যারা আজও ভাবছে—”

“ও জাতের মধ্যে আর যারা-টারা নেই মশায় ! সব সমান । ঝাড়েবংশে সবাইকে যেতে হবে—”

অধ্যাপক সেনের গা টিপে ভদ্রলোক আবার বললেন, “দেখছেন তো ?”

“হুঁ ।”

“ওরা আবার একটা হাঙ্গামা বাধাতে চায় ।”

ভদ্রলোকের এই আশঙ্কার জবাবে অধ্যাপক সেন ভরসা দেন, “বাধাতে চাইলেও আপাতত বাধাতে পারবে না । জনসাধারণ ক্রান্ত হয়ে পড়েছে । ওদের আসল মতলব বুঝতে পেরেছে লোকে । ওদের—”

“আস্তে ।”

“কেন ?”

“শুনতে পাবে ।”

“শুনলেই বা ।”

“কেটে ফেলবে ।”

অধ্যাপক হাসেন ।

“হাসছেন কি ! ও জাতকে দিয়ে বিশ্বাস আছে !”

অধ্যাপক সেন এবার সন্দিগ্ধ দৃষ্টি মেলে ধরেন ।

“জাতকে-জাত ওরা হাড়ে-হাড়ে বজ্জাত—বেইমান ! কুত্তার—”

“কাদের কথা বলছেন ? আপনি—আপনি তবে কোন্ জাতের ?”

“কেন ? আমি মোছলমান ।” বলেই অধ্যাপক সেনের গন্তীর মুখের

দিকে চেয়ে লোকটি এবার তাঁর ভুল বুঝতে পারেন । সঙ্গে সঙ্গে মুখখানা

তাঁর মড়ার মত ফ্যাকাশে হয়ে যায় ।

“এতক্ষণ সে কথা বলেন নি কেন ?” অধ্যাপক বোধ হয় একটু উষ্ণ হয়েই

বলেন ।

“মাফ করবেন মশায় !” লোকটি ভয়ার্তকণ্ঠে বললেন, “ভুল করেছি ।

ভেবেছিলাম, আপনিও মোছলমান ।—আপনাকে দেখতে মোছলমানের

মতো ।”

অধ্যাপক সেন মুহূর্তে হেসে অভয় দেন, “আপনার কোনো ভয় নেই । আমি

সে-রকম লোক নই ।”

হিন্দুগরিষ্ঠ হাওড়া ষ্টেশনে মুসলমান ভদ্রলোকটি তবু নির্ভয় হতে পারলেন

না । পরক্ষণেই সঙ্গে ছোট্ট বাক্সটা হাতে তুলে নিয়ে হনুহন করে ওয়েটিং-

রুম ছেড়ে চলে গেলেন ।

রাত ন’টা নাগাত বাড়ী পৌঁছলেন পরিতোষবাবু । কড়া নাড়ার

শব্দ পেয়ে স্ত্রী এসে ছুঁয়ার খুলে দেন ।

“লীলা, চট করে আলোটা নিয়ে এসো এঘরে ।”

আলো এল । একটা চেয়ারে নিজে বসে আর একটা চেয়ার সামনে টেনে এনে অধ্যাপক স্ত্রীকে বললেন, “তুমি এই চেয়ারটায় আমার মুখো-মুখী হয়ে বসো একবার ।”

এমন অসময়ে এত কাছাকাছি বসতে বলা যে দাম্পত্য মধুগুঞ্জনের জন্তে নয় তা বুঝতে স্ত্রীর দেৱী হয় না । একটু চিন্তিত হয়েই বুঝি বললেন, “ব্যাপার কী বলো তো ?”

“বলছি । তার আগে কথা দাও, আমার কাছে মিথ্যে বলবে না । তুমি আমার ধর্মপত্নী । তুমি যদি—”

“এ তো আচ্ছা বিপদ ! কী কথা শুনতে চাও বলো ।”

“আগে বসো এই চেয়ারে,” জোর করে স্ত্রীকে সামনের চেয়ারে মুখোমুখী বসিয়ে দিয়ে পরিতোষবাবু হারিকেনের শিখা এবারে দ্বিগুণ বাড়িয়ে দিলেন ।

“লীলা, আমার মুখের দিকে একবার তাকাও । হেসো না । ভালো করে দেখো আমার ।—এবার সত্যি কথা বলো । আমি কি দেখতে মুসলমানের মতো ?”

স্ত্রী এবার হো হো করে হেসে ওঠেন, “সে কী কথা গো ! তুমি মোছলমান হতে যাবে কেন !”

“ঠিক বলো, আমার মুসলমানের মতো দেখায় ?”

“না গো না ।”

“ব্যাটা কী মিথ্যাবাদী !”

“কে ?”

“পাজী, নচ্ছার, ফাউন্ডেল্ !” অধ্যাপকের এতক্ষণের অপরূপ ক্রোধ এবার সশব্দে ফেটে পড়ল ।



## বাজিকর

পলাশপুরের শ্রীনাথ মুখ্যে ভগবান দেখেছেন। কালী নয়, শিব নয়, হরি নয়, মনসা নয়, শীতলা নয়—এ-সমস্ত দেবদেবীর অধীশ্বর ষিনি, এই পরিদৃশ্যমান জড়জগৎ আর জীবজগতের অতীত অথচ এরই মধ্যে ওতপ্রোত যে নিখিল চিন্ময় সত্তা, মুখ্যে সেই একমেবাদ্বিতীয়মের সাক্ষাৎ দর্শন লাভ করছেন।

পলাশপুর তোলপাড়। আশ-পাশের দশ-বিশটা গ্রাম সরগরম। এ তল্লাটের কাকপ্রাণী পর্য্যন্ত চঞ্চল হয়ে উঠেছে। শ্রীনাথ মুখ্যে সকল কিছুর মূলাধারের স্বরূপ চিনেছেন! আজ ক’দিন ধরে মুখ্যে মশাই নাকি থেকে থেকে মুর্ছা যান আর জাগেন, জাগেন আর মুর্ছা যান। কেউ বলে, ঘনঘন তুরীয়-লোকে আনাগোনা করছেন। কেউ বলে মশার মত দশা—বিষামৃতের জ্বালা! কেউ বলে, থেকে থেকে কুল-কুণ্ডলিনী জাগ্রত হচ্ছে কিনা তাই। কারো বা অনুমান, এটা নিঃসন্দেহে নির্বিকল্প সমাধির অবস্থা, অন্ততঃ নির্বাণের পূর্বাভাস! এক-আধজন



অবিশ্বাসী অবশ্য এখনো মাথা নাড়ে—বলে, মুখুষ্যে নিশ্চয় কি একটা মতলব আঁটছেন। আধা-বিশ্বাসীর দল জানায়, শেষ পর্য্যন্ত দেখাই যাক না—আগে থেকে অত সন্দেহ করার মানে হয় না। কে জানে, সত্যি-ও তো হতে পারে।

সফাল-সফ্যা পথে ঘাটে, রান্নাঘরে, বৈঠকখানায় সর্বত্র সবার মুখে একই কথা। শ্রীনাথ মুখুষ্যে আর শ্রীভগবান! এত আলোড়নের কারণ কেবল এই নয় যে, শ্রীনাথ মুখুষ্যে ভগবান দেখেছেন। তিনি নাকি ভগবান দেখাবেনও। এক-আধ জনকে নয়, গ্রামশুদ্ধ সবাইকে তিনি ঈশ্বরের সঙ্গে সাক্ষাৎ করাবেন। চতুর্দিকে হৈ-হৈ রৈ-রৈ। এতকাল ভগবান দেখেছেন অনেকেই, তাঁকে দেখাতে পেরেছেন কে? আজ মুখুষ্যে চিরকালের সেই অসাধ্য সাধন করতে চলেছেন! কল্পনাও হার মানে!

ছষ্ট্র লোকে বলছে, কী কুক্ষণে সেদিন ঝাঁকের মাথায় মুখুষ্যে কথাটা বলে ফেলে এখন মহা বিপদে পড়ে গেছেন। জনকয়েক কুতর্কিকের ঘনঘন প্রশ্ন উত্থিত হয়ে রাগের মাথায় ফস্ করে বলেই বসলেন, “প্রমাণ? সামনের অমাবস্তার দিন সফ্যারাত্রে এসো সবাই—তোমাদেরও দেখিয়ে দেব। এ-গাঁয়ের ও-গাঁয়ের ছেলে বুড়ো মেয়ে-পুরুষ সবাইকে দেখাব। যদি না পারি, তোমাদের সবার সামনে তখনই আমি আত্মহত্যা করে মরব; এই যজ্ঞোপবীত ছুঁয়ে আমি শপথ করছি।”

আজ সেই অমাবস্তার দিন। ভোর থেকে পাড়ায়-পাড়ায় জটলা বসেছে। কেউ বলছে, “ভগবান কী দেখাবার জিনিষ হে—ও বস্তু অন্তরের অন্তস্তলে গভীর থেকে গভীরে নেমে উপলব্ধি করতে হয়।”

কেউ সরোষ প্রতিবাদ জানায়, “অন্তরে যিনি সত্য, তাঁকে বাইরেও প্রকট হতে বাধাটা কোথায় ?”

এমনি সব আলোচনায়, গবেষণায়, কল্পনায়, জল্পনায় ছুপুর গড়িয়ে যায়। আজ কারো মুখে আর কোনো কথা নেই। মেয়েরা চুল বাঁধতে ভুলে গেছে, পুরুষেরা তামাক খেতে ভুলে যাচ্ছে। সবাই ভাবছে একই কথা—সন্ধ্যা কখন হবে। তারপর? তারপর এই জীবনের সব পাপ-তাপ ধুয়ে-মুছে যাবে, সব আশা সব আকাঙ্ক্ষার নিবৃত্তি ঘটবে। জ্ঞান-বুদ্ধির অগোচরের, চেতনালোকের ওপারের, জন্ম-জন্মান্তরের চিররহস্যের সেই চৈতন্যস্বরূপ পরমপুরুষকে আজ চর্মচক্ষে দেখতে পাবে—অতীন্দ্রিয় হবেন ইন্দ্রিয়গ্রাহ্য !

বেলা যায়-যায়। মাঠ-ঘাট পার হয়ে পিলাপিল করে লোক চলেছে পলাশপুরের মুখ্যে বাড়ীর দিকে। বিশ্বাসী, আধা-বিশ্বাসী, সিকি-বিশ্বাসী, অবিশ্বাসী—মেয়ে, পুরুষ, ছেলেপিলে দলে দলে সকলেই উর্দ্ধ্বাসে পথ চলেছে। কি জানি, শেষকালে যদি ভিড় ঠেলেঠুলে জায়গা না পায়! ঠিক ভরসন্ধ্যায় মুখ্যে ধ্যানে বসবেন। মুখ্যে ধ্যান ভেঙ্গে উঠবেন যখন তখনই সেই মাহেন্দ্রক্ষণ! যাক্, আর কয়েক দণ্ড বৈধর্য ধরে কাটিয়ে দিতে পারলেই—বাস্! তারপরেই এই জীবনের চরম চাওয়ার পরম পাওয়া !

সন্ধ্যার বহু আগেই মুখ্যে বাড়ীর মস্ত বড় উঠোন লোকে লোকময়। একপাশে মেয়েদের জন্তে বসবার জায়গাটার তিন দিকে চিক্ টাঙানো। গাঁয়ের মেয়েরা গলা ছেড়ে আলাপ করছে। গাঁয়ের বধুরা ঘোমটার তলে ফিসফিস করে। কারো ছেলে ট্যা ট্যা করে কেঁদে ওঠে। কারো বা কোলের নাতিনী এরি মধ্যে ঘুমিয়ে পড়েছে।

তাজ্জব কাণ্ড ! দেখে শুনে মনে হয়, বিশ্ব-ব্রহ্মাণ্ডের মাধ্যাকর্ষণের কেন্দ্রস্থল

আজ পলাশপুরের মুখ্য বাড়ী। বৈঠকখানার ঘর থেকে সরকারী সড়ক পর্যন্ত রাস্তার দু'ধারে ছোটখাট একটা মেলা বসে গেছে। পান-বিড়ির দোকান, চা-সরবতের দোকান, বুঁদে-জিলিপির দোকান, জাপানী চুড়ি-খেলনার দোকান, নানান খাবারের দোকান—ভগবান দেখে ফেরার সময় দু' পয়সা খরচ করতে কোন্ লোক আর পরাঙ্মুখ হবে। সুব্যবস্থার জন্তে এক দল স্বেচ্ছাসেবকও তৈরী হয়ে আছে। এত লোকের সমাগমে আইন-শৃঙ্খলা যাকে নষ্ট না হয় তা দেখবার জন্তে বহমৎপুর থানা থেকে দারোগা আর কনষ্টেবলও যথাসময়ে পৌঁছে গেছে।

মুখ্য বাড়ীর কোলাহলে সারা গ্রামের আকাশ-বাতাস গমগম করে। একান্তে কেউ মালা-জপ করছেন। কেউ একমনে শ্রীকৃষ্ণের শতনাম পড়ছেন। কেউ গলা ছেড়ে ভজন গাইছেন। এক কোণে খোল-করতাল সহকারে একদল কীর্তন সুরু করেছে। সময় ক্রমেই এগিয়ে আসছে। এগিয়ে আসে এই জীবনের পরম প্রাপ্তির চরম মুহূর্ত!

পেট্রোম্যাক্স-এর আলোয় সব-কিছু স্পষ্ট দেখা যায়। উঠানে ষত লোক, তার চেয়েও বেশী লোক রয়েছে কাছেপিঠে, এ-ঘরের মধ্যে ও-ঘরের বারান্দায়—যতদূর দৃষ্টি যায় বাড়ীর শেষ সীমানা পর্যন্ত কেবল নরমুণ্ড! অপার্থিব প্রত্যাশায় শত শত নরনারী উদ্বেল, উদগ্রীব।

মুখ্যে পূজোর ঘরের কপাট বন্ধ করে বহুক্ষণ ধ্যানে বসেছেন। তিনি ধ্যান ভেঙ্গে বাইরে এসে দেখা দিলেই বুঝতে হবে, সময় হয়েছে। সকলেরই দৃষ্টি তাই থেকে থেকে পূজোর দালানের ছয়ারে নিবন্ধ। মাঝে মাঝে বেজে উঠছে শঙ্খ ঘণ্টা কাঁসর। মেয়েরা দেয় থেকে থেকে হলুধ্বনি।

ঘণ্টাখানিক বাদে অসংখ্য উৎসুক দৃষ্টির সম্মুখে এসে দাঁড়ালেন শ্রীনাথ

মুখ্যে। সঙ্গে সঙ্গে সহর্ষ কল-গুঞ্জন তাঁকে অভিনন্দিত করল। মুখ্যের চোখে-মুখে পরিতৃপ্তির ঝুঁহু হাসি। পরিধান পটবস্ত্র, কপালে চন্দনের ফোঁটা, শিখাগ্রে বাঁধা ছোট্ট একটা জবাফুল। তিনি হাত তুলে ইসারা করতে না করতেই সমবেত কোলাহল এক মুহূর্তে থেমে যায়। সেই উৎকর্ণ স্তম্ভতার এক প্রান্তে দাঁড়িয়ে গুরু-গম্ভীর কণ্ঠে তিনি শুরু করলেন, “আজ এই পার্থিব জগতের এক মহা মাহেন্দ্রক্ষণ! এতকাল যিনি কেবল ভাগ্যবান ধ্যানী যোগী মুনিঋষিদেরই দর্শন দান করেছেন, ব্যক্তিবিশেষের একান্ত নিঃস্ব উপলক্ষির বাইরে যিনি ধরা-ছোঁয়া দেন নি, সেই তিনি আজ তাঁর নতুন লীলায় প্রতিভাত হবেন। এত লোক এক সঙ্গে তাঁর দিব্য সত্তার প্রত্যক্ষ আশ্বাদ পাবে—তাঁকে ছুঁচোখ ভরে দেখে নেবে। আজ থেকে চিরতরে দূর হবে ষত নাস্তিকের অবিশ্বাস, ষত ছুজ্জের্ববাদীর সন্দেহ-সংশয়। আজ থেকে—”

মুখ্যে এবার কথার মাঝখানে থেমে যান। ভাবালু দৃষ্টি বুলিয়ে একবার সম্মুখস্থ একাগ্র নৈঃশব্দের নাড়ি পরীক্ষা করে নিলেন। খানিক এক দৃষ্টে তাকিয়ে থেকে উর্ধ্বে চোখ তুলে দ্বিগুণ উৎসাহে আবার আরম্ভ করলেন, “তোমার বিধান তুমিই জানো। আমি কেবল উপলক্ষ্য। আমার মতো অধমের মধ্য দিয়ে কেন যে তুমি এই অভিনব লীলা দেখাচ্ছ তা আমি এখনো বুঝে উঠতে পারলাম না প্রভু।—বন্ধুগণ! আমি মহাজ্ঞানী মহাপুরুষ নই। তোমাদের মতো ভালোর-মন্দস সাদায়-কালোয় মেশানো সাধারণ এক দীন সেবক। করুণাময়ের অপার কৃপা আমার একেলার ধন নয়। আমি যা পেয়েছি, যা দেখেছি, যা জেনেছি, যা বুঝেছি তা তোমাদেরও সম্পদ, তাতে তোমাদেরও সমান অধিকার। আজ আমার মধ্য দিয়ে তাঁকে তোমরা দ্যাখ, চেন, মান, ধন্য হও!”

ভাবাবেশে মুখ্যের কণ্ঠস্বর কয়েক পরদা নেমে এলো। খানিক চোখ বুজে স্তব্ধের মতো দাঁড়িয়ে থাকেন। এখানে-ওখানে বিশ্বয়াবিষ্টের দল বলাবলি করছে অনুচ্চ কণ্ঠে :

“মুখ্যের মুখখানা দেখছ তো ? কেমন এক জ্যোতি মাখানো !”

“মাথার কাছে আলোর চক্রের মতো হঠাৎ কী একটা যেন জ্বলে উঠল না ?”

“শক্তি এসে ভর করেছে সারা দেহে।”

মুখ্যে আবার হাত তোলেন। বিচিত্র বিচ্ছিন্ন ষত অনুচ্চ সংলাপ এক মুহূর্তে বন্ধ হয়ে যায়।

“তোমরা তবে প্রস্তুত ?”

মুখ্যের প্রশ্ন শুনে সবাই উচ্চকিত হয়ে ওঠে।

“ভগবানের সাক্ষাৎ দর্শন পেতে তোমরা ইচ্ছুক ?”

“হ্যাঁ,” শত শত সম্মিলিত কণ্ঠস্বর জবাব দেয়।

“তার জন্ম প্রস্তুত হয়ে এসেছ ?”

“এসেছি।”

“বাসি কাপড় পরে কেউ আসো নি তো ?”

“না।”

“আজ কেউ মাছ-মাংস খাওনি তো ?”

“না—না।”

“আমি যা-যা বলেছিলাম তা মেনেছ ? আজ সারাদিন সাংঘিক আচার পালন করেছ ?”

“হ্যাঁ।”

“বেশ!—সবাইকে একসঙ্গে দেখানো সম্ভব নয়। আমি এখন পূজোর ঘরে যাচ্ছি। পঁচিশ জন করে দল বেঁধে ভেতরে যাবে। ভলাটিয়ারদের

কথা মেনে চলো। কেউ শৃঙ্খলা নষ্ট করো না। ইতিমধ্যে মন থেকে যত সব কুচিন্তা, যত লাভ আর লোভ, ক্ষয় আর ক্ষতির কথা মুছে ফ্যালো। আর সবাই মিলে একবার বলে দিকি নি : জয় জগদীশ্বর !”

“জয় জগদীশ্বর !” গগনভেদী আওয়াজ। মুখ্যে মন্ত্রাবিষ্টের গায় আশ্বে আশ্বে ঘরে ফিরে যান। সঙ্গে সঙ্গে শঙ্খ ঘণ্টা কঁাসরগুলো এবার চতুর্গুণ আওয়াজ করে বেজে ওঠে। মেয়েরাও ঝাঁকে ঝাঁকে হলুধ্বনি দেয়। মহাশয় প্রতাসন্ন !

সহসা এক ভলান্টিয়ার চিৎকার করে উঠল, “এক নম্বর দল উঠে আসুন।”

উঠানের পূর্ব-উত্তর কোন থেকে পঁচিশ জন লোক লাফ মেরে উঠে দাঁড়ায়। স্বেচ্ছাসেবককে অনুসরণ করে উঠান ছেড়ে সিঁড়ি ভেঙ্গে রকের উপর উঠে একজনের পর একজন করে পূজোর ঘরে ঢুকতে থাকে। বাইরের উৎসুক জনতা কোতূহলের ভারে স্তব্ধ হয়ে আছে। মনে মনে তাদের সহস্র জিজ্ঞাসা। কী দেখাবেন? কেমন করে দেখাবেন? কতক্ষণ দেখাবেন? যদি না দেখাতে পারেন? মুখ্যে সবার সামনে আজই প্রাণত্যাগ করবেন? জনমণ্ডলী উদ্বেল।

এদিকে পূজোর ঘরের চরার-জানালা সব বন্ধ। ভক্তমণ্ডলীর সামনে একটা বেদীর উপর দাঁড়িয়ে আছেন শ্রীনাথ মুখ্যে। তার সামনেই বড় একটা ঘূতের প্রদীপ জ্বলছে। রাশিকৃত পূজোর ফুলের মৃদু-মধুর গন্ধ সারা ঘরে ভুরভুর করে।

ধূপের ধোঁয়া নাকে-চোখে জ্বালা ধরায়।

“সব চিন্তা ছেড়ে দিয়ে খানিকক্ষণ কেবল আমার কথা ভাবো—আমার মধ্য দিয়েই তাঁকে দেখতে পাবে।” মুখ্যে হঠাৎ ঝাপটা দিয়ে

প্রদীপের শিখাটা নিবিয়ে দিয়ে ঘর একেবারে অন্ধকার করে ফেললেন, “সকলে একদৃষ্টে বেদীর দিকে তাকিয়ে থাকো—আমার দিকে। একটু বাদেই সেই জ্যোতির্ময় অখিল সত্তাকে দেখতে পাবে।—কিন্তু,” মুখ্যে এক মুহূর্ত্ত থমকে থামেন। জীবন্ত অন্ধকারের নাড়ি পরীক্ষা করে পরক্ষণেই আবার শুরু করেন : আজ সন্ধ্যাবেলার ধ্যানের মধ্যে তিনি আমার একটা আদেশ জানিয়েছেন। সেই প্রত্যাদেশের কথা তোমাদের এখনই বলতে হবে।”

কী সেই প্রত্যাদেশ? একঘর নরনারী উৎকর্ণ হয়ে রইল নিরুদ্ধ নিশ্বাসে।

“তিনি জানিয়েছেন, সকলকেই তিনি আজ দেখা দেবেন—শিশু, নারী, সবল, দুর্বল, রোগী, ভোগী—সব।” কিন্তু অকারণে একটু ঢোক গিলে অমনি আবার বলে চলেন মুখ্যে, “কিন্তু জারজ সন্তান যারা, কেবল তাদেরই তিনি দেখা দেবেন না। তোমাদের মধ্যে কেউ জারজ থেকে থাকলে, বার হয়ে যেতে পারো। তার এখানে থেকে কোনো লাভ নেই—বেজন্মারা তাঁর দর্শন পাবে না!”

বরময় এক অগাধ স্তব্ধতা। মুখ্যে গুরুগম্ভীর কণ্ঠে জানান, “সতী মায়ের সুসন্তান ছাড়া আর সকলে বেরিয়ে যাও।”

অন্ধকারের মধ্যে পঁচিশজন মনুষ্য সন্তান এ ওর মুখের দিকে তাকায়। মানে, কেউ কারো মুখ দেখতে পায় না।

“এ ঘরের মধ্যে এখন জারজ সন্তান কেউ নেই?”

সকলেই নির্বাক! সারা ঘরের এখন বুক টিপ টিপ করে।

“নেই তো কেউ? ভালো কথা। এবার তবে, অন্ধকারে শব্দ লক্ষ্য করে আমার দিকে একদৃষ্টে চেয়ে থাক।” কয়েক মুহূর্ত্ত

নীরব থেকে মুখোষ্য এবারে আস্তে আস্তে টেনে টেনে বলে যান  
“তিনি ঐ আসছেন।—এসে গেছেন। ঐ যে...এই যে। ছাখো  
ছাখো, হুচোখ ভরে দেখে নাও।”

কয়েকটি অসহ্য অসহিষ্ণু মুহূর্ত।

“দেখেছ ?”

পঁচিশ জনের কারো মুখেই টুশক নেই।

“এই যে এদিকে। দেখছ ?”

তেমনি নিরেট নিঃশব্দ অন্ধকার।

“এখনো ছাখোনি ? সতী মায়ের সন্তানের দল ! অন্ধকার উদ্ভাসিত  
করে আজ যিনি অস্তুরে বাহিরে একাকার হয়ে ইন্দ্রিয়বোধের নাগালের  
মধ্যে মূর্ত্তি ধরে এসে দাঁড়িয়েছেন, তাঁকে তোমরা এখনো দেখছো না ?

“দেখেছি, দেখেছি।”—একবাক্যে পঁচিশটি কণ্ঠ সাড়া দেয়।

“তাঁর দর্শন তবে পেয়েছ ?”

“পেয়েছি, পেয়েছি।”

“ধন্য হও। শুদ্ধ হও।—এবার এক এক করে বাইরে যেতে পার।  
নতুন দল আসবে।”

প্রথম দল বার হয়ে যায়। যেতে যেতে এ ওকে ফিসফিস করে  
প্রশ্ন করে, “দেখেছ তো ?”

“দেখেছি। কী জ্যোতি !”

“কেমন দেখলে ?”

“সে কী করে বোঝাব ভাই ! দেখতে দেখতে কী একটা আলোর সারা  
ঘর ভরে গেল !”

পরবর্তী দল পূর্বদলের পাশ কেটে পূজোর ঘরে যেতে যেতে অসহিষ্ণু প্রশ্ন  
করে, “দেখেছ তোমরা ?”



এক সঙ্গে হয়ে জবাব আসে, “হ্যাঁ-হ্যাঁ। দেখেছি দেখেছি।”

ঘণ্টা দুয়ের মধ্যে মুখ্যে বাড়ীর মস্ত উঠোনটা খাঁ-খাঁ করে। দলে দলে  
যে যাঁর বাড়ী ফিরে গেছে। পথে পথে সবার মুখে ঐ একই কথা  
“দেখেছি, দেখেছি।”



## পোষ্টার

সামনের দেয়ালে আবার একখানা পোষ্টার পড়েছে।

রাস্তা দিয়ে কত লোক যায়। কেউ কেউ পড়ে দেখে। কেউ দেখেও দেখে না। কারো বা নজরেও পড়ে না। তবু আমাদের এই ফ্ল্যাট বাড়ীটার মুখোমুখী রাস্তার ওপারের ঐ দেয়ালের গায় ছ'চার দিন পর পর পোষ্টার মারে। কে বা কারা মারে জানি না। জানবার চেষ্টাও করি না। ছা-পোষা কেমনী। কে যায় যত সব হাস্যামা-হুজ্জতের নেপথ্যের কথা জানতে? যার খুশি মারুক, যার ভাল লাগে পড়ুক।

তবু না পড়ে পারি না। এত কাছে, একেবারে মুখোমুখী, তাই। আমার দোতালার শোবার ঘরের মধ্য থেকে পোটা দেয়ালটা চোখে পড়ে। বলা বাহুল্য, রাস্তায় দাঁড়িয়ে পড়ি না কখনো। নরম নিরীহ পোষ্টার :

সরবরাহ মন্ত্রী বলেন, কাপড়ের উৎপাদন বাড়িয়াছে : তবে কাপড়ের দাম কমে না কেন ?

কেন কমে না সেকথাই ভাবতে ভাবতে নিচে নেমে যাই। রোজ সকালে  
চা খাওয়ার পরে রাস্তার দিকের রকে গিয়ে বসি। পাশের বাড়ীর  
অধ্যাপক পরেশবাবু আসেন তার ইংরেজী সংবাদপত্রখানা সঙ্গে করে।  
আমারই পাশের ফ্ল্যাটের ইনুকাম-ট্যাঙ্ক আপিসের ধনঞ্জয়বাবু আসেন  
তার বিশ বছরের প্রিয় বাংলা খবরের কাগজখানি নিয়ে।

“দত্ত মজুমদারের খাটালের দেয়ালটা দস্তুরমতো একটা সংবাদপত্র হস্বে  
দাঁড়াল।”

“তাই তো দেখছি।” ধনঞ্জয়বাবুর পরিহাসের জবাবে বললাম, “ইদানীং  
একটু বেশী রকম বাড়ছে খবরের সংখ্যা।”

সংবাদপত্র থেকে মুখ তুলে অধ্যাপক পরেশবাবু বলে উঠলেন, “এতে  
আশ্চর্য্য হবার কী আছে? হালে খবরের কাগজওয়ালারা নীতি  
বদলেছেন : ঘটে যাহা সব সত্য নয়। তাই পছন্দসই খবর না  
হলে—তা সে যত বড় অঘটনই হোক না কেন—আজকাল তা  
সংবাদপত্রে অপাঙ্ক্লেয়। ফলে একঘরে খবরগুলো ঠাই নিচ্ছে দেয়ালে  
দেয়ালে।”

“যাই বলুন, ও-সব পোষ্টার ফোষ্টার মেরে কিচ্ছু হয় না।” ধনঞ্জয়বাবু  
গম্ভীর হয়ে মন্তব্য করেন, “কী লাভ হয় এতে? ক’জন লোক পড়ে  
মশায়?”

“শত হলেও খবরের কাগজ!” বললাম, “ছাপার হরফের একটা যাত্র  
আছে যেন!”

“হ্যাঁ, একেবারে বেদবাক্য—তা সে যত বড় মিথ্যাই ছাপা হোক না  
কেন।” অধ্যাপক ফোড়ন কাটেন।

শুনে খুসি হই না। অধ্যাপকের মতামত মাঝেমাঝে একটু উগ্র হস্বে  
ওঠে। তবু আমাদের বন্ধুত্বে কখনো টান পড়ে না। তাঁর সঙ্গে একটা

আয়গায় আমাদের ছ'জনের স্বভাবের মিল আছে। গোলযোগের গন্ধ পেলে তিনিও দূরদূর দিয়ে গা বাঁচিয়ে চলেন।

খনঞ্জরবাবু না বলে পারলেন না, “আপনি তো বক্তৃতার ঝাঁকে অনেক কথাই বললেন। বিপদের কথাটা একবার ভেবে দেখেছেন?”

“এতে আমাদের ভয় পাবার কী আছে মশায়?” অধ্যাপক প্রশ্ন করেন।

“কে বলতে পারে হঠাৎ একদিন সার্চ টার্চ হবে কিনা। অনর্থক হয়রানী কে চায় মশায়! আমাদের এই বাড়ীটাতে ছেলে ছোকরা—তা আট দশ জন তো হবেই। ধরে নিয়ে গেলেই হল। আজকাল কি আর আইন টাইন আছে!”

চেরে দেখি মই বেয়ে উঠে পোষ্টার লাগাচ্ছে দেয়ালে—সিনেমা কোম্পানীর নতুন ছবির সচিত্র বিজ্ঞাপন। “কন্ট্রোল তুলে দেবার পর তিন মাসে কাপড়ের কলওয়ালারা একশো কোটি টাকা মুনাফা লুটেছে!” ছ'তিন দিন আগের সেই বড় বড় হরফের পোষ্টারটাকে একেবারে ঢেকে দিল ভারতবিখ্যাত চিত্রতারকার তিনরঙা আবক্ষ মূর্তি।

পরদিনই আবার একখানা। এবার পরোক্ষ কায়দার এক উপভোগ্য পোষ্টার : পুরোদমে চোরাকারবার চালাও। “ক্ষমতা হাতে পেলেই চোরাকারবারীদের ফাঁসি দেব”—পণ্ডিত জওহরলাল। এক বছরে ক'জন ধরা পড়েছে? মার্ভে নিখিল চোরাকারবার সমিতি।

যথাসময়ে রকের আড্ডায় এসে বসেছি! অধ্যাপক সহাস্ত্রে বললেন, “পোষ্টারওয়ালারা দেখছি নতুন টেকনিকের খেলা দেখাতে শুরু করল!—আজ লোক টানছে মন্দ নয়।” দেয়ালের কাছে ছোটখাটো

ভীড় জমেছে। বেশীক্ষণ নয়। রাস্তা দিয়ে যেতে যেতে লোকে থামে, দেয়ালের কাছে এগিয়ে যায়। পড়ে, হাসে, টীকাটিপ্পনিও করে।

খানিক বাদে ধনঞ্জয়বাবু এসেই জানালেন, “শুনেছেন তো?”

“কী?”

“যা আশঙ্কা করেছিলাম তাই। এপাড়ায় টিকটিকির আনাগোনা শুরু হয়েছে।”

“মানে?”

“কাল দুপুরের দিকে আশপাশের দোকানগুলোর লোকজনেরের তারা—সি-আই-ডি’র লোকই হবে—বিস্তর জিজ্ঞাসাবাদ করে গেছে। রসুল মিঞাকে নাকি শাসিয়ে গেছে—বলে গেছে নজর রাখতে।”

আমাদের এ-বাড়ীরই গায়ে লাগানো রসুল মিঞার বিড়ির দোকান। হাঁক দেই। রসুল হাতের কাজ ফেলে রেখে চলে আসে।

“কাল নাকি পাড়ায় পুলিশের লোক এসেছিল?”

“মালুম নেহি।”

“তোমার দোকানে হে”—ধনঞ্জয়বাবু জোর দিয়ে বলেন।

“নেহি তো বাবু।”

এবার প্রশ্ন করেন পরেশবাবু, “ও সব পোষ্টার কারা লাগায় জানো? তুমি তো সব সময় সামনেই থাকো!”

“ম্যয় তো হর-বকৃত কাম পরহি রহতা হুঁ বাবু। ওঁর বাংলা জবান তো মুঝে মালুম নেহি হোতে ছায়!”

“আরে বাংলা বাত হিন্দী বাতের কথা হচ্ছে না।” ধনঞ্জয়বাবু প্রায় রুখে ওঠেন, “দিন দুপুরে ও সব কারা এসে মেরে রেখে যায় তুমি তার কিছুই জানো না বলতে চাও?”

“কুছ কুছ দেখতা হুঁ । কভি বাবু লোক লাগাতে হেঁ, কভি মজদুর-লোক ভি লাগাতে হেঁ ।”

রমুল চলে যেতেই অধ্যাপক বললেন, “যা-ই বলুন না, লোকে ওসব পড়তে চায় । দেখছেন তো এত পোষ্টার পড়ছে, কৈ ছিঁড়ে ফেলছে না তো কেউ ।”

দেয়ালের কাছে আবার একটা ছোট ভীড় জমেছে ।

দিন চারেক বাদে ।—একখানা বড় আকারের তথ্যভারী নীরস পোষ্টার : পাল্লমেণ্টে প্রধান মন্ত্রী জানাইয়াছেন, বিজয়লক্ষ্মী পণ্ডিত প্রতি মাসে তিন হাজার টাকা বেতন পান ও নয় হাজার টাকা ভাতা পান । এ ছাড়া তাঁহার মন্ত্রীর অফিসের জন্য বায় হয় বৎসরে ৫ লক্ষ ৩৯ হাজার টাকা । এ টাকা কার ? তোমার—আমার—কোটি কোটি ভারতবাসীর ।

ধনঞ্জয়বাবু দেয়ালের দিকে তাকিয়ে আছেন—পড়ছেন না । পড়ছে জন-কয়েক পথচারী : কারখানায় যাবার পথে শশব্যস্ত শ্রমিক, রেশনের থলে হাতে চশমা-পরা কেরানী ভদ্রলোক, এক রাজ্যের সংবাদপত্র বগলদাবা করে দাঁড়িয়ে এক ছোকরা বয়েসী হকার ।

ধনঞ্জয়বাবু শঙ্কা প্রকাশ করেন, “এবার নিশ্চয় পুলিশের উৎপাত শুরু হবে । বড্ড বাড়াবাড়ি হচ্ছে ।”

“কেন ? নতুন খবর তো কিছু দিচ্ছে না । এ সব ফ্যাক্টস্ ফীগারস্ তো সেদিন খবরের কাগজেই পড়েছি ।”

তা হলে কী হয়! খবরের কাগজ কি আর এ সব খবর এমন করে চোখে আঙ্গুল দিয়ে দেখিয়ে দেয়!”

“তা বটে।”

অধ্যাপক দেয়ালের দিকে চেয়ে আছেন। বললাম, “কী ভাবছেন পরেশবাবু?”

“ভাবছি—রোল্‌স্‌ রয়েস্‌ এ্যাডমিনিস্ট্রেশন্‌ ইন এ ব্লক্‌-কার্ট কান্ট্রি!” একটু হেসে বলেন অধ্যাপক, “এ উক্তি করেছিলেন সেকালের এক মডারেট নেতা। তিনি আজ ফিরে এলে নিশ্চয় এক্সট্রিমিষ্ট লেবর লীডার বলে স্পেশাল পাওয়ার্স্‌ এ্যাক্ট-এর বেড়াজালে পড়বেন।”

ধনঞ্জয়বাবু এক টিপ নশ্চি নিতে নিতে সেদিনের মতো আবার জোর অভিমত জানান, “এতে কোনো লাভ হয় না। ক’জন লোক পড়ে এ সব? আর পড়েই বা হচ্ছে কী?”

“কী হয় না-হয় জানিনে। তবে আপাতত আমার পনেরো বছরের ছেলেটার মগজে কিঞ্চিৎ শ্লোগানের ধোঁয়া ঢুকেছে।” পরেশবাবু হেসে বলেন।

আমার বড় ছেলেটাও ঐ বয়েসী। সুতরাং উৎকর্ষ হয়ে গুনে যাই।

“—গেল মাসে আমাদের ঠিকে-ঝি সাতদিন কামাই করেছে। বলে, অসুখ করেছিল। আমার তা বিশ্বাস হয় নি। হিসেব করে এ মাসে সাত দিনের মাইনে কম দিয়েছি বলে আমার পুত্র তার মায়ের কাছে নাকি মস্তব্য করেছে, বাবার বড়ো পেটবুর্জোয়া মেন্টালিটি।”

“বলবেন না আর!” বলছেন এবার ধনঞ্জয়বাবু, “আমার কনিষ্ঠ সহোদরের বড় বড় কথার ঠেলায় গায় জ্বালা ধরে। ইদিকে কলেজের পড়া তো সিকেয় উঠেছে। সেদিন বই নিয়ে গুন্‌গুন্‌ করছে। একটু পরখ করলাম, বলতো ষ্টুক্‌ আর শেয়ারে তফাৎ কী? বলে কী না, ও

সব কথা তোমরা জানবে—আমাদের জ্ঞে নয়। ভবিষ্যতে ঠুক একচেঞ্জই থাকবে না, তার আর ঠুক আর শেষারের তফাৎ।”

পরেশবাবু আর আমি একসঙ্গে হেসে উঠি। হাসেন ধনঞ্জয়বাবুও, কিন্তু পরক্ষণেই যেন একটু গম্ভীর হয়ে বলতে থাকেন, “আমরাও তো তাই চাই। কেঁ না চায় বলুন। তাই বলে কি আজই সব হবে, না তা হতে পারে? ধীরে ধীরে আসবে সব। এখনই এক্‌স্ট্রিমিট হয়ে কোনো লাভ আছে? এক্‌স্ট্রিমিস্ম মানেই ভায়লেন্স, আর ভায়লেন্স বিগেটস ভায়লেন্স!” বলেই ধনঞ্জয়বাবু এতক্ষণে একটা উচ্চরের কথা বলতে পেরেছেন ভেবে খুশির হাসি হাসেন।

পর পর দিন কয়েক নতুন করে পড়ল আবার পুরনো পোষ্টারগুলো : ছাঁটাই করা চলবে না।.....জমিদারী প্রথার উচ্ছেদ চাই।.....বিদেশী মূলধন বাজেয়াপ্ত কর। ইত্যাকার।

পড়ে—সবাই বুঝি পড়ে। অন্ততঃ আমার গৃহিণীও যে মাঝেমাঝে পড়ে তার প্রমাণ পেয়েছি। কালোবাজারের প্রসঙ্গে সেদিন বেশ প্রাসঙ্গিকভাবেই ঝেঁজে উঠেছিল, “গবর্নমেন্ট আমার হাতে দিক না সব ভার বুঝিয়ে। তোমাদের ঐ চোরাবাজার একদিনেই ঝেঁটিয়ে বিদায় করব দেখে নিয়ো।”

আজকের আসরে নীচের তলার পেছন দিকের ফ্যাটের কালীবাবুও আছেন।

বললাম, “বাড়ীতে আজকাল গিন্নীরাও যে পলিটিক্স শুরু করে দিলে মশায়।”

“দেবে না!” কালীপদবাবু বললেন, “এতকাল পলিটিক্স ছিল বাইরে বাইরে। হাল আমলে তা ঘরে এসে ঢুকেছে—একেবারে রান্নাঘরের হাঁড়ির মধ্যে।”



“ই্যা, পেটে টান পড়লে ও বস্তু আপনি আসে”, টিপ্তনী করলেন  
অধ্যাপক ।

চেয়ে দেখি একজন আধা-বয়েসী লোক দেয়ালে একখানা পোষ্টার  
লাগিয়ে চলে গেল । মফস্বলে কোথায় এক ভুখা-মিছিলের উপর  
পুলিশ লাঠি চালিয়েছে তারই সংক্ষিপ্ত খবর ।

কালীপদবাবু রাসিক লোক । তবে মাঝেমাঝে বড় মাত্রা ছাড়িয়ে যান ।  
আরো একটা দোষ আছে । একবার একটা কথা পেলেই ব্যস্ । আর  
কাউকে কথা বলতে দেবেন না । শুরু করে দিলেন, “আজকাল ঐ এক  
হিড়িক । কথায় কথায় মিছিল । চাল চাই, কাপড় চাই, হেন চাই,  
ভেন চাই ।—কেবল চেয়ে চেয়েই জিততে চায় । ও করে কোনদিন  
কিছু হয়েছে, না হবে ?”

“ও ছাড়া আর কোন পথ আছে বলুন ।”

কালীপদবাবু তার কৃত্রিম ক্রোধের ভাব এবার দ্বিগুণ চড়িয়ে দিয়ে  
বলেন, “আছে মশায় । সোজা, স্পষ্ট পথ । সব দেশের সব যুগের  
যা একমাত্র পথ ।”

“যথা ?” প্রশ্ন করে তাকে উস্কে দিতে চাই ।

কালীপদবাবু ফিক্ করে হেসে গরম সুর হঠাৎ নরম করে আনেন, “পথ  
মশাই যাই হোক না কেন, তাই বলে এমন সব ছিঁ চক্কাদনের মিছিল ।  
ই্যা, মিছিলের মতো মিছিল বার কর একটা, তবে না ।”

“কেমন ?”

“—এই ধরুন : ট্যাকে টাকা আছে, বাজারে কাপড় নেই । সমস্তটা  
তো এই ? বেশতো পাঁচ টাকার আর দশ টাকার নোট গঁদের আঠা  
দিয়ে জুড়ে জুড়ে এক-একখানা দেড়হাতি গামছা তৈরী করে তাই  
পরে যা না চলে কয়েক হাজার ছেলেমেয়ে লাট সাহেবের বাড়ির কাছে ।

দিগম্বর-দিগম্বরীদের সাইলেন্ট ডেমোন্স্ট্রেশন ! শ্লোগানের দরকার নেই ।  
মেখেই বুঝবে : টাকা আছে, কাপড় নেই ।”

আমি আর অধ্যাপক সলজ্জ বিরক্তি গোপন করে চুপ করে থাকি ।  
ধনঞ্জয়বাবু কিন্তু একটুখানি রসাল লেজুড় জুড়ে দিলেন, “তা করেও  
কোনো ফল হবে না মশায় । লাট-বেলাটের প্রাসাদে আজকাল যা  
কেতন-গানের ধুম, তাতে দূর থেকে বাইনোকিউলার চোখে লাগিয়ে  
মনে করবে নব ভারতের নব বৃন্দাবনের ষত গোপিনীরা এসেছে ।”  
উৎসাহিত হয়ে কালীপদবাবু বোধ হয় আরো একটু মাত্রা ছাড়িয়ে  
যাবার মতলবে ছিলেন । বাধা পেলেন ।

তেতলার ফ্ল্যাটের ধরনীবাবু আমাদের কাছে এসেই সোৎসাহে জানালেন,  
“শুনেছেন”—

“কী ?”

“কাল সকাল সাড়ে আটটায় আমাদের এই রাস্তা দিয়ে গবর্নর যাবেন—  
মনোরমা প্রসূতি ভবনের নতুন ওয়ার্ডের উদ্বোধন করতে ।”

আমাদের এতদিনের আশঙ্কা সত্যে পরিণত হল ।

সকালবেলা রকে বসে আমরা খবরের কাগজ পড়ছি । এক পুলিশ  
কনষ্টেবল এসে দেয়ালের পোষ্টাবগুলো ছিঁড়তে লেগেছে । বুঝলাম তার  
উপরওয়ালার হুকুম । লাটসাহেবের গমন-পথে কোনরূপ অবাস্তিত দৃশ্য  
থাকলে চলবে না ।

ইঠাৎ রাস্তার একজন লোক কাছে গিয়ে কনষ্টেবলএর হাত চেপে  
ধরেছে—তাকে কিছুতেই পোষ্টার ছিঁড়তে দেবে না । প্রথমে গালাগাল,  
পরক্ষণেই হাতাহাতি, তারপর ধস্তাধস্তি শুরু হয়ে গেল । হৈ-টৈ শুনে  
জড়ো হল এক ছোটখাটো জনতা ।

রোগাটে লোকটাকে কাবু করতে কনষ্টেবলটির বেশী সময় লাগল না। হিড়হিড় করে টেনে নিয়ে চলল থানায়। অদূরে জনতা থ হয়ে দাঁড়িয়ে আছে নিঃশব্দে।

এমন সময় মুহূর্ত মধ্যে ঘটল এক অপ্রত্যাশিত ব্যাপার। জনতার মধ্য থেকে জন দশেক লোক বাজপাখীর মত কনষ্টেবলের উপর ঝাঁপিয়ে পড়ল। স্পষ্ট দেখলাম তাদের মধ্যে আছে রসূল মিঞা, মোড়ের চায়ের দোকানের বয়টি, শ্রাকরার দোকানের সেই কানা কর্মচারিটি, 'রমা ফার্মেসি'র বাইরের বারান্দায় আমেরিকান লজ্জ-বিস্কুট-চকোলেট বিক্রী করে যে বেঁটে ছোকরা সে-ও এবং আরও জনকয়েক অচেনা অজানা মুখ। বাকী জনতাও টগবগ করছে উত্তেজনায়।

লোকটাকে পুলিশের কবলমুক্ত করে তারা সামনের চৌমাথার দিকে চলল এক বিজয়ী সেনাবাহিনীর মতো।

আমাদের চোখের সামনে চার-পাঁচ মিনিটের মধ্যেই এমন অনর্থ ঘটবে কে ভেবেছিল।

“গতিক ভালো নয়” বলে অধ্যাপক উঠে দাঁড়ান। আমরা যে যার ঘরে ফিরে যাই। কেন-না থানা বেশী দূরে নয়।

দোতলার ঘরের মধ্যে বসে দেখছি সব। দুই গাড়ী সজ্জিনধারী পুলিশ এসেছে। নেমেই প্রথমে তার দেয়ালটা একেবারে সাফ করে দিলে— সিনেমার বিজ্ঞাপনগুলি শুদ্ধ। তারপর দুভাগ হয়ে একভাগ চলে গেল মোড়ের দিকে। ভাবলাম এবার শুরু হবে ধরপাকড় আর খানাতলাস।

মিনিট দশেক বাদে। রাস্তার উপর তোলপাড় কাণ্ড। লাট আসছেন। অসম্ভব ব্যস্ততার সাড়া পড়ে গেছে। ঘনঘন হুইসিল্। হটো, হটো : তফাৎ যাও : খাড়া রহো : ঠাডো উধার : হটো।

রাস্তার দু'ধারে নিরুদ্ধ নিশ্বাসের মতো খেমে গেছে সব কিছু : চলন্ত গাড়ী, পথচারী, ভিথিরি, বেওয়ারিশ বেড়াল-কুকুর-ষাঁড়—সব। সারা বিশ্বব্রহ্মাণ্ড যেন একটি ভয়ঙ্কর মুহূর্তের অপেক্ষায় উন্মুখ হয়ে আছে। এক, দুই, তিন, চার.....

নক্ষত্র বেগে বার হয়ে গেল গভনরের গাড়ী !

বিকলে আপিস থেকে বাসায় ঢুকে সিঁড়ির মুখে প্রশ্ন করি গৃহিণীকে,  
“তোমার ছেলে বাসায় ?”

“হ্যাঁ।”

“আজ কোথাও যাননি তো ?”

“না গো, স্কুল থেকে সোজা বাড়ী ফিরেছে।”

নিশ্চিত হই।

সন্ধ্যার পর ধনঞ্জয়বাবু তাদের দোতলার বারান্দা থেকে ডাকলেন। আমাদের বারান্দার এক কোণে গিয়ে রেলিঙ-এ ভর করে মুখ বাড়িয়ে অনূচ্চ কণ্ঠে প্রশ্ন করি, “মহীতোষ ফিরেছে ?”

“না। সে জন্মেই তো ভাবনায় পড়েছি। বলে গেছে, খেলার মাঠে যাচ্ছি। হতভাগাকে এত বলি, তবু রোজ রাত করে বাসায় ফিরবে।”

ওপারে দেয়ালের কাছে একজন কনস্টেবল মোতায়েন রয়েছে সকাল-বেলার ঘটনাস্থলে। সারারাত পাহারা দেবে নাকি ?

তেমনি অনূচ্চ কণ্ঠে বলি, “মহীতোষকে এলে বলবেন অবজেকশনেবল কাগজ-পত্র কিছু থাকলে আজ রাত্তিরেই সব যেন সরিয়ে ফেলে।”

“না, সে ভয় নেই”, ধনঞ্জয়বাবু অভয় দেন, “যত বড় বড় কথা ওর মুখেই।

—আমরাও এককালে বলেছি মশাই। যাক, আজ থেকে পাড়াটা ঠাণ্ডা হবে আশা করা যায়। শেষ পর্যন্ত ক'জন গ্রেপ্তার হল জানেন ?”


“সতের জন।”

পরদিন সকালবেলা। যথাসময়ে নিচে যেতেই পরেশবাবু অঙ্গুলি সঙ্কেত করে বললেন, “দেখছেন তো ? রাতরাতি কী কাণ্ড।”

“হঁ। ভোরবেলা বিছানায় বসেবসেই দেখেছি সব।”

আবার পোষ্টারে পোষ্টারে দেয়ালের গায় কোথাও একটুকু কাঁক নেই।

“ইঁহুরের রাজত্ব সুরু হল মশায়—ইঁহুরের রাজত্বি!” ধনঞ্জয়বাবু সতর বিষয়ে বললেন, “বীজ ছড়াচ্ছে—সর্বনেশে মহামারীর বীজ!”



## অবশ্যভাবী

পাশের অংশে কিছুদিন হল নতুন ষে-ভাড়াটে এসেছে, নিঃসন্দেহে তারা ভদ্রলোক নয়। অভিমতটা গৃহিণীর, স্মৃতরাং নগেনবাবুরও।

ওরা প্রথম ষে-দিন এল, তার পরদিন রাতে স্বামীকে এসে চাপা গলায় স্মরমা দেবী জানিয়ে দিলেন, “ওগো, এবারেও সেই—”

“কী?—আবার বাঙ্গাল?”

“বাঙ্গাল বলতে বাঙ্গাল! পাড় বাঙ্গাল।”

“মানে?”

“মানে আবার কী!” স্মরমা ছয়ার ভেজিয়ে দিয়ে এসে এবার সহজ-ভাবেই বলেন, “অনেক বাঙ্গালের সঙ্গেই তো এক বাসায় থেকে এলাম, কিন্তু কস্মিনকালে এমন ধারা মেয়েছেলে দেখিনি তো!”

নগেনবাবু জিজ্ঞাসু চোখে স্ত্রীর মুখের দিকে চেয়ে আছেন এক মুখরোচক সংবাদের আশায়। স্মরমা কোষ্ঠি কেটে চললেন, “মেয়ে নয় ত পুরুষের বাবা। রাতছপুরে একাএকা বাসায় ফেরে কোন্ সাহসে ওনি?”

চ'হুটো ভাই ত রয়েছে ঘরে, তাদের কাউকে নিয়ে বেকলেই ত হয়!—  
বাবা! ভাবতে আমার বুক টিপ্, টিপ্, করে!”

পরম উৎসাহিত হয়ে নগেনবাবু মস্তব্য করেন, “তাহলে ওদের মেয়েগুলোর  
চরিত্তির—”

স্বামীর মুখের কথা কেড়ে নিয়ে সুরমা কিন্তু কৌস করে ওঠেন,  
“দ্যাখো! তোমার মনে বড় ময়লা। না জেনে শুনে অমনি পুরু করে  
দিলে ত!”

“ভাল রে ভাল!” নগেনবাবু নিরাশ হয়েছেন সন্দেহ নেই। কিন্তু  
স্ত্রীর কাছে এখন মান বাঁচান চাই। কথাটা হালকা করতে  
চাইলেন, “আমি আবার কখন কী বললাম? তুমিই ত কী সব  
কথা বলছ। রাত ছপুয়ে—”

“রাতছপুর মানে বুদ্ধি তোমার রাত বারোটা! যেমন বুদ্ধি তোমার!”

নগেনবাবু চুপ করে শুনে যান রাতছপুরের ব্যাখ্যাটা!

“রাত দশটা এই বা মেয়েমানুষ একা—এই কলকাতার রাস্তা দিয়ে  
বাসায় আসে কোন্ আক্কেলে? ভয় ডর নেই?”—সুরমা চটে ওঠেন।

“ভয় পাবে কেন? ওরা ত আর তোমার মত নয়—আজকালকার  
স্বাধীন জেনানা গো!”

“অমন স্বাধীন জেনানার মুখে আগুন।”—বলেই সুরমা ছয়ার খুলে  
গৃহকাজে বাইরে চলে যান।

পরদিন আপিসে সহকর্মীদের কাছে নগেনবাবু যতটা জানেন সেই আসল  
কাহিনীর সঙ্গে অনেকখানি রঙচঙ মাখিয়ে আবহাওয়াটা রসালো  
করে তুললেন। মাঝে মাঝে থেমে পড়তে হয়—পাশের ঘরের নলিনী  
ছেলেটা একে ত বাঙ্গাল, তায় আবার গ্র্যাজুয়েট মেয়ে বিয়ে করেছে  
সম্প্রতি।

“দেখে শুনে তোমার গিন্নীরও হয় ত পাখা গজাবে হে নগেন। সাবধান!” সহাস্ত্রে মস্তব্য করেন বুদ্ধ রামহরি বাড়ুজ্যে।

“আর বলো না দাদা! ওদের গিন্নী ত লেডী ডাক্তার। বড় মেয়েটা নাকি মাষ্টারনী। ছোটো ধাড়ী মেয়ে গড়গড় করে কলেজে যায় একা-একা।—তোমাদের কাছ থেকে এতকাল শুনেছি, রাস্তাঘাটে ট্রামেবাসে স্বাধীন জেনানা রোজই ত ছুঁচারটে কোন আর না দেখি, বল! কিন্তু এ যে পাশের ঘরেই বাঘের বাসা!”

“মেয়েছেলেকে এই বয়সেও এত ভয়, নগেনবাবু!” হেসে ওঠে শ্রীমন্ত—বয়েস তার এখনো কুড়ি পেরোয়নি। কিন্তু বয়োজ্যেষ্ঠ সহকর্মীদের মাত্রাহীন রহস্যকৌতুকে যোগ দেবার লাইসেন্স পেয়ে গেছে।

“ভয় পাব না—বল কি হে! ও বুঝি তোমার আমার মত ভেবেছ। এ-ছদ্দিনেই কত ছেলে-ছোকরা এসেচে ভাই, সবই বুঝি আত্মীয়-স্বজন! যত সব ইয়ে—। চিৎকার করে পোলিটিক্যাল তর্ক জুড়ে দেয়। আজ বাজারে বেকুবের সময় দেখি—ওদের জানালার কাছ দিয়েই ত বেরুতে হয়—সেই মাষ্টারনী মেয়েটা এক মনে বসে ইংরেজি খবরের কাগজ পড়ছে। বাজার থেকে ফিরেও দেখি, ঠিক তেমনি চুপ করে বসে কাগজ পড়ছে।—খবরের কাগজগুলোয় এমন কী থাকে হে?—ঘণ্টা খানিক তাই নিয়েই পড়ে থাকতে হবে!”

“স্বদেশী টদেশী নয় ত ভায়া?”—বুদ্ধ রামহরি প্রশ্ন করেন।

“কী জানি দাদা!—ওদের অসম্ভব কিছুই নেই!” নগেনবাবুর কণ্ঠস্বরে এবার শঙ্কার আভাষ পাওয়া যায়।

পরদিন রাত্রে।



সুরমা জানালেন, “আর যাই বলে না, একটা বিষয়ে কিন্তু ওদের প্রশংসা করতেই হবে !”

“কিসের ?”

“ওদের কত্তা মারা যাবার পর যে অকূলে পড়েছিল ওরা তা যদি শোন। —ভুল্লোক একটা ইনুসিওর পর্য্যন্ত রেখে যান নি। গিন্নী রোজগারে না বেরুলে সকল গোষ্ঠি এদিনে না খেয়ে শুকিয়ে মরতো।”

“হ্যাঁ! ছেলেপেলে রেখে এ ছনিয়ায় কেউ যেন কোনদিন মরেনি! আর তারা সব না খেয়ে শুকিয়েই মরছে কিনা!”

“না খেয়ে মরবে কেন! মনি মাসিমার মত ভাসুরের সংসারে লাধি ঝাঁটা খেয়ে ছ’বেলা ছুটো মুখে গুঁজত হয়তো।”

“এরি মধ্যে বাতাস লেগেছে বুঝি!” নগেনবাবু বক্র কটাঙ্ক করলেন।

সুরমা কথাটা গায়ে মাখেন না। বলেই চললেন, “বড় মেয়েটা বিয়ে করছে না বুঝি সাধে। ছেলেছুটো আর বীণার পড়ার খরচা তো বরাবর সেই চালিয়ে আসছে গো! কী চমৎকার মেয়ে। আমি ত ভেবেছিলাম, পেটে অত বিড়ে—আমাদের মতন মুকুমুকুর সঙ্গে বুঝি কথাই কইবে না।”

“অঃ। বড় যে স্বাধীন জেনানা ভক্ত হয়ে উঠ্ছ, দেখ্ছি! আর কি! কাল থেকে সারাক্ষণ খবরের কাগজ নিয়ে বসে থেক, হেঁসেলে ঢুকব আমিই।” নগেনবাবুর শ্লেষটা এবার রসিকতার ছোঁয়ায় একটু হালকা হয়ে এল।

“তোমার ত অমনি কথা! কত শুনেছি, লেখা-পড়া জানা মেয়েরা রাতদিন বই নিয়ে পড়ে থাকে, হাতা-খুন্তি ধরতে চায় না, লঘু গুরু জ্ঞান নেই।” বলতে বলতে সুরমার কণ্ঠস্বর উচ্ছ্বসিত হয়ে ওঠে, “ওদের ক’টা ঠাকুরচাকর রয়েছে, শুনি? মেয়েগুলো রেঁধেবেড়ে বাসন-

কোশন মেজেষসে সব দিক গুছিয়ে তুবে ত সব যার যার কাজে বেরয় ।  
একটা ঠিকে-ঝি পর্য্যন্ত রাখে নি ।—পালা মত গিন্নীকেও তিনদিন পর  
হবেলা হেঁসেলে যেতে হয় গো ।”

“তাই নাকি ?”

“তবে !”—সুরমা কথাটা বললেম কেমন এক গর্জিত অনুভূতি নিয়ে ।

“তা—যাই বলা,” নগেনবাবু আমতা আমতা করতে থাকেন, “বেশি  
মেলামেশা ভাল নয় । তেলে জলে মিশ খাবে না ।”

“আমি আবার কী মিশতে গেলাম । বিকেলে একবার শুধু  
গিয়েছি—এক বাড়ীতে থাকলে যেন না গিয়ে পারা যায় !—রাতদিন  
শুদের ওখানে পড়ে থাকে ত তোমার মেয়েই । ডেকে ডেকে সাড়া পাই  
না ! মেয়েটাকে দিয়ে কুটো ছিঁড়ে ছ’খানা করবার উপকারটুকু পাই  
নে বাবা !” সুরমা দেবী অমনি সুরু করলেন পাশের ঘুমন্ত মেয়েটার  
উপর তার অভিযোগের পালা ।

“টুনিকে আমি কাল বারণ করে দেব । এই বয়েস থেকে দেখে শুনে  
কুশিক্ষা পেলে আর রক্ষে আছে !—ষে দিনকাল ! কাল লেকের জলে  
একটা ছেলে আর মেয়ে একসঙ্গে ডুবে মরেছে, শুনেছ ?”

যেন লেখাপড়া শিখলেই মেয়েগুলো সব লেকের জলে ডুবে মরে এমনি ভাব  
দেখিয়ে নগেনবাবু জীকে পরিষ্কার করে নারীত্বের মহিমা বোঝাতে সুরু  
করলেন, “হ্যাঁ—লেখাপড়া মেয়েরা একটুআধটু করবে বৈ কি !  
তোমরাও তো মানুষ ! তবে সন্তানের মা হবে যারা, তাদের শিক্ষা  
ছেলেদের মত হলে চলবে কেন ! শত হলেও মেয়ে-মানুষ মেয়েমানুষই—  
পুরুষ নয় । কী বলা ? এই—ধরো চিঠিপত্রটা লিখতে পারে,  
ইংরেজিতে ঠিকানা লেখা খামের চিঠি এলে বুঝতে পারে কার চিঠি—  
ব্যস ! এই তো ষথেষ্ট ।”

“তাতে ত আর চাকরি করবার বিচ্ছেদ হয় না।”—সুরমা সহাস্তে অভিযত জানান।

“মেয়েরা চাকরি করবে কোন্‌ হুঃখে শুনি?” বলেই নগেনবাবু চাকুরী করার কত সুখ তাই স্ত্রীকে সবিস্তারে বলে চললেন, “মাষ্টারি আর কদ্দিন করবে মেয়েরা?—কটাই বা মেয়ে ইন্স্কুল রয়েছে? যাক্‌ না আপিসে সব, বুঝবে মজাটা। সকাল দশটা থেকে সন্ধ্যা সাতটা অবধি কলম পিশে এসে টের পাবে, কত ধানে কত চাল।—”

“আর আমরা যেন ঘরে বসে বসে খাই—খেটে খেটে মুখে রক্ত উঠে মরি।”

“তোমরাও খাটো—রাতদিন কাজ কর, তা মানি। কিন্তু তোমাদের অত কাজের মধ্যেও সুখ আছে, তা জান?” নগেনবাবু জনসভার বক্তার মতই উচ্ছ্বসিত হয়ে ওঠেন,—‘ভাত রাঁধছ, বাটনা বাটছ, কোটনা কুটছ, ঘর ঝাঁট দিছ, বিছানা করছ, কাপড় জামায় সাবান মাখাচ্ছে।—সব সময়ই তোমাদের কাজের মধ্যে এই কথাটাই থেকে যায় “আমার বাসন-কোশন, আমার ছেলেমেয়ের খাবার, আমার স্বামীর কাপড়-জামা, আমাদের শোবার বিছানা—একটা আমিত্ব থাকে বলে কাজটা তোমাদের কত হালকা, তাই নয়? আর আমাদের? দৈনিক আট ন’ঘণ্টা ত খাটি—প্রতি মুহূর্তেই মনে হয় : এ সব আমার নয়। এ কাজ আমার নয়—সব ঐ বংশীলাল বুনুবুনওয়ালার। এর লাভ, এর ফল সব যাবে ব্যাটাচ্ছেলের পিপের মত ঐ বিশাল ভুঁড়ির মধ্যে! যাও না গো একদিন মার্চেন্ট আপিসের কেরাণী হয়ে এস গো—বুঝবে ঠেলা!”

স্বামীর এই অকাত্য যুক্তির কাছে স্ত্রী যেন বোকা বনে যায়। সোনার খাঁচার পোষ-মানা পাখী আজ একটু চঞ্চল হয়ে উঠেছিল মাত্র। আবার অভ্যস্ত মন প্রকৃতিস্থ হয়। সুরমা দেবী মনে মনে তাঁর অত

লেখাপড়া জানা স্বামীর কথায় সায় না দিয়ে পারেন না। ওদের লজ্জা-সরম সত্যি বড় কম। মেয়েমানুষ অমন হলে যেন ভাল দেখায়!—না, তা মানায়? রাত দশটায় টিউশন করে একা একা বাসায় ফেরে! বাবা! ভাবতে গেলে সুরমার বুক টিপ্‌টিপ্‌ করে। কলকাতার রাস্তায় কত গুণ্ডা আর বদমাইশ হেঁটে বেড়ায়! এই ত সেদিন খবরের কাগজে বেরিয়েছিল.....

মাস দুই পরে।

কর্তা আর গৃহিণীর মধ্যে ইদানীং দিনে রাতে অমন পঞ্চাশ বার ঠোকাঠুকি হয়ে যায়। নগেনবাবু এই সুদীর্ঘ কাল পরে সম্প্রতি আবিষ্কার করেছেন, স্ত্রী তাঁর একটা অকস্মার ঢেঁকি! হাঁড়ি ঠেলে, খায় দায়, চুল বাঁধে আর গল্প করে। সুরমা দেবীও এতদিনে বুঝতে পেরেছেন, লোকটা পুলিশের দারোগা হলেই তাঁকে মানাত ভাল—স্ত্রী যেন তাঁর কাছে দশধারার আসামী আর কি!

নগেনবাবু বাইরের ঘরটা বেশ সাজিয়েছেন। গোটা কয়েক চেয়ার, একটা গোল টেবিল, দুটো বেতের ইজিচেয়ার আর ডজন খানিক বাঁধানো ল্যাগুস্কেপের ভীড়ে ছোট্ট ঘরটা যেন রাতদিন হাঁপায়। আজকাল সকাল বেলা বাইরের ঘরে বসেই চা খান আর ঘণ্টা দেড়েক বসে খবরের কাগজ পড়েন।

এর চেয়েও বিস্ময়ের কথা, আজকাল নগেনবাবু পাশের অংশের কোন প্রসঙ্গ উঠলেই খুসী হয়ে ওঠেন। গৃহিণী তা সহিতে পারেন না। সঙ্গে সঙ্গেই তিলকে তাল করে জানিয়ে দেন—ওরা কত বড় নির্লজ্জ, কি রকম ছোট মন তাদের, জাত মানে না, কাঠ মানে না—ঘরের পাশে

কি যে সব অনাচ্ছিষ্টি কাণ্ডকারখানা হচ্ছে রাতদিন, তা শুধু জানেন ভগবান আর জানেন সুরমা দেবী !

তার চেয়েও ঢের বেশী আশ্চর্য্য, ওদের অমন নিন্দুক সুরমা মেয়েকে স্কুলে দেবার জন্তে আজকাল যেন একেবারে খেপে উঠেছেন। আর সর্বাধিক বিস্ময়ের কথা এই যে, ও-বাসার এমন সপ্রশংস সমালোচক নগেনবাবু মেয়েকে ভর্তি করার কথা শুনলেই গৃহিণীকে কেবলি নিরস্ত করেন। বক্তৃতা সুরু করে দেন, “কেন, ঘরে বসে বুদ্ধি পড়াশুনা হয় না? মেয়েছেলে একটুআধটু লিখতে পড়তে শিখবে, তার জন্তে আবার স্কুল-কলেজ কেন? তোমার মেয়ে যা শিখেছে এরি মধ্যে তাই যথেষ্ট। আবার কী!”

সুরমা পীড়াপীড়ি করতে থাকেন, “তুমি একেবারে চোখ বুজে আজ—ভবিষ্যতের কথাটা একবার ভাব? মেয়েকে বুদ্ধি বিয়ে দিতে হবে না?”

“তোমার যেন আর বিয়ে হয়নি!” সঙ্গে সঙ্গেই পাণ্টা জবাব দেন নগেনবাবু, “তোমায় নিয়ে বুদ্ধি আমি ঘর করি নি এদিন? আমাদের মা-ঠাকুরমারা যেন চিরকাল আইবুড়া হয়েই ছিলেন!”

সুরমা মনে মনে খুশী হয়েও কি জানি কেন জেদ ছাড়তে চান না, “সেকাল আর একাল যেন এক!—যখন যেমন তখন তেমন।”

“মেয়েমানুষ সব কালেই এক।”

সুরমা দেবী রেগে যান, “মেয়েদের তোমরা শেয়াল-কুকুরের মত মনে করে এসেছ এতকাল, আর তা চলবে না।”

গৃহিণী এই নতুন বুলি যেখান থেকে কুড়িয়ে পেয়েছেন নগেনবাবু অমনি সেখানকারই প্রসঙ্গ তুলে নিজেরই অজানতে মুখর হয়ে ওঠেন। দেখতে দেখতে সুরমার সুর কেটে যায়, তাল ভঙ্গ হয়।.....ওদের

গৃহিনীর অত বাড়াবাড়ি ভাল নয়! মেয়েগুলোর উপর একটু কড়া শাসন রাখলে কি তারা এমন যখন তখন বাইরে বেরিয়ে পড়তে পারে! ইত্যাকার অনেক অভিযোগ একসঙ্গে এসে জমা হয়। মেয়ের পড়া আর নারীর মুক্তি ধামাচাপা পড়ে যায়।

সেদিন আপিস থেকে ফিরতেই মেয়ে এসে বাপকে শক্ত করে ধরে,  
“বাবা! আমি ইস্কুলে ভর্তি হব।”

“কেন?”

“বা রে! ইস্কুলে না গেলে বুঝি কারু বিদ্যে হয়!”

“অত বিদ্যে দিয়ে কাজ নেই মা লক্ষ্মীটি। ঘরে বসে যা হয় তাই ভাল!”

সুরমা ফোড়ন কাটেন, “দশটা নয়, পাঁচটা নয়—একটা মাত্র মেয়ে। তার ইস্কুলের খরচায় তুমি ভয় পাও।”

“হ্যাঁ, ভয় পাচ্ছি—তবে খবচের কথা ভেবে নয়। কী যে সব ব্যাপার হচ্ছে দিনের দিন তা তো আর জান না। খবরের কাগজে বুঝি সব কথা বেরায়! আর, মেয়েরা স্কুল-কলেজে গিয়ে যা শিখবে কোন্ কাজে লাগবে তা শুনি? রান্না করা, ছেলেপেলে মানুষ করা, আচার-নিষ্ঠা, ব্রত-পার্বণ, সেবাশুক্রমা—এ-সব শিক্ষা ঘরের চেয়ে ভাল করে শেখাতে পারে কোন্ স্কুল-কলেজ নাম করো! তুমি যদি নিজে মেয়েকে ও-সব না শেখাতে পার, সে-দোষ তোমার।”

“হয়েছে! থামো এবার। সবতাতেই তোমার ঐ এক কথা—কেবল বক্তিতা। বড্ড সেকলে মন তোমার।” সুরমা কথাগুলো বললেন কোঁতুক ভরেই। কিন্তু নগেনবাবু হঠাৎ তেলবেগুনে জলে উঠলেন,  
—ভালমন্দ না জেনে পরের মুখের ঝাল খেতে খুব শিখেছ যা হক্।  
কালই বাড়ি খুঁজতে বেরবো! আর এখানে-থাকা চলবে না।”

খণ্ড প্রলয়টা সহসা চাপা পড়ে এক অপ্রত্যাশিত বাধায়। নগেন-  
বাবুকে অবাক করে দিয়ে ঘরে ঢোকে সেই মাষ্টারনী মেয়েটা, অর্থাৎ  
মিস্ প্রতিভা দত্ত।

“মেয়েকে স্কুলে পাঠাতে আপনার আপত্তির কারণটা শুনতে পারি?”

নগেনবাবু এখনো বিষ্ময়ের ধাক্কাটা কাটিয়ে উঠতে পারেননি।  
আগেভাগে নোটিশ না দিয়ে হঠাৎ এসে মেয়েটি সরাসরি এমন প্রশ্ন  
করে বসবে সে-কথা তিনি ভাবতেই পারেন নি।

“আপনি কি মেয়েদের লেখাপড়া পছন্দ করেন না?”

“না-না, তা ঠিক নয়।” নগেনবাবু আমতা আমতা করতে থাকেন,  
“আপনি ভুল শুনছেন। তবে কি জানেন—এই, আরো কিছুদিন  
পড়ুক না বাড়ীতে, তারপর—আপনাকে কেউ ভুল বুঝিয়ে থাকবে।  
মানে—”

“আপনার কোন আপত্তি শুনব না কিন্তু,” মিস্ দত্ত  
মিষ্টি করে হেসে উঠে। “টুনির মাকে শুধু স্কুলে পাঠাব  
শেষকালে!”

মেয়েটা চলে গেল। এ যেন বিনা মেঘে বজ্রাঘাত আর কি! নগেন-  
বাবু সলজ্জ বিষ্ময়ের ভাবটা সামলে নিয়েছেন এতক্ষণে। স্ত্রীর কথা  
এক বর্ণ মিথ্যা নয়। লজ্জা বলে মেয়েদের যে একটা ভূষণ আছে তা  
এদের ত্রিসীমানায় নেই। এ ক’মাসে নগেনবাবুর সঙ্গে ওদের কোন  
পরিচয় ঘটেনি। এতটুকু কথাবার্তা হয়নি কোনদিন—শুধু সামনা-  
সামনি দেখা হয় মাঝে মাঝে। তাতেই একজন পর পুরুষের কাছে  
সটান এসে হাজির—শুধু হাজির নয়, যেন তার খাস তালুকের প্রজা  
নগেনবাবু—এমনি তার কথা বলার ঢং! এদের কথায়, এদের সত্যতা  
শিখতে, নগেনবাবু তার মেয়েকে পাঠাবেন স্কুলে? প্রাণ গেলেও না।

সুরমা দেবীও বিরক্ত হয়েছেন অপরিসীম। বলা নেই, কওয়া নেই; স্বামী-স্ত্রীর কথার মধ্যে পাশের ঘর থেকে মেয়েটা ফস্ করে এ ঘরে ঢুকল কোন আক্কেলে! আর তার কথা বলার ছিরি দেখে সুরমার গা রি-রি করে। অপরিচিত এক পর পুরুষের সঙ্গে নাকি কোন মেয়ে এমন করে গায়ে পড়ে এসে ঝগড়া বাধাবার চেষ্টা করে। যেন কত কালের পরিচয়—এমনি মাখামাখি ভাব দেখালে মেয়েটা। বেহায়ার বেহদ!

“দেখলে ত!” সুরমা দেবী বললেন, “কী বেহায়া মেহেমানুষ!”

নগেনবাবু জবাব দেন না। শুধু সহাস্ত্র চোখে চেয়ে রইলেন স্ত্রীর মুখের দিকে। তার মনে এখন বিদ্রূপ না বিস্ময়, নিন্দা না প্রশংসা, সমর্থন না সমালোচনা, তা সঠিক বলা শক্ত।

এতদিনে একটি আধুনিক শিক্ষিতা মেয়ের খানিক পরিচয় পেলেন। আর কিছু না-ই বা জানলেন, এইটুকু কিন্তু বেশ বুঝে নিয়েছেন—ওরা ডাইনীও নয়, মায়াবীও নয়, বাধিনীও নয়। সুরমাব মতই এক প্রাণী—তবে সুরমার মত মনটা বদ্ধ এক স্বচ্ছ সরোবর নয়—যেন নদী, একস্থানে স্থির হয়ে নেই—সচল, সতেজ, বলিষ্ঠ।

আরো মাস কয়েক পরে।

শনিবারের বিকেলে অফিস থেকে ফিরে এসে নগেনবাবু বললেন, “সুরু, চল আজ সিনেমার যাই?”

“খুকী আজ মাসীমার ওখানে গেছে যে—আসবে সেই রাত্তিরে। তুকে ফেলে বাসুকোপে গেছি গুনলে মেয়ে বুঝি রক্ষা রাখবে আমার।”

“খুকী আজ নেই বলেই তো বলছি গো!—আমরা তজনে শুধু যাব—



ওপরে মেয়েদের ওখানে কিন্তু আল বসতে পারবে না, আমার সঙ্গে নিচেই থাকবে।”

“সে কি !”

“কেন, তাতে মহাভারত অশুদ্ধ হবে ?”

“তা নয়—তবে,” সুরমা থেমে যান কী যেন বলতে গিয়ে।

“বল না তোমার আপত্তি তবে কিসের।”

“পুরুষদের সীটে গিয়ে বসব না আর কিছু” বলেই সুরমা অভিমানের সুরে জানালেন, “বাইরে বেকুবের মত তোমাদের বাড়ীর ব্যবস্থা আছে কিনা !”

“কেন. তোমার শাড়ি-ব্লাউজের অভাব আছে নাকি ?”

“শাড়ি-ব্লাউজ হলেই যেন হল ! বসব গিয়ে পুরুষদের ঘরে, আর—”

সুরমা দেবী ধামলেন। নগেনবাবু বুঝে নিয়েছেন, আসল আপত্তিটা কী। হেসে ফেললেন, “সে ব্যবস্থাও করে এনেছি, এই ছাখো,” বলেই চৌকির তলা থেকে কাগজে-জড়ান এক জোড়া জুতো বার করলেন।

“আন্দাজে এনেছি, পায় দিয়ে ছাখতো, ঠিক মাপ মত হল কিনা !”

সুরমা খুশী হলেন অপরিসীম। মুখে বললেন, “হুঁ, এই বুড়ো বয়সে জুতো পরতে যাব কিনা ! তোমার মত—”

“ওঠ, আর দেরি করো না। চুল বেঁধে কাপড় পরে তৈরি হয়ে নাও। তিনমাস ধরে ‘চিত্রায়’ একটানা এই বইখানা দেখাচ্ছে। কী চমৎকার ছবি। আমাদের আপিসের সবাই দেখেছে।”

“কী নাম ছবির ?”

“স্বাধীনতা—অভিরাম সাহার, ডিরেকশান, প্লে. করেছে. ভবানী. ভঞ্জ. আর বেহলাবাল।”

“বেহলাবাল ?”

“হ্যাঁ। গল্প লেখা কার জ্ঞান? অবনী সোমের। মস্ত বড় সাহিত্যিক।”

সাহিত্য বা সাহিত্যিক নিয়ে কোন কালেই মাথা ঝামাবার বালাই নেই সুরমা দেবীর। তিনি খুসী বেহলাবালা নেমেছেন তাই জেনেই। নগেনবাবু সোৎসাহে বলেই চলেন, “অবনী সোম একখানা বেড়ে প্লট দিয়েছেন বটে। আলট্রা মডার্ন মেয়েগুলোর মাথায় মেরেছেন এক আচ্ছা টাটি! চমৎকার করে দেখিয়েছেন, মেয়েরা ঘরে সর্বময়ী কর্ত্রী—বাইরে ঘাবার পাখা গজালেই ষত অনর্থের সৃষ্টি হয়! আমাদের ষতীনবাবু কাল দেখে এসেছেন। বললেন, শেষের দিকটায় চোখের জল আর চেপে রাখা যায় না। মেয়েটার সে কী কান্না। স্ত্রীর স্বাধীনতার ঠেলায় স্বামী বাগ করে সেই যে চলে গেল আসামের কোন এক জঙ্গলে আর দুজনের দেখা নেই। দেখা হল যখন, ছেলোটর তখন শেষ সময়। ঐ স্বামীত্যাগিনী মেয়েটাকে গুণ্ডার হাত থেকে বাঁচাতে গিয়ে ছোবাব আঘাতে ছোঁড়াটা কিনা অকালে প্রাণ দিলে! একেই বলে আর্ট! অবনী সোমের কলম আর অভিরাম সাহার রেন!”

গল্পের প্লট শুনবার জন্ত সুরমা উদ্গ্রীব নন আদৌ। তিনি এখন তাড়াতাড়ি তৈরী হয়ে নিতে চান।

“—স্ত্রীর কোন স্বতন্ত্র ইচ্ছা নেই, স্বামীর ইচ্ছা স্বামীর আদর্শই স্ত্রীর আদর্শ। এই ছিল ভারতের সনাতন প্রথা—সীতা সাবিত্রী বেহলাব কথ। কথটা বলতে বলতে অভিরাম সাহা নাকি এমন একখানা পোজ দেখিয়েছেন, যা বাংলা ছবি, তো বাংলা ছবি ইংরেজি বইতেও খুব কমই চোখে পড়ে!”

“আঃ! সবটা আগেই বলে ফেলছ যে!” আয়নার কাছে দাঁড়িয়ে খোঁপা তুলতে তুলতে সুরমা অসহিষ্ণু হয়ে ওঠেন।

“ওরিয়েন্টাল মন্ডি কোম্পানী আজকাল সত্যি খুব ভালো ছবি তুলছেন বাঙ্গালী কোম্পানী কিনা! টেট্ট আছে তো! ওরা নাকি পর পর এমন সব সামাজিক ছবি তুলবেন যাতে দেশের সত্যিকার উপকার হয়। “স্বাধীনতা”ই তাদের প্রথম ভেঞ্চার!—অবনী সোমকে পেয়েছে ওরা। কী চমৎকার আইডিয়া লোকটার,” বলেই নগেনবাবু যেন স্বগত ভাবেই আনুভূতি করেন, “কিপলিং সাহেব কি আর সাথে বলেছেন—দি ইট্ট ইজ ইট্ট, ওয়েট্ট ইজ ওয়েট্ট—টোয়েন শ্রাল নেভার মিট। আমাদের মেয়েরা মেম সাহেব বনে গেলে হবে এক কিছুতকিমাকার জীব!—না এদেশের না, ওদেশের।”

সুরমা চুল বেঁধে কাপড় পরে নতুন জুতাছোড়াও পায় দিয়ে তৈরী হয়ে নিয়েছেন। কিন্তু ঘরের বাইরে এসেই কেমন এক লজ্জায় তার সর্বাঙ্গ যেন ভারাক্রান্ত হয়ে আসে। ভাগিয়স্ ওঘরের ওরা আজ কোথায় যেন বেড়াতে গিয়েছে! নইলে যতক্ষণ দৃষ্টির আড়ালে না যেতেন সকলে মিলে নিঃসন্দেহে সুরমা দেবীর চলনের দিকে তাকিয়ে থাকতো! রাস্তায় যেতে যেতে—বাসা থেকে ট্রাম রাস্তা পর্যন্ত এই পাঁচ মিনিটের পথের মধ্যে—সুরমা বার বার ভাবেন—চলাটা ঠিক হচ্ছে তো, এমনি করেই বোধ হয় পা ফেলতে হয়, ঘোমটা আর একটু টানাই ভালো—কী জানি পরিচিত আত্মীয়স্বজনদের কে কখন সামনে পড়ে যান, খুকীকে ছেড়ে ছবি দেখতে যাওয়া বোধ হয় ভালো হল না, এক ঘর পুরুষের মধ্যে কেমন করে অতক্ষণ বসে থাকবেন—মা গো!

“ও কী!”

“কিছু না।” সুরমা দেবী আসল কথাটা কিন্তু চেপে যান। বড় রাস্তায় পড়বার আগেই দু’পায়ে আঙ্গুলে ফোকা পড়ে গেছে। উঃ! বড্ড লাগে যে। তবু মানের দায়ে মুখ ফুটে স্বামীকে কিছু বললেন না।

কী কুক্ষণেই নগেনবাবু আজ স্ত্রীকে নিয়ে বার হয়েছিলেন। সুরমা যে এমন কেলেঙ্কারী করে বসবে তা জানা থাকলে কি আর তিনি এমন আহাম্মকের মত কাজ করতেন।

সুরমা বাস-থেকে নামতে গিয়ে হোঁচট খেলেন। খুঁড়িয়ে খুঁড়িয়ে অতি কষ্টে অডিটোরিয়ামে ঢুকলেন যা হুক করে। তারপর সেই যে মাথা গুঁজে বসে রইলেন আর মুখশুদ্ধ রা নেই তার। চারিদিকে লোক করে গিশগিশ। সিগারেট খায়, পান চিবোষ, গল্প করে, হাস্যকৌতুকে মেতে ওঠে—কী অস্বস্তিকর আবহাওয়া।

নগেনবাবু ছবি দেখতে দেখতে স্ত্রীকে কতবার কত মন্তব্য জানাতে চেয়েছেন। কিন্তু কা-কশু পরিবেদনা। সুরমা ছবি ভালো করে দেখেছেন কিনা সে সম্বন্ধে নগেনবাবুর ঘোরতর সন্দেহ। তাঁর দুটো টাকা আজ খামকা জলে গেল।

ফিরবার সময় বার দুই হোঁচট খেয়ে সুরমা দেবী কোন রকমে বাসে উঠলেন। বোঁবাজারের মোড়ে নেমে আর তিনি চলতে পারেন না। অসহ ব্যথা। আর না। জুতো জোড়া খুলে এক সক্রুণ দৃষ্টিতে স্বামীর মুখের দিকে তাকিয়ে জুতো নিলেন হাতে। রাগে দুঃখে নগেনবাবুর সর্কাঙ্গ বিষিয়ে উঠল।—আর ইদিকে যত রাজ্যের পরিচিত লোকগুলোর সঙ্গে আজ দেখা না হলেই হত না যেন। ‘চিত্রায়’ দেখা সুরেশের সঙ্গে—সঙ্গীক এসেছে, বোঁটি বেশ চটপটে, জুতো পায়ে গডগড করে হাঁটে। বাসের মধ্যে দেখা তো দেখা হরিহর চাটুজের সঙ্গে। আর এই বাসায় ঢুকবার মুখটায় কিনা পাড়ার তারিণী সরকারের সর্কৌতুক দৃষ্টিতে পড়লো পাছকা হস্তা সুরমা দেবী। ছি ছি!

বড় রাস্তা থেকেই নগেনবাবু স্ত্রীর উপর গজ গজ করতে করতে এসেছেন। সুরমা দেবী সকল কথা সকল ব্যথা এতক্ষণ চেপে

রেখেছেন বাধ্য হয়েই। বাসায় ফিরে ঘরে ঢুকেই একটা বোমার মতো ফেটে পড়লেন। কেঁদে কেটে একাকার কাণ্ড। পাশের ঘরের ওরা এখনো ফেরে নি। টুনিও না। এই কেলঙ্কারি খালি বাড়ীতে উপভোগ করলো শুধু ভৃত্য নরহরি।

সারারাত স্বামী স্ত্রী কারুর মুখেই কথা নেই। অভিমানে দুজনে দুমুখো হয়ে রইলেন। নগেনবাবু ঘুমিয়ে পড়লেন যথা সময়েই। সুরমার কিন্তু ভালো ঘুম হয়নি রাতে—পায়ের ব্যাথা আর অপমানের জ্বালায় বিছানায় কত বার যে এপাশ ওপাশ করছেন তার ইয়ত্তা নেই।

পরদিন সকাল থেকেও কোন পক্ষে কথা নেই। টুনি ঘুম থেকে উঠে কিছু খেয়ে ওদের ঘরে গেছে—বেলার সঙ্গে বসে তার দিদির কাছ থেকে পড়া জেনে নিতে।

সুরমা ঘরে ঢোকেন। চোখ দুটি ফোলা ফোলা। বোধহয় আজ সকালেও আর এক পালা কেঁদেছেন। নগেনবাবুর এবার মায়া হয়। কাল অত শক্ত কথা না বলাই উচিত ছিল। ‘বুনো’, ‘জংলী’, ‘ইডিয়ট’, ‘লিভিং লাগেজ’—এ সব বিশেষণ আরো মিষ্টি করে বললেও চলতো। আর ফোস্কাটা বছর দশেক আগে কেন পড়ল না—পায়ে এবং মনে, ঠিক কালকের মত। জীবনের হিসাবে মস্ত একটা গরমিল হয়ে গেছে আগাগোড়া!

রান্নাঘরের কাছে প্রতিভার গলার আওয়াজ পেয়ে নগেনবাবু কান খাড়া করে রাখেন।

“ও মাসীমা! টুনিকে ইস্কুলে দেবার কী মত ঠিক করলেন?” রান্নাঘরের ভেতরে কোন সাড়াশব্দ নেই।

“কথা বলছেন না যে?”

“আমি তার কি জানি মা!” অভিমানে ভারাক্রান্ত সুরমার কণ্ঠস্বর,

“আমি মেয়ে মানুষ, আমার আবার মেয়েই বা কি, ছেলেই বা কি ।  
যাঁর মেয়ে তাঁর ইচ্ছাটা তো আর আমি বলতে পারি নে ।”

“কেন টুনীর বাবার মত নেই ? কিসের আপত্তি এত ?” সুরমা  
নির্ঝাঁক ।

“তিনি নিজেও তো শিক্ষিত,” নগেনবাবুকে শুনিয়েই কথাটা বলা হচ্ছে,  
“তাহলে কি বলতে চান তিনি—”

“আমি কিছু বলতে চাইনে, মিস্ দত্ত”, বলে নগেনবাবু সহাস্ত্রে বারান্দায়  
এসে আত্মপ্রকাশ করেন, “আপনি ভুল শুনেছেন—ভুল বুঝেছেন আমায় ।  
—বেশ তো, কালই ওকে ইস্কুলে ভরতি করে দিন না, আপনাদেরই  
ইস্কুলে ! আমার কোনো আপত্তি নেই ।”

মিস্ দত্ত হাসিমুখে ফিরে যাচ্ছিলেন, নগেনবাবু ডাকলেন “শুনুন ।”

প্রতিভা ফিরে দাঁড়ায় !

“আর একটা কাজ করতে পারেন ?”

“কী বলুন না ।”

“প্রাপ্তবয়স্কদের নিরক্ষরতা দূরীকরণ নিয়ে কী সব বার হয় বাংলা খবরের  
কাগজে, সে কি সত্যি ?”

“না ।”

নগেনবাবু সর্কোতুকে বলে যান, “তাহলে সে রকম একটা ক্যাম্পেন  
আরম্ভ করুন না—অবশ্য, প্রথমেই বাড়ীতে হাত পাঁকিয়ে নেবেন ।  
বেশি বেগ পেতে হবে না । বর্ণপরিচয় আর কথামালা দিয়ে শুরু  
করার পরিশ্রমটা আপনার বেঁচে যাবে । তারপর থেকে শুরু করলেই  
হবে । কী বলুন ?”

প্রতিভা হাসতে হাসতে চলে গেল । হাসতে হাসতে ফিরে এলেন  
নগেনবাবুও ।...আর হয় না ! অসম্ভব !

টুনি খবর শুনে আনন্দে যেন লাফাতে লাফাতে এসে হাজির হল বাবার কাছে ।.....

সুরমার আর না-ই বা হল। সগর্ভ দৃষ্টিতে মেয়ের দিকে তাকিয়ে নগেনবাবু এক পরম সান্ত্বনার নিঃশ্বাস ফেলে ভাবেন, মায়েরই তো মেয়ে !



## বান্দনী

স্ত্রী যে অসতী এ-কথা গ্রামের সকলেই জানে—জানেন না কেবল স্বামীই । অথবা, হয় তো বা, ভোলানাথ রায়ও সব কথাই জানেন । বোবার শত্রু নেই তাই চুপ করে আছেন । সারা গ্রামের মৌচাকে একবার টিল ছুঁড়লে কি আর রক্ষে থাকবে ! তাতে কেবল পৌরুষ দেখানোই যায়, কোনো লাভ হয় না । আর, ভোলানাথ রায় আঘাত সুরু করবেন কোন্‌খানে ? গোটা দেবানন্দপুরই যে সুলতার কল্পিত অসতীত্বে সরগরম !

ঐ রায়-বাড়ীরই দীঘির ঘাটে বিতর্কের তুফান ওঠে । এক কালের বালবিধবা সৌদামিনী আজ পঞ্চাশোর্ধ্বে ভাস্ক্রা গালে মুষ্টিবদ্ধ ডান-হাতখানি রেখে চোখ কপালে তোলেন, “ঘাই বলিস্ সুরু, লোকটার ধৈর্য্যের বলিহারি । ত্রি-ভুবনের কাক-প্রাণীরও জানতে বাকী নেই । আর লোকটা কি না কুঁটো ছিঁড়ে একটু হাঁচিও দেয় না । বাবা !”

ষতীন ঘোষের তেইশ বছরের এখনো “ষোড়শী” অনুঢ়া কন্যা সরষু ঠেঁট উন্টে মস্তব্য জানায়, “কিছু বলবে দূরে থাক্, বৌ-এর একটু শরীর



খারাপ হলে সারা বাড়ীটা মাথায় করে তোলেন। দেখলে না সেদিন, বৌ-র ফিট হতে না হতেই—ওরে লালু শিগ্গির আয়, জল আন, পাখা আন, ও-ঘর থেকে ব্রাটিন কাগজ নিয়ে আয়—জোরে জোরে বাতাস কর মণির মা! যা-ই বলো না পিসি, বৌকে ভোলাকাকা কিন্তু এখনো ভালবাসেন।”

“অমন ভালবাসার মুখে আগুন”, কুমারী ও বিধবার অনুচ্চ উৎসাহের সঙ্গে পাল্লা দিয়ে সধবা মনোরমা মুখ কামটা দেন,—“ভালবাসা না হাতী! বেচারী ভয়ে টু-শব্দ করে না—যে দজ্জালা মেয়ে!—ফিটের ব্যামো না আরো কিছু!—যত সব ছেনালি।”

চৌধুরীদের চণ্ডীমণ্ডপে পুরুষদেরও বৈঠক বসে। যতীন ঘোষ দীর্ঘনিঃশ্বাস ফেলেন, “ওর কাছ থেকে দুশো টাকা দেনা করে আটকে আছি .ভাই। নইলে একবার দেখিয়ে দিতাম, গাঁয়ের মধ্যে এ-সব অনাচার কেমন করে চলে!”

“বৌটা নাকি মাঝে মাঝে আবার ভিম্বরি দেয়”, ফোড়ন কাটে ন’কড়ি হালদার।

“ভোলানাথ ভাই পুরুষ জাজেব নাম হাসালে”, আর একজন সকৌতুকে মস্তব্য করেন।

আর একজন সহাস্ত্রে যোগ দেন, “বৌর আঁচল ধরে বসে থেকেও তো ধরে রাখতে পারছে না হে।”

“জৈগ!”

“বেকুব!”

“হ্যাঙলা!”

“বা-চাটা!”

কথার পিঠে কথা—মস্তব্যের পর মস্তব্য। সকলে মিলে সবচেয়ে বেশি

মুণ্ডপাত করে সুলতার! 'বেহায়া', 'বেজাত', 'বজ্জাত মাগী'—যার  
যা খুশী তাই বলে। কিন্তু ভোলানাথের মুখের উপর ছকথা গুনিয়ে  
দেবে এত বড় বুকের পাটা কারু নেই। ভোলানাথের জ্যোতস্মি  
আছে, টাকাকড়ি আছে, লেখাপড়া জানে, এ তল্লাটে তার প্রতি-  
পত্তিও যথেষ্ট। তাই রায় পরিবারের বিরুদ্ধে চলেছে আড়ালে আবডালে  
গেরিলা যুদ্ধ।

যাকে নিয়ে এত সব রসালো শাসালো ধারালো কথার ছড়াছড়ি সেই  
সুলতা দেবী রান্নাঘরে উল্লুনের কাছে বসে আছেন তো বসেই আছেন—  
কতক্ষণ কে জানে।

এক সময়ে ও-ঘর থেকে উঠে এসে ভোলানাথ ডাকেন, “সুলু!”  
কোনো সাড়া নেই।

“তোমার রান্নাবান্না তো সব হয়ে গেছে দেখছি।”  
জবাব নেই।

“শুনছ? ওঠো এবার। খেতে দাও। তোমারো তো খিদে পেয়েছে!  
—ওবেলা রাগ করে ভাত ফেলে উঠে গেলে—”

এবার সুলতা গর্জে ওঠেন, “আমি তো রাতদিন চক্কিশ ঘণ্টা তোমাকে  
কেবল রাগই দেখাচ্ছি!”

“আঃ! তাই বলছি নাকি?—তোমার ষত কথা!” ভোলানাথ মিস্তি  
করেই একগাল হেসে ফেললেন, “এবার ওঠো তো লক্ষ্মীটি! তোমার  
খিদে না পাক, আমার তো পেয়েছে।”

এই একটি অমোঘ অস্ত্র ভোলানাথের ভালোই জানা আছে। কথার  
কাঁকে সময় বুকে খাপ মতো ‘ভীষণ কুখার’ বার্তাটা জানিয়ে দিয়ে

দ্বয়ী কত দিনের কত বড় জেদের পাহাড় জল হয়ে গেছে—আজো গেল ।  
এতক্ষণে সুলতা উঠে দাঁড়ান ।

চাকর লালুকে ভাত বেড়ে দিয়ে সুলতা পাখা হাতে স্বামীর খাবারের  
সামনে এসে বসেন চিরদিনের অভ্যাসবশে ।

ভোলানাথ খেতে খেতে এক সময় জিজ্ঞাসা করেন, “অজিত আজকাল  
আর আসে না । তুমি বুঝি তাকে—”

“হ্যাঁ, এখানে আসতে আমি বারণ করে দিয়েছি ।”

“কেন ?”

“কেন ! আমায় নিয়ে গাঁয়ে কী-ষে সব রটনা হচ্ছে তা বুঝি তোমার  
কাণে ঢোকে না ?”

“লোকের কথায় আমাদের কী এসে যায় সুলু”, সহজকণ্ঠেই ভোলানাথ  
বলেন, “তুমি আমি আর অজিত এই তিনজন তো বেশ জানি, এ-সব  
কত বড় মিথ্যে কথা ।”

“মিথ্যে হলেও আমি যে মেয়েমানুষ !” দীর্ঘনিঃশ্বাস চেপে উত্তর করেন  
সুলতা ।

“মেয়েমানুষ বলে তুমি বুঝি আর মানুষ নও !”

“থামো ! শাক দিয়ে মাছ ঢাকতে হবে না !—মেয়ে আবার মানুষ  
কি-না !” এবার ঠিক রেগে নয়, একটু রহস্যের মেশাল দিয়ে সুলতা দেবী  
বলে গেলেন, “এই ছাখো না কেন, এ ক’মাস বাতাসীর অসুখে তুমি  
দিনেরাতে কোন্ আর বার পঞ্চাশেক ওদের বাড়ী ঘাতায়াত করো নি,  
বলো ? বাতাসী সেরে ওঠার পরেও ত অমন কতবার তুমি—। কৈ,  
তোমার চরিত্রের নিয়ে তো কেউ কিছু বলছে না ! আর, অজিত  
ঠাকুরপো মাঝে মাঝে এখানে আসে, তাই নিয়ে তোমাদের গাঁয়ে কী  
সব কাণ্ডই না হচ্ছে ।”

“লোকের কথাই কাণ দিলে বুঝি চলে—”

“তোমার মনেই বা সন্দেহ দেখা দিতে কতক্ষণ—” কথাটা বললেন সুলতা গম্ভীরভাবে। পরক্ষণেই স্বামীর ব্যথিত মুখখানির দিকে তাকিয়ে হি-হি করে হেসে উঠলেন, “শত হোক, তুমি তো স্বামী, আমি তোমার স্ত্রী—তুমি পুরুষ, আমি মেয়েমানুষ। তুমি কিন্তু অজিত ঠাকুরপোকে আর আসতে বলো না। তোমার দুটি পায়ে পড়ি।”

ভোলানাথ নিঃশব্দে আহার সারতে থাকেন।

খেয়ে-দেয়ে শোবার ঘরে এসেই সুলতার অমন আপোস-মানা মেজাজ আবার বিগড়ে যায়। ঝঙ্কার দিয়ে ওঠেন, “বিছানায় না বসে খানিকক্ষণ ঐ চেয়ারটায় গিয়ে বসলে কি গতির ক্ষয়ে যাবে?—বিছানা করব না?”

ভোলানাথ নিঃশব্দে চেয়ারটায় গিয়ে বসে পড়লেন—ভয়ে-ভয়েই যেন, অপরাধীর মতো।

বিয়ের ষোঁতুক বড় খাটখানার উপর পুরু বিছানা। পাশাপাশি ছ’জোড়া মাথার বালিশ। ছ’দিকে ছটো পাশবালিশ। ছুজনের এই ষথোচিত ব্যবস্থা সুলতা দেবী ভেঙ্গে ছ’ ভাগ করে নেন। ঘরের আর এক কোণে মেঝের উপর দেখতে দেখতে মাদুর বিছিয়ে আর একটা বিছানা করে ফেললেন। পাতলা তোষকখানি পেড়ে নিজের মাথার বালিশ ছটো আনতে আবার ঘান খাটের কাছে।

দূর থেকে বাধা দেন ভোলানাথ, “রোজ রোজ বলি, তবু তুমি কথা শুনবে না। যদি তোমার শরীরটা না সারছে, আমিই বরং নিচে শুই। কথা শোনো। তুমি আজ থেকে খাটের উপর শোও, লক্ষ্মী!”

ভোলানাথের স্নেহ কণ্ঠস্বর আরও কোমল হয়ে আসে।

“আমার শত্রুরের অসুখ হোক”, সুলতা কৌস করে ওঠেন, “ফিটের

ব্যমো নাকি আবার একটা ব্যামো !” বলেই পাতা বিছানাটা  
অকারণেই ঝাড়তে থাকেন । ভোলানাথ নির্বাক ।

পাশ বালিশটা নিয়ে ষেতে ষেতে সহসা পিছন ফিরে সুলতা তিস্তকণ্ঠে  
প্রশ্ন করেন, “আমার অস্থখ যদি না সারে, তুমি চিরকাল মাটিতে  
শোবে ?”

তাঁর কথা বলার ভঙ্গী দেখে ভোলানাথ বহু আগেই চুপ করে শুধু চেয়ে  
আছেন ।

“আমার জন্মে রোজ রোজ মেঝেতে শুয়ে তুমি কেন শরীর খারাপ করতে  
যাবে ? কোন্ দুখখে শুনি ?—তুমি না পুরুষমানুষ !”

ভোলানাথ তেমনি নীরব ।

“বৌ-এর উপর অত দরদ ভালো নয় গো । ছ্যা ! লোকে নিন্দে  
করবে যে !”

বিদ্রূপটা এবার ভোলানাথ আর গায় না মেখে পারলেন না । বললেন,

“তোমার ভালোমন্দের জন্মে আমি লোকের কথা শুনে চলব না কি ?”

“না চলতে মাথার দিব্যি দিচ্ছে কে ?”

“বাঁকা কথা ছেড়ে সোজা কথায় বলো ।”

“আবার সহজ করে বলব কী ?—আমার জন্মে দেশের কথা তুমি অগ্রাহি  
করে উড়িয়ে দেবে, একেমন ধারা পত্নীপ্রেম গো ।” বলেই সুলতা  
অদ্ভুত হাসি হাসেন ।

গুরুগভীর কণ্ঠে জবাব দেন ভোলানাথ, “সুলতা, একটু মন চেয়ে কথা  
কয়ো । অধর্মের কাজ করো না । গায়ের লোকের কথায় আমি  
যদি কাণ দিতাম, তা হলে এদিনে—”

“তা হলে এদিনে কী করতে, শুনি একবার ?” সুলতা খিলখিল করে  
হেসে ওঠেন ।

“লোকের কথায় আমি বিশ্বাস করি না একথা তোমায় আমি কতবার করে বলব ?” অভিমানে ভোলানাথের কণ্ঠস্বর রুদ্ধ হয়ে আসে।

“বিশ্বাস করো না ? মাইরি ! সত্যি বলছো ?”—বিজ্ঞপের শেষ হাসিটুকু চেপে এবার সুলতা দেবী মুহূর্তে গম্ভীর হয়ে ওঠেন, “অজিত ঠাকুরপো আমাদের বাড়ীতে এলেই এমন মুখ ভার করে থাক কেন, শুনি ? তারপরেও বলতে চাও, তুমি স্ত্রীর চরিত্রে সন্দেহ কর না ?”

“রাতদুপুরে একটা ঝগড়া বাধাবার মতলবে আছো, না ?”

“সত্যি কথা বললেই বাবুর গায় ফোকা পড়ে !” সুলতা হাঁক করে ওঠেন।

ভোলানাথ আর ঘাঁটাতে সাহস পান না। এবার একেবারেই ভোলানাথ বনে গেলেন। লোকটা যে কোনোদিন কারু কথায় পিঠে একটা কথাও বলতে পারে এমন কথা তাঁর মুখ দেখে এখন বোঝবার উপায় নেই।

“চুপ করে রইলে যে বড় ?” খুঁচিয়ে তোলেন সুলতা।

কিন্তু স্বামী তাঁর নির্বিকার।

“তুমিও বলো না কেন, গাঁয়ের পাঁচজনের মতো তুমিও কথাটা ছড়াতে থাকো—স্ত্রী আমার অসতী—”

তবু স্বামী মুখ খোলেন না।

“আমি খারাপ, আমি নষ্ট—হায় ভগবান ! তুমিই জানো”, শূন্যে চোখ তুলে ধর্ম্ম সাক্ষী করে সুলতা রাগে ছঃখে ভেঙ্গে পড়েন এবার’ “অজিত ঠাকুরপো আমার নিজের ছোট ভাই-এর মতো—আমার পেটের শত্রুর বেঁচে থাকলে আজ তারও বিয়ের বয়স হত গো, আর সারা জীবন কাটিয়ে এসে শেষ কালে ঘরের লোকেও কিনা—” সুলতা ফুঁপিয়ে কাঁদতে বসলেন।

ভোলানাথের এবার ধ্যান ভঙ্গ হয়। আজ আবার একটা কেলেকারির স্রষ্টি হবে এই রাতছপুরে। বিশ্বাস কি, আর খানিক বাদেই স্ত্রী হয়তো ফুঁপিয়ে ফুঁপিয়ে কান্না শুরু করবে, সর্বাস্ত্র তাঁর কাঁপতে থাকবে মাথার চুল ছিঁড়বে, হাত-পা ছুঁড়বে—এক বিস্ত্রস্ত বিপর্যস্ত অবস্থায় আবার সেই মূর্ছা! স্ত্রীর এই মূর্ছাটাকেই ভোলানাথ ভয় করেন সব চেয়ে বেশী। সংস্কারহারা আলুথালু সুলতার মাথার কাছে দাঁড়িয়ে তাঁর সর্ব শরীর যেন পাথরের মতো ঠাণ্ডা হয়ে আসে—মজ্জায়, ছঃখে, আতঙ্কে!

“তুমি পাগল, না খ্যাপা!” স্ত্রীর কাছে গিয়ে অপরাধীর মতো অনুচ্চ কণ্ঠে স্বামী বলতে থাকেন, “আমায় তুমি আগাগোড়া ভুল বুঝে এসেছ মূলু! আমার মনের কথা ভগবানই জানেন। এই তোমায় ছুঁয়ে শপথ করছি—বিশ্বাস করো, আমি লোকের কথার কান দেই না। গায়ের এই শেরাল-কুকুরগুলোর চিৎকার শুনে—”

সুলতা তেমনি চোখের জল ফেলতে থাকেন। মুখের দাপট বন্ধ হয়েছে যা হক। ভোলানাথ অনেকখানি নিশ্চিত হন। আর উচ্চবাচ্য করতে ভরসা পান না। কি বলতে কি হয় কে জানে। বাতিটা নিবিয়ে দিলে আন্তে আন্তে ফিরে গেলেন নিজের বিছানায়।

সুলতাও শুয়ে পড়েছেন। মাঝে মাঝে টুংটাং শব্দ করে চুড়ি ক’পাছা। খানিক বাদে চাপা গলায় স্বামীকে ডাকেন, “যুমলে না কি গো?”

“হুঁ”

“হুঁ কি গো! এই যে কথা বলছি।” অদ্ভুতকারে এক বলক মিষ্টি হাসি হাসেন সুলতা—স্বচ্ছন্দে, সশব্দে।

আশ্চর্য! খানিক আগেই যে এই ব্যক্তিটি রাগে ফেটে পড়েছিল কে তা বিশ্বাস করবে!

কণে কণে কতই রূপ!

“বাতাসী আজকাল কেমন আছে ?”

ভোলানাথ এ-কথার কোন জবাব দেন না। ইদানীং সময় নেই অসময় নেই বাতাসীদের কথা তুলে স্মৃতি অকারণেই স্বামীর সঙ্গে যত সব ইতর রসিকতা শুরু করেন। অথচ স্মৃতি বেশ জানে, অমন সন্দেহ তার মনের ত্রিসীমানায়ও নেই। তার স্বামীর সঙ্গে বাতাসীর একটা... সূর্য্য পশ্চিমে ওঠার মতোই অসম্ভব। তবু কেন যেন স্বামীকে কৌতুকের অন্তরালে খোঁচাতে বড় ভালো লাগে তাঁর। লোকটা রাগে না কিছুতেই—এই যা আপশোস! ভোলানাথই বটে।

“বাতাসীর ছেলেটার মাকি বড় অসুখ ?”

“দ্যাখো, তোমায় কদিন বলেছি বাতাসীকে নিয়ে আমার সঙ্গে অমন বিশী ঠাট্টা তুমি করো না আর”, অঙ্ককারে ভোলানাথের ফুক কণ্ঠস্বর বেছে ওঠে, “তুমি আমার সন্দেহ করে”—

“না গো না”, স্মৃতি খিল খিল করে হেসে ওঠেন, “তুমি যেন আজকাল কেমন হয়ে গেছ। ঠাট্টা-মস্করাও বোধ না। সারা গাঁয়ের লোক তোমার বৌ-এর পেছনে লেগেছে, আমি না হয় একটু মিহিমিহি তোমার পিছু লেগে দেখলাম বাপু! তাতে তো তুমি আর সত্যি সত্যি খারাপ হয়ে গেলে না। ঘুমোও দিকিনি এবার।” এই গদগদ কণ্ঠস্বরের জ্বাবে ঐ বিছানা থেকে আগ্রহের এতটুকু উত্তাপও মেলে না কিন্তু।

খানিক বাদে আবার প্রশ্ন, “শুনছ ?...ঘুমিয়ে পড়লে এরি মধ্যে ?”

ভোলানাথ মড়ার মতো পড়ে থাকেন—নিশ্চুপ, নিশ্চল।

মিনিটের পর মিনিট যায়। ঘণ্টার পর ঘণ্টা। কত রাত কে জানে। কিন্তু অঙ্ককারের ছ’টি প্রাণীই একটি কথা ঠিক জানে : অপর পক্ষও ঘুমোয় নি এখনো। সময়ের পায়ে যেন গোদ। রাতের পথ ফুরায় না!



পরদিন সকাল বেলা ।

জানালা দিয়ে অঙ্গশ্র কাঁচা রোদ এসে পড়েছে সেই খাটখানার উপর ।  
কাল রাত্রে দু' দু'টি আলাদা বিছানা আজ ভোর থেকে যেন মন্ত্রবলেই  
এক হয়ে গেছে । গদী আর দু'খানা তোষকের উপর আরামের পুরো  
বিছানা । ধবধবে ফরসা চাদর । পাশ বালিশ দু'দিকে দু'টো ।  
ছ'জোড়া নরম তুলতুলে মাথার বালিশ । স্বামীর পায়ে কাছের বথাস্থানে  
সেই ছোট ভাকিয়াটা । দিনমানের অভিন্ন বিছানাখানি !

ভোলানাথ ডাক্তার । ঘরে বসে নিজে নিজেই গোটা হোমিওপ্যাথি  
শাস্ত্রটা নাকি তিনি এ-ফোঁড় ও-ফোঁড় করে ফেলেছেন । গাঁয়ে অসুখ-  
বিসুখ দেখা দিলে আগে পড়ে তাঁর ডাক । ভিজিট দিতে হয় না ।  
ওষুধের দামও বাকী রাখা যায় । কোনো ক্ষেত্রে না-দিলেও চলে ।  
ভোলানাথের পরস্যা আছে, আর আছে সখ । ওষুধ আনেন বিস্তর,  
আর পরোপকার করে পুণ্য অর্জন করেন যথেষ্ট ।

আজকাল ভোলানাথ বড় একটা বাড়ীর বার হন না । স্ত্রীকে বলেন,  
রোগীপত্র নেই আর ।

আজ সকালেও হোমিওপ্যাথি বই সামনে নিয়ে বসে জানালার বাইরে  
চেষ্টা আছেন ভাবিতলোচনে ।

সুলতা ঘরে ঢুকে আড়চোখে স্বামীকে একবার দেখে নিলেন । এখনো  
রোদ চড়ে নি, কিন্তু মেজাজ চড়তে শুরু করে দিয়েছে । কাল রাত্রে  
ভালো ঘুম হয় নি, তাঁর কি দোষ !

সুলতা পাতা বিছানাটা আর একবার ঝেড়ে নিয়ে ফের পাততে পাততে  
বললেন, “বাড়ির বাইরে যাও না গো । পুরুষমানুষ রাতদিন ঘরের মধ্যে  
সেঁধিয়ে থাকতে হাঁফ ধরে না তোমার ?”

“কোথায় যাব, বলো ?”

“বাতাসীদের বাড়ী যাও না। লোকে যে আমার নিন্দে করে। বলে আমি ভাতারকে গুণ করেছি। —আর আমিই জানি, তুমি ঘর ছেড়ে নড়তে চাওনা কিসের জন্তে।”

“কী জানো তুমি?”

“কিছু না”, সুলতা হেসে ফেললেন, “আমার শরীর খারাপ—কখন কী হয়, তাই তো তুমি বাইরে বেরোও না। লোকে তা বুঝবে কেন, বলো। পুরুষকে পুরুষের মতোই হতে হয়, বুঝলে?” চাপা হাসির অন্তরালে আসল কথার আভাষ কিন্তু চাপা থাকে না। “তুমি না ব্যাটাছেলে গো!”

“কোথায় যাব?”

“বাতাসীর ওখানে যাও না একবার।”

“ওর অসুখ তো সেরে গেছে।”

“গেলই বা। তাই বলে খোঁজটা-আশটা নিতে নেই বুঝি! বাতাসীর কোলের মেয়েটাকে এঁড়ের ধরেছে—তোমার ওষুধে ধরে কিনা দেখো না একবার চেষ্টা করে”—বলতে বলতে এতক্ষণের নরম কণ্ঠস্বর একটু গরম হয়ে ওঠে, “যা হক্ একটা কিছু করো বাপু! ঘরে বসে বৌ-এর আঁচলের নিধি, হয়ে বসে থেকে না। লোকের কথা আমি সহ্যে পারি না।”

ভোলানাথ ছাতা হাতে এক-পা ত-পা করে ঘরের বাইরে আসেন।

“চলে গেলে না কি?”—সুলতা হারারের কাছে দাঁড়িয়ে পিছু ডাকেন।

নির্ঝাক ভোলানাথ ফিরে তাকান।

“কিছু খেয়ে বেরুলে হত না!—আসবে তো সেই কোন্ চপুরে।”

“না।”

‘না’ মানে কি : কিছু খাবেন না, কিম্বা ফিরতে দেবী করবেন নাঃ  
ভোলানাথের সংক্ষিপ্ত জবাবে তা বোঝা যায় না ।

“রাগ করলে না কি !” সুলতা সহাস্ত্রে সমস্ত ব্যাপারটা হালকা করে  
দিতে চাইলেন, “তুমি যেন আজকাল কেমন হয়ে গেছ ! হেসে কথা  
কইতে যেন কত কষ্ট হয় তোমার । আমি মরলে তুমি যেন হাঁফ ছেড়ে  
বাঁচো ।”

ভোলানাথ এ-কথার কোন জবাব না দিয়ে ধীরে ধীরে চোখের আড়াল  
হয়ে যান ।

ছয়ারের কাছে বসে বেশ খানিকক্ষণ নিঃশব্দে দাঁড়িয়ে থেকে সুলতা ঘরের  
মধ্যে এসে মাটিতেই বসে পড়লেন । আধ ঘণ্টাটাক ঠার বসে বসে  
কাটিয়ে দিলেন । ভাবতে থাকেন, কত কী আকাশপাতাল ! এরি  
মধ্যে অমন বার পাঁচেক বালিশগুলো সরিয়ে বিছানাটা অকারণেই ঝেড়ে  
রাখেন, চাদর তুলে আবার পাড়েন, মণারিটা পেড়েই আবার গুটিয়ে  
রাখেন । ইদানীং সুলতার এ একটা রোগ হয়ে দাঁড়িয়েছে । বাতিক  
ছাড়া আর কী বলা যায় । ঘণ্টায় ঘণ্টায় পাতা বিছানা আবার  
পাড়েন । বিছানা করা যেন তার কিছুতেই মনঃপুত হয় না । স্বামী  
কিছু বললেই ঝেঁজে ওঠেন, “নোংরামি আমি ছ’চক্ষে দেখতে পারি না ।  
ভালো মা লাগে বাতাসীদের বিছানায় গিয়ে বসে থেকো—জন্মে যারা  
বিছানার চাদর ধোপায় দেয় না ।”

মজা এই, সারা দিনে তাঁর এই পাতা বিছানায় কাউকে বসতে দেন না ।  
নিজেও বসবেন না, স্বামীকেও একটু গড়াগড়ি দিতে দেবেন না ।  
পাড়ার লোকে অবশ্য বলে বেড়ায়, ঐ বিছানায়ই বসে অজিত হোঁড়াটা  
কী হাসাহাসিটাই না করে !

স্বপ্নাথানেক বাদে বাইরে কে ডাকে, “বৌমা-দিদি, কোথায় গো ?”

“কে কালুর-মা ! আমি এ-ঘরে, এসো এখানে” সুলতা দোরের কাছে  
এগিয়ে এলেন ।

“দাদাঠাকুর বাড়ী নেই ?”

“না ।”

“আমার নাতনীর ওষুধ নিতে এসেছি । কখন ফেরবেন উনি ?”

“কি জানি ।”

“কোথায় গেছেন ?”

“কে জানে কোথায় ।” নির্মিশ্চের মতন উত্তর দেন সুলতা । সহসা  
কি একটা কথা মনে পড়তেই বলে ওঠেন, “আচ্ছা কালুর-মা, তুমি যে  
সেদিন বলছিলেন—”

“কী কথা, বোমা-দিদি ?”

“বলছিলেন না, তোমার দাদাঠাকুর যে ঘন ঘন বাতাসীদের ওখানে যায়  
সেটা ভালো নয় । বলো নি ?”

“বলোছি না কি ?” কালুর মা হেসে ফেললেন, “তা ভালোমন্দের ভয়ডর  
তো আছে, দিদিমণি । বাতাসীর বয়েসটাই বা কী !—ওর মাকে আমি  
হতে দেখেছি গো । তা, দাদাঠাকুরের বয়েসও তো—”

তোমার দাদাঠাকুরকে বুঝি সে-রকম লোক ভেবেছ কালুর মা ?”

সহাস্ত্রে প্রতিবাদ জানান সুলতা । হাসি ছাড়া আর কি !

ব্যাপারটা একেবারে ভিত্তিহীন-বলেই না সুলতা অমন সহজ মনে কালুর  
মার সঙ্গে রহস্য করছেন ।

“অত নিচ্চিস্তে থেকে না বো, পুরুষের মন—বলা যায় না । তার  
তোমার যে অসুখ—”

“আমার আবার অসুখটা কোথায়, কালুর মা ?—দেখছ না, দিনের পর  
দিন আরো ফুলে উঠছি” বলেই হি-হি করে হেসে ওঠেন ।

“অসুখ নয় ?—ভারী অসুখ তোমার । মাঝে মাঝে ঐ যে মূর্ছা যাও  
সে ব্যায়রামটা বুঝি কম !”

“তার জন্তে ঘরের লোক পর হয়ে যায় না কি ?”

“না-না, তা বলছি নে বৌমাদিদি ! তবে মেয়ে মানুষের বরাত—বালুর  
বাঁধ । সাবধান হতে হয় বৈকি ।”

“বাতাসীর সঙ্গে গুঁকে তুমি—আচ্ছা কালুর মা”, গান্ধীর্যের ভান করে  
অনুচ্চস্বরে প্রশ্ন করেন সুলতা, “ভয় নেই । আমায় তুমি বিশ্বাস করো ।  
কাউকে বলবো না তোমার কথা । বাতাসী বুঝি খুব—”

“না-না দিদিমনি, সে-সব কিছু নয় । তবে কি .জানো”, কালুর মা  
গলাটা খাটো করে আনেন, “বাতাসীর সঙ্গে অত হাসাহাসি করাটা কি  
ভালো, বলো ?”

“তুমি দেখেছ ?—নিজের চোখে ?”

“না বৌমা ! লোকে বলাবলি করে কি না ।”

“কী বলে লোকে ?”.

“বলে তেনার কী দোষ ! পুরুষ মানুষ ঘরে ঠাই না পেল—” বলেই  
কালুর মা থমকে থামেন । যে-কথাটা এখানে বলা যায় না তা-ই  
হঠাৎ মুখ ফসকে বার হয়ে যাচ্ছিল আর কি !

মূর্ছার মধ্যে সুলতার মুখখানি ছাই-এর মতো সাদা হয়ে যায় । পরক্ষণেই  
ধাক্কাটা সামলে নিয়ে ধরা গলায় বললেন, “এবার যাও কালুর  
মা । ওবেলা এসে ওষুধ নিয়ো ।” বলেই রান্নাঘরের দিকে চলে  
গেলেন ।

কালুর মা বিপদেই পড়ে । ভেবেছিল, এ-কথায় সে-কথায় মন ভিজিয়ে  
সুলতার কাছ থেকে আজ এক ফালি কুমড়া আর গোটা কয়েক লক্ষা  
চেয়ে নেবে । সে শুড়ে যে বালি ! বৌমাদিদি তার পেটের কথা টের

পেয়েছেন এ বুঝতে তার দেবী হয় না । তবু সে হাল ছাড়ে না । আন্তে  
আন্তে রান্নাঘরের দাওয়ায় এসে বসে ।

রান্নাঘরে সুলতার মনে তখন প্রবল ঝড় ।.....কি করেছে সে ? গ্রামের  
লোক রাতদিন মিথ্যা অপঘণ গাইবে কেন ? কিসের জন্ত ? স্বামীর  
অনুরোধে অজিত মাষ্টার সেবার তার অমুখের সময় গুঞ্জা করেছিল,  
সে অপরাধও কি সুলতার ? সে তো জানে—আর জানেন ভগবান—  
মনে মনে আজো সে খাঁটিই আছে । তবে ?.....

হ্যাঁ, অজিত এ-বাড়ীতে ঘন ঘন আসে । ঘরে কোনো নূতন জিনিষ  
এলে, ভালোমন্দ কিছু রান্না হলে,—সত্য বটে—সুলতা তাকে খবর  
দেন । স্বামী কিছু মনে করেন না—বরং প্রথম প্রথম তাঁর অনুরোধেই  
তো অজিতকে তিনি কত দিন ডেকে এনে খাইয়েছেন । তাতে এমন  
কোনু মহাভারত অশুদ্ধ হয় ? অজিতের বয়েসটা না হয় তার সমানই  
হল—না হয় হ' এক বছরের বড়ই হল সে । তাতে কি ? ভাইএর  
মতো ভেবে কি তাকে ভালবাসতে পারেন না সুলতা ? অনাস্থীয়  
বলে কি তার সঙ্গে দুটো কথা বললেও ব্রহ্মাণ্ড রসাতলে যায় ?.....

সুলতা ভিতরে ভিতরে ফুলে ফেঁপে ওঠেন দারুণ আক্রোশে । কিন্তু এই  
ক্রোধের সমান্তরাল হয়েই মনের আর এক কোণে বড় আশার ক্ষীণ  
রেখার ধারা বয়ে চলেছে কালুর মার কথাগুলো !.....বাতাসী !  
সত্যই তো । বাতাসীর এমন কি-ই বা বয়েস ! হলই বা সেতিনি  
সন্তানের মা । বলা তো যায় না । অবশ্য সুলতা এমন অদ্ভুত কথা  
বিশ্বাস করতে পারছেন না কিছুতেই, কোনো প্রমাণেই । তবু.....  
হক না এই অসম্ভবও সম্ভব । কি এমন আসে যায় তাতে । স্বামী তো  
তাঁর পুরুষ-মানুষ ! জাত গেলেও ভাতে মারবে না কেউ । সুলতা  
না হয় কাঁদবেন, কাঁদল করবেন, কেলেকারির সৃষ্টি করবেন ।

তবু, কালুর মার মিথ্যা কথাই সত্য হক্। তার মুখে ফুল-চন্দ্র ন  
পড়ুক।

কালুর মা ডাকে, “বৌমাদিদি? কী রাখছে আজ?”

সুলতা বাইরে এসে বসেন।

“বৌমনির আজ শরীর খারাপ না কি?”

“না গো না। তোমরা সবাই মিলে কেবল আমার শরীর খারাপই  
গুণাখো। আমার আবার অসুখটা কোনখানে?” বলেই সুলতা  
কাঁঠ হাসি হাসেন, “আচ্ছা, কালুর মা! বাতাসীদের ওখানে কতাবাবু  
বুঝি প্রায়ই যায়?”

কালুর মা দ্বিগুণ উৎসাহিত হয়ে ওঠে। আজ তাদের বাজার হয় নি।  
এক ফালি পাকা কুমড়া আর গোটা আষ্টেক লঙ্কা আজ চাই-ই চাই।  
জবাব দিল, “ই্যা গো বৌমাদিদি!”

“তুমি কী করে এত সব কথা জানো বলা তো?”

“আমি যে ও-বাড়ী ধান ভানতে যাই গো।” সুলতার জিজ্ঞাসু মুখ-  
চোখের দিকে তাকিয়ে কালুর মা ভরসা পায় চতুর্গুণ, “খালি  
ঘরে কতাবাবু বাতাসীর সঙ্গে এত কী ফিস্ ফিস্ করে, বলা তো?”

“সত্যি কালুর মা?”—কালুর মার এই চূড়ান্ত মিথ্যা কথাটা বুঝে নিয়েও  
সুলতা বিপুল উৎসাহে কাণ খাড়া করে থাকে।

“সত্যি বলছি বৌদিদিমনি!—পরশু তো নিজের চোখেই দেখলাম!  
ওদের বড় চোঁকির উপর কতাবাবু বসে আছেন—অজ্ঞাখারে ছুঁড়িটা পাখা  
নিয়ে তেনারে বাতাস করছে না ছাই! বেহারার বেহদ! কেবল হি-  
হি-হি আর হো-হো-হো! এ আবার কী হাসি গো।—এখন থেকে  
সাবধান হও বৌমাদিদি। অত রাশ আলাগা করো না—শেষকালে কেঁদে  
মরবে।”

“ও তুমি নিজের চোখে ছাখো নি কিছু!” সুলতা আরো আগ্রহ দেখান।

“আর দেখব কী! তুমি একেবারে ঝাকা বোঁমাদিদি, কিছু বোঝো না যেন।”

সুলতা বুক-ভরা হাসি চেপে আবার রান্না ঘরে ফিরে যান। কুমড়া আর লক্ষা নিয়ে কালুর মা খানিক পরেই বিদায় নেয়। সুলতাকে আরো একবার সাবধান করে দিতে ভোলে না।

ভাতের হাঁড়ির গলা অবধি জল চাপিয়ে দিয়ে সুলতা বড় ঘরে আসেন।

কি ভেবে আয়নার কাছে গিয়ে দাঁড়ান। সামনের জানালাটা সটান খুলে দেন। সমালোচকের সূক্ষ্ম দৃষ্টি নিয়ে বার কয়েক ভালো করে দেখে নেন নিজেকে। একবার বাঁ দিকে মুখ ফেরান, আবার ডান দিকে। বড় আরশিখানির মধ্যে প্রতিফলিত হয় একজোড়া আয়ত চোখের চাপা হাসি।.....হ্যাঁ, ভাঁটার ডাক আসতে এখনো বেশ কিছু দিন বাকী! সারা গ্রামে আজো সে সব চেয়ে সুন্দরী একথা তার শত্রুরেরাও স্বীকার করবে। চোখ দুটি তেমনি খাসা। চুলের মাথায় মাথায় কিছু ক্ষয় হয়েছে, তবু এত লম্বা চুলের গোছা ক’টা মেয়ের? এমন গায়ের রঙ বাভাসীর? ফুঃ! গাল দুটিতে একটুখানি ভাঙন ধরেছে। তা হক্। তবু সে, নিঃসন্দেহে, যেমনটি ছিল তেমনটিই আছে। বিবাহিত জীবনের এই সুদীর্ঘ তের বৎসর পরে আজো তাকে বুড়ী বলবে এমন কাণা আছে নাকি কেউ! পান খাওয়া লাল টুকটুকে ঠোঁটটি উন্টে আয়নার বুকে সুলতা আর একবার গর্কের হাসি হেসে নেন।.....

“মালু!”

বার দুই ডাকাডাকির পর ভৃত্য এসে কাছে দাঁড়ায়।



“কী মা ?”

“আজ বিকেলে যেন না বলে কোথাও বেরিয়ে যাস্নে—তাকে একবার বৈষ্ণিপাড়া যেতে হবে।”

কোথায়, কোন্ বাড়ী, কার কাছে লালুকে সে-সব আর বলে দিতে হয় না। এ কয়দিন সে কেবল একটা কথাই বুঝে উঠতে পারে নি, মাষ্টারবাবু আজকাল আর আসেন না কেন এবং সেদিন যে অমন একটা ভুরিভোজন হল বাড়ীতে গিন্নীমা বৈষ্ণিপাড়ায় চিঠি দিয়ে আসতেই বা তাকে পাঠালেন না কেন!.....

—“আর গোয়াল-বাড়ী গিয়ে বলে আসবি, ও-বেলা সের তিনেক হুধ চাই—সন্ধ্যার আগেই যেন দিয়ে যায়। পায়েস হবে আজ!”  
লালু আদেশ শিরোধার্য করে চলে যায়।

সুলতা ডাল নামিয়ে রেখে স্নান সেরে এসে চুল বাঁধতে বসেন। অনেক দিন পরে আজ ঘটা করেই খোঁপা বাঁধবেন। কি এমন বয়স হয়েছে তাঁর? আজো তাঁকে নির্কিবাদে কুড়ি বলে চালিয়ে দেওয়া যায়।.....  
বাতাসী! কালুর মার কথা সত্যও তো হতে পারে। হতে পারে কি, নিশ্চয়ই সত্য!.....হু না!.....অজিত ঠাকুরপো আজ ও-বেলা এখানে থাকবে। তার চিঠি পেয়ে নিশ্চয় আসবে সে। না এসেই পারে না। তাকে আসতেই হবে। এক মাথা ভেজা চুলে চিকুণী চালাতে চালাতে সুলতা মনে মনে দৃঢ় সঙ্কল্প করে, আজ থেকে সারা গ্রামের বিকুছে একাই যুঝবেন তিনি। কোথা থেকে যেন অপরিমেয় শক্তি আজ লাভ করছেন।.....খোঁপা তুলতে তুলতে হাসেন সুলতা।

ভোলানাথ ঘরে ঢোকেন। তাঁর বিস্মিত দৃষ্টির সঙ্গে আরশির উপর বিনিময় হয় সুলতার স্তিমিত দৃষ্টির।

করে হেসে সুলতা সরে এসে বললেন, “এতক্ষণে বাড়ীর কথা মনে পড়ল? ধন্বি বাবা!”

“এখনো তো এগারটা বাজে নি”—

সে-কথায় কর্ণপাত না করে সুলতা হেসে হেসে বলে যান, “তা, নাওয়া—  
খাওয়াটাও বাতাসীর ওখানে সারলেই পারতে।”

ভোলানাথ নিঃশব্দে গিয়ে বিছানার এক কোণে বসে পড়েন। এসব  
বিশ্রী রসিকতার উত্তর না দেওয়াই বুদ্ধিমানের কাজ।

“সরো একটু। বিছানা ঝেড়ে দিই, তার পরে বসে বাতাসীর কথা  
ভাবো।”

“ছাখো সুলু”, ভোলানাথ উষ্ণ হয়ে উঠলেন, “বাড়াবাড়িরও একটা মাত্রা  
আছে জেনো।”

বিছানাটা অকারণেই আবার ঝাড়তে ঝাড়তে সুলতা জবাব দেন, “চটো  
কেন! কী এমন অপরাধের কাজ করেছ, এঁ্যা! পুরুষ তুমি!  
মাকড় মারলে ধোকড় হয়।—যাক্, বাতাসীর ভাগ্য ভালো।”

রাগে ভোলানাথের বাক্যস্ফুর্তি হয় না। ঠোঁট দুটি কাঁপতে থাকে আর  
কাঁপে হাত দুটো।...ইতর!

স্বামীর মুখোমুখী এসে দাঁড়ালেন সুলতা। এক দৃষ্টিতে চেয়ে থেকে  
বুঝতে পারেন, স্বামীর বুকের মধ্যে একটা অক্ষয় আক্রোশ মাথা খুঁড়ে  
মরছে এখন। দেখতে দেখতে তাঁর মনেও সুরু হয় অসহ্য তোলপাড়।  
স্বামীর একখানা হাত চেপে ধরে কম্পিত কণ্ঠে বলতে লাগলেন, “তুমি  
পাষণ! সত্যি যদি না-ও হয়, একবার মিথ্যে করেই না হয় বলো—  
বাতাসী তোমার”—

“কী সব বলছ তুমি?”—ধমকে ওঠেন ভোলানাথ।

“কী বলছি! হঁ্যা, তাই তো, কী যেন বলতে চাই”, সুলতা স্বামীর  
হাতখানি কাঁপটা মেরে সরিয়ে দেন, “বলছিলাম, অত ভালোও ভালো  
নয়। তুমি পাষণ!” ক্লককণ্ঠে বলতে থাকেন সুলতা “বলো, তোমার

ছটি পায় পড়ি, আমার কাছে লুকিয়ে না—বলো, সত্যি না হলেও  
এ কবার না হয় মিথ্যে করেই বলো বাতাসীকে ভালবাসো তুমি,  
তার কাছেই মন তোমার পড়ে আছে। ওগো, আমি তাহ'লে  
রেহাই পাই, গাঁয়ের লোকের সব কুৎসা সব নিন্দা আমি সত্যি বলেই  
মেনে নেব—আমি যে তাহলে হাঁফ ছেড়ে বাঁচি।” কাঁপতে কাঁপতে  
মুখের কথা বন্ধ হয়ে সংজ্ঞাহারা দেহটা স্থলতার মাটিতে লুটিয়ে পড়ে।  
ভোলানাথ অস্থির হয়ে ডাকাডাকি শুরু করেন—“মণির মা শীগগির  
এ-ঘরে এসো। ওরে লালু, বৈঠকখানার ঘর থেকে ব্রটিং পেপার নিয়ে  
আয় চট করে। পাখাখানা কোথায়?—পাখা?”



## যযাতি

শনিবারের আপিস করিয়া রমানাথবাবু আজ বাসায় ফিরিতেছেন সকাল সকাল—বেলা তিনটায়। খুশমেজাজে সিঁড়ির পথে উঠিতে উঠিতে ভাবিতেছিলেন বোধহয় গৃহিণী সুরমারই মুখখানি।

কিন্তু শোবার ঘরের দোরগড়ায় আসিয়া দাঁড়াইতে না দাঁড়াইতেই গৃহ-কর্তার চক্ষু স্থির। এ কি স্বপ্ন, না মায়া, না মতিভ্রম?—ঠাঁহার প্রাণের অপেক্ষাও প্রিয় যে জন সে কিনা তখন ঠাঁহারই বিছানায় উপুড় হইয়া শুইয়া একদৃষ্টে চাহিয়া আছে সামনের বাসার ছাদে!

রমানাথবাবুর অমন সশব্দ আবির্ভাবেও কিনা ধ্যান ভঙ্গ হয় না! এতই তদ্গত ভাব! ও-বাসার প্রাণীটিই বরং দূর হইতে হাতে-নাতে ধরা পড়িয়া চোখের পলকে পিছন ফিরিয়া প্রস্থান করিল চিলেকোঠায়।

এ কি অপ্রত্যাশিত অঘটন! সারা ঘরটি তথা গোটা পৃথিবীটাই যেন রমানাথবাবুর মগজের মধ্যে একবার ঘুরপাক খাইয়া লইল মুহূর্ত মধ্যে।

ইতভধ রমানাথ এক পা ছ'পা করিয়া নিঃশব্দে সরিয়া পড়িলেন সটান  
রাগাঘরে ।

“শুন্ছ ?”

“কী ?”

“সোমার যদি কোন দিকে এতটুকু ছঁস থাকে !”

“কী হল আবার ?”

“আঃ ! আস্তে কথা বলো না ।—শুনতে পাবে ।”

“কে ?”

“খোকা !” গলা খাটো করিয়াই कहিলেন রমানাথ ।

“কী করলো খোকা ?”

এই মাত্র স্বচক্ষে যাহা দেখিয়া আসিলেন সেই দৃশ্যটাই জীর কাছে  
যথাযথ বিবৃত করিয়া রমানাথ মস্তব্য করিলেন, “তাই না প্রায়ই বাসায়  
ফিরে দেখি, খোকা আমাদের ঘরের বিহানায় জানালার কাছটার  
শুরে বসে কাটায় । গতিক ভাল নয় গো । ছেলে তোমার আর  
ছোট ছেলেটি নেই ।”

“কী যে সব বলো”, সুরমা তাহাদের একমাত্র সন্তানের সম্বন্ধে এই  
বিশ্রী শঙ্কাটাকে হাসিয়া উড়াইয়া দিলেন, “খোকা আমার সে রকম  
ছেলেই নয় ।”

“তোমার ছেলে তোমার কাছে না হয় সে রকম কিছু নয়, কিন্তু  
ওদের মেয়েটি কোন্ রকম তা জানো ? ছাতে এসে লুকিয়ে  
লুকিয়ে—”

বাধা দিয়া সুরমা कहিলেন, “তোমার ষত অনাচ্ছিষ্ট কথা ! ওদের  
রেণুকার বয়েসটা কি শুনি ? ঐটুকুন তো মেয়ে—”

—“একেবারে কচি খুকীটি ! কত বয়েস ?”

“কত আর হবে ?—পনের কি ষোল ।”

রমানাথ মুচকি হাসিয়া কহিলেন, ‘তা ষোল বছরের খুকাই বটে !—

এ বয়সে খোকা তোমার পেটে এসেছিল, মনে আছে ?”

মনে না থাকিবার কথা নয় । সুরমা তাই মৃদু হাসিয়া মাথা নোয়ায় ।

“এখন থেকে সাবধান হও । দিনকাল ভাল নয়, দেখছো তো !

সকালবেলা খবরের কাগজ খুললেই হয় লেকের জলে আত্মহত্যা, নয় তো

পটাসিয়াম সায়নাইডে সুইসাইড—না হয় পাঁচতলার হাত থেকে ড্রাম

করে ফুটপাতে লাফিয়ে পড়ার বাহাদুরি !”

“তা, কী করতে হবে বলো ।”

“পরদা খাটাও—হৃদয়ের দক্ষিণের জানালায় পরদা টাঙাও ।”

“বেশ তো । আমি এখনি খোকাকে পরদা কিনে আনতে পাঠাচ্ছি ।”

“সর্বনাশ !” রমানাথ গমনোচ্ছত পত্নীকে বাধা দিয়া কহিলেন, “আমি

নিরে আসব । ওকে এখন বলতে ষেয়ো না । আমরা ষে কিছু জানতে

পেরেছি তা ষেন ও টের পায় না কথখনো । একবার জানাজানি হয়ে

গেলে লজ্জা ভয় সব গ্রাছিই করবে না আর ।”

সুরমা গরম তেলে একসঙ্গে গোটা তিনেক বেগুন ছাড়িয়া দিয়া কহিলেন,

“শাসন করতেও তোমার আপত্তি, আবার তিলকে তাল করে আঁতকেও

উঠবে ।”

“ও সব তুমি বুঝবে না—সাইকোলজির কথা কিনা !”

“আমরা মুখখু-সুখখু, তোমাদের অত সব তত্ত্ব-ফত্বের ধার ধারি নে ।

সোজা বলে দেবো, খোকা ওদের রেগু ছাদে এলে আর ষেন তাকাস্ নে

তার দিকে ।”

“তা হলেই অকালে ছেলোটোর তুমি মাথা চিবিয়ে খাবে ।—তোমায় কিছু

করতে হবে না। যা করবার আমিই করব। আজই সন্ধ্যার পর  
পরদার কাপড় কিনে নিয়ে আসব'খন।”

মিনিট কয়েক বিস্তর বিচার-বিতর্কের পর রমানাথ এতক্ষণে আপিসের  
জামা-কাপড় ছাড়িতে ঘরে ফিরিলেন।

পুত্র সুবিমল গভীর অভিনিবেশ সহকাবে বাবার বালিশে মাথা রাখিয়া  
কালীপ্রসন্ন সিংহের মহাভারত পড়িতেছে।

খানিকবাদে দু'খানি প্লেটে লুচি আর বেগুন ভাজা লইয়া মা ঘরে ঢুকিয়া  
ডাকিলেন,

“খোকা, ওঠ্ ”

উনিশ বছরের খোকা উঠিয়া বসিল। পিতাও প্লেট কাছে টানিয়া নেন।  
মা জলের গ্লাস আনিয়া সামনে রাখিলেন।

সেকেণ্ডের পর সেকেণ্ড যায়। তবু কাহারো মুখে কথা নাই। নির্বাক  
ঘরখানি বড় বিস্তীর্ণ ঠেকে। নিতান্ত অস্বস্তিকর পরিস্থিতি।

রমানাথ শঙ্কিত হন। খোকা কিছু টের পায় নি তো? অত গম্ভীর  
কেন আজ?

“খোকা!”

সুবিমল মুখ তুলিয়া বাবার দিকে তাকাইল।

“পড়াশুনা কেমন হচ্ছে?”

“তা—এই হচ্ছে কোন রকম।”

“তোদের ড্রামা কি-কি?”

“পাসে রয়েছে ‘হ্যামলেট’ আর ‘টেম্পেষ্টি’, অনাসে ‘রোমিও জুলিয়েট’  
আর ‘কোরিওলিনাস!’”

রমানাথ খানিক চুপ করিয়া থাকেন স্তব্ধ মত। কলিকাতা বিশ্ব-  
বিদ্যালয়ের কাণ্ডজ্ঞান দেখিয়া সত্যিই রাগিয়া যান। এ না হইলে পরাধীন

দেশ বলিবে কেন ! আঠার-উনিশ বছরের ছেলের জন্ম পাঠ্য কিনা  
'রোমিও জুলিয়েট' ! যত সব—

“তোদের অনাস' ক্লাসে ক'টি ছাত্র ?”

“পঁয়ত্রিশ জন !”

অকারণেই একটু কাশিয়া লইয়া রমানাথ এবার প্রশ্ন করেন, “সবই  
বুঝি ছেলে ?”

“না, পাঁচটি মেয়েও এবার অনাস' নিয়েছে ।”

“তা বেশ ! কো-এডুকেশনটা ভাল জিনিষ । একটা হেল্‌থ কমপিটিশন  
থাকে পড়াশুনায় ।” পুত্র নিক্কাক ।

“কো-এডুকেশনে অনর্থের সম্ভাবনাও রয়েছে, কী বলিস—এঁা ? যে সব  
ছেলেমেয়ের হেল্‌থ মাইণ্ড তাদের কথা অবশ্য আলাদা । তারা ওর  
ভালর দিকটাই গ্রহণ করে । কী বলিস ?”

পুত্র কিছুই বলে না । উৎসাহ পাইয়া পিতা আবার বলিয়া চলিলেন,  
“মনটাকে খুব উঁচু রাখবি—সব সময় । তোদের এখন ইম্প্রেসনবল্‌ এজ্-  
কিনা ! যা কিছু এখন ভালো বলে মনে হবে তার সবটাই আর ভাল  
নয় তাই বলে । রয়ে সয়ে বুঝে নিতে হয় সব কিছুই । তারই নাম  
নঃ জ্ঞানার্জন !”

সুবিমল মনে মনে হাসে । পিতার এই অস্বাচিত উপদেশ বর্ষণের আসল  
কারণটা আন্দাজ করিয়া লয় । ও-বাসার রেণুকার সঙ্গে চোখাচোখি  
হওয়ার ব্যাপারটা আজ নিতান্ত এ্যাকসিডেন্ট ! সহপাঠিনী বীণা মুন্সী,  
কেতকী সেন—এমন কি প্রীতি বোসের কাছেও নাকি রেণুকা ! ফুঃ !  
চা লইয়া ঘরে ঢুকিয়াই সুরমা জিজ্ঞাসা করেন, “খোকা ! আমাদের  
জানালাগুলোয় পরদা টাঙালে কেমন হয় রে ? তোর মণিমাসীর শোবার  
ঘরের জানালায় যে রকম রঙীন কাপড় ঠিক তেমনি ।”



রমানাথ প্রমাদ গনিলেন। তাঁহার সকল প্ল্যান মাঠে মারা যায় আর কি! তাড়াতাড়ি স্ত্রীর উৎসাহে বাধা দিয়া কহিলেন, “না না, জানালায় পরদা দিয়ে বাতাস বন্ধ করো না। আলো বাতাসের জন্মেই না কলকাতা ছেড়ে এসেছি এই বালীগঞ্জে।”

“বালীগঞ্জের লোকে যেন আর পরদা খাটায় না। এ-পাড়ায় কোন্ বাড়ীতে পরদা নেই একবার ঘুরে দেখে এসো দিকিনি!”

“লোকে যা করবে তাই বুঝি করতে হবে! যত সব ইয়ে—”

এবার সুবিমল মুখ খুলিল জননীর পক্ষে, “পরদায় এত আপত্তি জানাচ্ছ কেন বাবা? জানালার সবটা জুড়ে না টাঙালেই হল। উপরের আদেক খোলা থাকলেই ঘরে ঢের আলো-বাতাস ঢুকবে।”

রমানাথ উল্লসিত হইয়া ওঠেন, “তা—তোমার যখন ইচ্ছে, কালই কাপড় কিনে আনব’খন। কী রঙের কাপড় আনব খোকা?”

সুবিমল কোন জবাব না দিয়া উঠিয়া দাঁড়ায়।

“বেড়াতে বেরুচ্ছিস?”

“হঁ”

“সকাল করে ফিরিস্।”

সুবিমল নিঃশব্দে নিজের ঘরে চলিয়া যায়।

খালি ঘর পাইয়া এবার রমানাথ স্বস্তির নিঃশ্বাস ফেলে।

“তুমি সব পণ্ড করতে বসেছিলে আর কি!”

“হঁ, ছেলে তোমার কচি খোকা! কিচ্ছু টের পায়নি! ও সব বুঝে নিয়েছে। বাপের তো ছেলে!”

রমানাথ স্ত্রীর মুখের উপর তীক্ষ্ণ দৃষ্টি বুলাইয়া লন। বছর কুড়ি আগের ছোট ইতিহাসটা আজ মনে হয় শুধু ছায়া ছায়া ভাসা ভাসা—সময়-সাগরের বুকে একটা বহুদূরবর্তী দ্বীপখণ্ড।

বহুদিন পরে আজ রমানাথ পূব দিকের দেয়ালে তাকাইয়া দেখিলেন, খোকা হওয়ার বছরখানিক আগে তোলা নবদম্পতির সেই ফটোখানি যথাস্থানে নাই !

“এ দেয়ালের ফটোটা কোথায় গেল ?”

“খোকায় ঘরে ।”

খানিক চুপ থাকিয়া কহিলেন রমানাথ, “ওটা এ-ঘরে এনে রেখা । তোমার এতটুকু হাঁস নেই কোন কিছুতেই ।”

দোরের কাছ দিয়া শ্রীমান সুবিমল সশব্দে চলিয়া যায় । ছড়-দাড় করিয়া নামিয়া গেল সিঁড়ির পথে ।

সুরমাও উঠিয়া পড়েন গৃহ কাজে ।

রমানাথ কিন্তু চুপচাপ বসিয়া রহিল বহুক্ষণ । আজ আর বাহির হইবার ইচ্ছা নাই আদৌ ।

সন্ধ্যার আর বেশী বাকী নাই । বেলা শেষের আলোটুকু আজ বড় বেশুর মনে হয় রমানাথের—কি জানি কেন । খানিক বসিয়া থাকিয়া এক সময় উঠিয়া দাঁড়ায় । ইঞ্জি-চেয়ারটা টানিয়া নেন রাস্তার দিকে ছোট্ট বারান্দায় ।

কলিকাতার রাস্তা নয় যে, লোকজন আর গাড়ী-ঘোড়া দেখিয়া শনিবারের সন্ধ্যাটা আজ কাটাইয়া দিবেন । রাসবিহারী এ্যাভেন্যু হইতে বেশ খানিকটা দূরের এই পরিচ্ছন্ন পাড়াটা যেন রাতের মতই নির্জন ।

রমানাথ আর একটা ছোট চেয়ার বারান্দায় তুলিয়া আনিয়া ডাকিলেন, “সুরমা ।”

বার কয়েক ডাকাডাকির পর গৃহিণী সামনে আসিয়া দাঁড়ান ।

“একটু বোসো না ।”

“কেন ?”

“কাজের কথা ছাড়া কি আর কাছে এসে বসতে নেই !”

সুরমা হাসিয়া চেয়ারটায় বসিয়া পড়িয়া কহিলেন, “ঠাকুরটাব যা এলোপা হাড়ি কাজ, সামনে না থাকলে বুঝি চলে !”

“একদিন না হয় না-চলাব মত করেই চলুক ।”

সুরমা অসহিষ্ণু হইয়া কহিলেন, “বলো কী কথা ?”

“কথা আবার কী ! এমনি বসতে নেই একটু ?” বলিয়া রমানাথ স্ত্রীর একখানি হাত কাছে টানিয়া নেন ।

বাধা না দিলেও বাধ-বাধ ঠেকে সুরমার । কখন খোকা আসিয়া পড়িবে হয় ত !

“সু !”

বহুকাল অনভাস্ত কানে এই সংক্ষিপ্ত শব্দের সুরটুকু নেহাৎ মন্দ লাগে না আজো । সুরমা মুচকি হাসিয়া কহিলেন, “বয়েস হচ্ছে আর বস যেন দিন দিন উথলে উঠছে তোমার ।”

মুহূ হাশ্বে রমানাথ জবাব দিলেন, “বয়েসটা কি আমাদের এতই বেশি হয়ে গেছে. সুরমা ?”

“না, এখনো খোকাবাবুটি রয়েছে !” বলিয়া সুরমা হাসিতে থাকেন, “আর দুদিন বাদে ছেলের বৌ ঘরে আসবে কিনা ।”

“ভাল কথা ।” রমানাথ উচ্চকিত হইয়া ওঠেন, “আমাদের বিয়ের পরে তোলা সেই পেরার-ফোটোটা তোমার বাক্সে তুলে রেখো কিন্তু—বাইরে রেখো না আর ।”

“কেন ?”

“কেন !—তখন বুঝি এতটুকুও খেয়াল ছিল তোমার !—আমার কোলের উপর কনুই রেখে পা দুটি তেরছাভাবে ছড়িয়ে দিয়ে অমন

আধশোয়া চংটা যেন ভালো !” হাসিতে থাকেন রমানাথ—অর্থময়  
বাঁকানো হাসি ।

হাসেন সুরমা দেবীও । স্বামীর চোখে সলজ্জ চোখ রাখিয়া কহিলেন,  
“দ্যাখ, বেশী বাড়াবাড়ি করো না । ডুতে উন্টেটা ফলই হয় ।—ছেলে  
তোমার রাতদিন ঘবের মধ্যেই বসে থাকে কি না, স্কুল-কলেজ নেই তার ।  
দেশে সিনেমা-থিয়েটার নেই, বন্ধুদের বাসার পথও চিনে না, লাইব্রেরী  
থেকে বই আনতেও জানে না, না ?”

রমানাথ চুপ করিয়া থাকিয়া ভাবিতে থাকেন শুধু । কথাটা যে সত্য,  
দেওয়ালের বড় ক্যালেন্ডারটাই তাহার প্রত্যক্ষ প্রমাণ । তারিখগুলি  
থাকিলেই ত বেশ চলে । অমনধারা অর্ধনগ্ন ছবি কেন বাপু!  
কচি ছেলেমেয়েদের মাথা খাইবার জন্ত ?

রমানাথ রাগিতে থাকেন—শুধু দেওয়ালপঞ্জী কেন, আজকালকার  
মাসিক আর সাপ্তাহিক পত্রিকাগুলিও বড় কম যায় নাকি ? চকোলেট  
কিনিয়া আন, তার মধ্যেও চাঁদমুখ । পেপার-ওয়েট, টুথপেষ্টের কেস,  
স্নো-পাউডারের লেবেল, জুতার বাক্স, 'তেলের শিশি, সিঁদূরের কোটা—  
কত আর বলা যায় । রাস্তায় বাহির হইলে ত রক্ষাই নাই । সাইন-  
বোর্ড, শো-কেসে, দেওয়াল-বিজ্ঞাপনে, ছাণ্ডবিলে—আরে ওসবই বা  
কেন—একেবারে জলজ্যাস্ত কত চাঁদমুখ বাসে, ট্রামে, মোটরে, রিকশায়,  
ফিটানে, ফুটপাথে—জোড়ায় জোড়ায়—একা একা ।

“তাইত !” রমানাথ যেন মহা সঙ্কটে পতিত হইয়াছেন এমনি ভাবেই  
কহিলেন, “সেকালটাই ভাল ছিল যেন ।”

“আচ্ছা, ওদের রেণুব সঙ্গে খোকার বিয়ে দিলে কেমন হয় ?” সুরমা  
কথাটি পাড়িলেন কোতুক করিয়াই ।

“তুমি পাগল না খ্যাপা !”

“কেন ?”

“—ওকে আমি বিলেত পাঠাব। দশটা নয়, পাঁচটা ময়, একটি মাত্র ছেলে আমাদের।—ষত টাকা লাগে—” রমানাথ একটু থামিয়া লইয়া কহিলেন, “যতীন বোসের শালিটির রঙ ময়লা, নইলে বিলেত পাঠাবার খরচ দিতে তঁাঁরা রাজীই আছেন।”

“তুমি বসে বসে ছেলেকে তোমার বিলেত পাঠাও, আমি উঠি এবাব। কাজ আছে আমার।”

“বোস না স্নু! বড্ড ভাল লাগছে তোমায় আজ।”

—কথাটা অকপট সত্য, তবু কেমন বিস্মী শোনায় রমানাথের নিজেবই কানে। তাই শুধু বোকার মত হাসিতে থাকেন।

“চং রাখ।” বলিয়া সুরমা উঠিয়া দাঁড়ান। ভাল লাগে কথাটা, তবু দাঁড়াইরা থাকিয়া পুরাপুর উপভোগ করিতে লজ্জা করে বড়। হাসিয়া কহিলেন, “কৈ, পরদা কিনতে গেলে না তো ?”

“আজ থাক, কাল আনব। তুমি একটু কাছে ব’স না, অনেক কথা আছে—জরুরী কথা। খোকার বিয়ের কথা।—আচ্ছা, বি-এটা পাশ করার আগে ত আর—বয়েসটা বড্ড কম, না? আমাদের সময় তেইশ চব্বিশের আগে বি-এ পাশ করত কে! আর আজকাল হয়েছে ষত সব জাগ দিয়ে আম-পাকানোর ব্যবস্থা।—আঃ। ব’স না। একদিন গেরস্তানির কাজ বন্ধ থাকলে ব্রহ্মাণ্ড রসাতলে যাবে না।”

রাত্রিবেলা!

খাওয়া-দাওয়া শেষ। সুবিমল শুইবার ব্যবস্থা করিতেছে। বাবার

ঘরের ছুয়ার বন্ধ না হওয়া পর্যন্ত আলো নিভাইতে পারিতেছে না ।  
সবে রাত সাড়ে নয় ।

পুত্রকে বিস্মিত করিয়া দিয়া পিতা আসিয়া ঘরে ঢুকিলেন । ছেলের  
খোজ-খবর লইতে বা পড়াশুনার তদারক করিতে এ-ঘরে, বিশেষ করিয়া  
এমন অসময়ে, রমানাথ কোনদিনই আসেন না বা আসিলেও  
কদাচিৎ ।

ঘরে ঢুকিতেই মনে হয় রমানাথের, আজ যেন নূতন কোথাও  
আসিয়াছেন । ডজন খানিক ক্যালেন্ডার এ-দেওয়ালে, ও-দেওয়ালে ।  
নারী মূর্তির মুখ না দেখিয়া কি দিন-ক্ষণ, তিথি নক্ষত্র দেখা চলে না ?  
আব দেখ না, যেন গিলিয়া-ফেলা চাউনি । ফোটোগ্রাফি এতও পারফেক্ট  
হইয়াছে আজকাল ! খোকার ঘরে ত কতবার আসিয়াছেন ।  
এতদিন কেন যে এসব সজরে পড়ে নাই, সেটাই পরম বিস্ময়ের  
বিষয় ।

“খোকা, রাত্তিরে কতক্ষণ পড়াশুনা করিস্?—বেশী রাত জাগিস নে  
তাই বলে । সবে ত খাড' ইয়াব ।” রমানাথ ছেলের বিছানার কাছে  
চেয়াবটা টানিয়া নিয়া বসিয়া পড়িলেন । আধ-শোওয়া সুবিমল  
আগেই ধড়মড় করিয়া উঠিয়া বসিয়াছে পায়ের শব্দ পাইয়া ।

“কত রাত অবধি পড়িস্?”

“কত আর ?—দশ. সাড়ে দশ, এগার ।”

“যথেষ্ট ! আশিও কলেজ লাইফে এর বেশী পড়তাম না ।”

ছেলে চুপ করিয়া আছে ।

“ই্যারে খোকা, তোব মা বলছিল, তুই নাকি কলেজ ম্যাগাজিনে পছন্দ  
লিখিস্?”

“ও কিচ্ছু না ।” বলিয়া সুবিমল সলজ্জ বিনয় প্রকাশ করে ।

“বেশ ত। লজ্জার কী তাত।—আমিও কতবার লিখেছি। একবার ছেলেরা ধরে বসল, বিদায়-সঙ্গীতের পদ্য লিখে দিতে হবে। ভাইস-প্রিন্সিপ্যাল রিটারার করছেন, তাকে ফেয়ারওয়েল দিতে হবে। চমৎকার কবিতা হয়েছিল নাকি।”

সুবিমল নীরবে গুনিয়া যায় পিতার অতীত কীর্তিকলাপ।

“দেখি, কী লিখেছিস্?”

“কিছু হয় নি। তোমায় দেখতে হবে না।”

“ও-সব লিখতে লিখতেই হয় রে। কথায় বলে, কচুগাছ কাটতে কাটতেই ডাকাত। রবি ঠাকুর একদিনেই হয় কিনা!”

সুরমা আসিয়া ঢুকিলেন এ-সময়। রমানাথ বলেন, “খোকা ওর কবিতা দেখাতে লজ্জা করছে আমার কাছে।”

“কবিতা কোথায় গো!—খোকা গল্প লিখেছে। কী সুন্দর লেখা!”

“কিসের গল্প?”

মায়ের মুখ হইতে কথা কাড়িয়া নিয়া পুত্র কহিল, “ও-সব বাজে লেখা, তুমি বুঝবে না।”

“খুব বুঝব। আমিও এককালে গল্প লিখতাম রে। বিশেষ হচ্ছে না বুঝি! একবার গল্প লিখে ইস্কুলে প্রাইজ পেয়েছিলাম।”

“সে সব ছেলেমানুষি গল্প বুঝি! এ নভেলের গল্প গো। বড়লোকের মেয়েকে ভালবেসেছে এক গদীবের ছেলে।—কি না নামটা খোকা?—সুরপতি না কী যেন? মেয়েটার নাম ত ললিতা।”

খোকা মাথা নোয়াইয়া বসিয়াই আছে। পিতা বুঝিলেন, প্রেমের গল্প লিখতেছে ছেলে। তা লিখুক না হয়। কিন্তু অত লজ্জা কেন তায়!

পুত্রের আনত আড়ল ঘাড়ের দিকে নিম্পলক চোখে চাতিয়া আছেন

রমানাথ। চাহিয়া আছেন সুরমাও। বাপ ভাবেন, আদলটা ঠিক  
মায়েরই পাইয়াছে। মায়ের মনে হয়, পেছনটা আর একটু হইলেই  
অবিকল ওর বাপের মত।

“খোকা।”

সুবিমল মুখ তোলেন।

“তোকে এবার বিয়ে দেব ভেবেছি। তোর কী মত?”

“ওর মতামত আবার জিগ্গেস করতে হবে নাকি?” সুরমা বলিয়া  
চলিলেন মুহূহাস্ত্রে, “বি-এ, এম-এ যতই পাশ দিস্ না কেন, আমাদের  
কাছে তুই চিৎদিনই খোকা। আমরা যা ভাল বুঝব তাতে ‘না’ করতে  
পারবি না।”

সুবিমল মুচকি হাসিতে থাকে।

মাও হাসিয়া কহেন, “হাসলে চলবে না।”

রমানাথ আবার প্রশ্ন করেন, “সামনের ফাল্গুনে .তার বিয়ে দেব ঠিক  
করেছি। বেশি বয়সে বিয়ে করার কোন মানে হয় না। ওতে ঝগড়া  
অনেক।”

“আমি এখন বিয়ে করব না”—সুবিমলের কঠোর স্পষ্ট ও দৃঢ়।

“কেন?”

“আগে মানুষ হয়ে নিই।”

“তাব জগেই তো বিয়ে দিতে চাই বে। তোকে বিলেত পাঠাবো।”

“পরের টাকায় বিদিত্তী ডিগ্রী নিতে আমি চাই না। এদেশের  
ইউনিভার্সিটির শিক্ষা পেয়েও মানুষ হওয়া যায়।”

রমানাথ একটু খামিয়া পুরের মুখের দিকে তাকাইয়া কহিলেন, “খোকা,  
আমার বড় সাধ ছিল বিলেত যাবো। সে আর হয়ে ওঠে নি নানা  
কারণে। বিয়ে করে মোটা টাকাও নিয়েছিলাম সেই উদ্দেশ্যেই।



হঠাৎ বাবা মারা গেলেন। সংসারের সকল দায়িত্ব পড়ল একা আমার  
ঘাড়ে।—সে সাধটা তোকে দিয়ে মিটিয়ে নিতে চাই, খোকা। তুই  
আপত্তি করিস নে।”

সুরমা জানালার কাছে গিয়া বাহিরে চাহিয়া আছেন। কথাটা সত্য।  
স্বামী বিদেশে পড়ার খরচ বারদ চার হাজার টাকা তাঁহার বাবার নিকট  
হইতে আদায় করিয়া লইয়াছিলেন। কিন্তু আর একটা ইতিহাস তাহার  
জানা নাই। না থাকাই ভাল।

ছদিনের কথা। সামান্য দুর্বলতার একটি ছোট্ট অব্যায়। পাংশের বাসার  
সেই শ্যামবর্ণা কিশোরী ( স্কুলমাষ্টার কপিঞ্জল সেনের মা-মরা সেই অনুঢ়া  
মেয়েটি ) আজ কোথায়, কার ঘরে, কত দূরে—কে আর রাখে তার  
খবর !

আজ রমানাথের এতকাল পরে মনে পড়িয়াছিল সেই ভীকু চোখ  
ছটি—কয়েক মুহূর্তের জন্য শুধু—ঘণ্টা দেড়েক আগে। আবার  
মনের তলায় চাপা পড়ে বাইশ বছর আগেকার সেই কয়েক মাসের  
ছেলেমানুষি !

“খোকা কথা বল্ছিস না যে ?”

“ভেবে দেখি—পরে বলব।”

“তা-ই ভাল। তুই তো অবুঝ নেই আর—বয়েস হয়েছে, ভবিষ্যতের  
ভাবনা ভাবতে শিখেছিস এখন। ভালমন্দ কি আর আমার চেয়ে তুই  
কম বুঝিস ?”

সুরমা জানালার কাছ হইতে ফিরিয়া আসিয়া স্বামীকে কহিলেন,  
“রেণুর বাবার বড্ড চাল। যা ঐ বাইরের ভড়ংটাই। ভেতরে  
ঢ-ঢ-ঢং।

“কেন বল তো ?” প্রশ্ন করেন রমানাথ।

“তিন মাসের বাড়ি ভাড়া বাকি ফেলেছে। ওদিকে তিন সের করে দুধ নেয় রোজ। বোলে চালে ছেলেমেয়েগুলোও হয়েছে তেমনি। রেণু তো এ-বেলার শাড়ি ও-বেলা পবে না। আবার মাষ্টার রাখা হয়েছে। পড়াশুনা শেখানো না হাতি, বাপ আছে সুযোগ বুঝে ঘাড়ে গছিয়ে দেবার তালে।”

সুবিমল মনে মনে হাসে। একটু করুণাও জাগে রেণুদের জন্য, একটু আবার দুঃখও হয় বাবা-মার অমন অহেতুক আশঙ্কা দেখিয়া। বরং, এতক্ষণে—আজ এই ঘণ্টা কয়েকের ছলনার পালার শেষে—মনে হয় সুবিমলের, রেণুকা মেয়েটি তো মন্দ নয়। দেখিতে খাসা, চোখ দুটিও ভাসাভাসা, ফাঁপানো চলের খোঁপা, নাকটা নিখুঁৎ, ঠোঁটজোড়া পাতলা, কালো হইলেও কুশী নয় সে, বাবাব অবস্থাও ভাল নয় মোটে। গরিবের দায় উদ্ধার করিলে ক্ষতি কি!

রমানাথ স্ত্রীর উৎসাহে বাধা দিয়া কহিলেন, “পরের কোষ্ঠি কেটে দরকার নেই। চল এবার। খোকার পড়ার ক্ষতি হচ্ছে।—খোকা, মন দিয়ে পড়াশুনা করবি। ভাসাভাসা জ্ঞান জিনিষটা বড় মারাত্মক।—রবিঠাকুরের একটা কী লাইন আছে না রে?—‘যাহা চাই তাহা ভুল করে চাই, যাহা পাই তাহা চাই না’। তোদের এখন সেই সময়। ভালিয়ে বুঝতে হবে অনেক কিছু—অনেক কথা। পড়বি, রাতদিন পড়াব মত করে পড়বি। তবেই সব কথা খোলসা হয়ে আসবে।”

পুত্রকে আরো মিনিট দুই উচ্ছ্বসিত উপদেশ বিতরণ করিয়া রমানাথ চলিয়া গেলেন। ছেলের বস্ত্রিশের ঢাকাটা অকারণেই একবার ঝাড়িয়া আর ভাঁজ-খাওয়া বিছানার চাদরটা সটান করিয়া দিয়া সুরমাও খানিক বাদে স্বস্থানে প্রস্থান করিলেন। সঙ্গে সঙ্গেই বাবা-মার ঘরে দুয়ার বন্ধ হয় শব্দে।

সুবিমল হাঁফ ছাড়িয়া বাঁচিল। উঃ, কি ফাঁপরেরই না পড়িয়াছিল  
 এতক্ষণ! অধুনা-প্রকাশিত সচিত্র সাপ্তাহিক ‘আধুনিকী’র বর্তমান  
 সংখ্যাখানি বাবার হাতে পড়িয়াছিল আর কি! একে তো মলাটের  
 উপর হলিউডের নীলনয়না তারকাটি নায়কের কাঁধে মুখখানি গুঁজিয়া  
 গা ছাড়িয়া দিয়া একেবারে গলিয়া পড়িয়াছে, তার উপর কয়েক  
 পৃষ্ঠা উল্টাইয়া গেলেই চোখে পড়িত পুত্র ‘শ্রীহীন’ সুবিমল সেনগুপ্তের  
 ‘চুধনের’ উপর ভয়ঙ্কর রকমের এক কাব্যিক অগ্ন্যুৎপাত!

ভাগ্যিস বাবার নজরে পড়িবার আগেই সূচতুর সুবিমল পত্রিকাখানির  
 উপর আসন করিয়া বসিয়াছিল—তাড়াতাড়ি সেক্সপীয়রের ওয়ার্কসটা  
 কোলের উপর তুলিয়া লইয়াছিল পুরাদস্তুর ‘অধ্যয়নং তপঃ’র ভঙ্গীতে।  
 কি ফ্যাসাদ বাবা! বাঁ পায়ে হাঁটুর উপরে কি যেন স্ফুড়স্ফুড় করিয়াছে  
 এতক্ষণ; তবু সে চুলকাইতে সাহস করে নাই ধরা পড়িবার ভয়ে।  
 বাঁচা গেল।

ছয়ার বন্ধ করিয়া সুবিমল পড়িতে বসে। বাবা পড়িতে বলিয়াছেন,  
 রাতদিনই পড়িতে বলিয়াছেন—ভাবিয়া চিন্তিয়া তলাইয়া পড়িতে  
 বলিয়াছেন। তথাস্তু! পিতা স্বর্গঃ পিতা ধর্ম্য। আজ্ঞা পালন না  
 করিলে অনন্ত নরক। সুবিমল পড়াশুনা লইয়াই কাটাইবে—আজ  
 হইতে, এখন হইতেই।

আপাততঃ সেক্সপীয়ারিয়ান্ ওয়ার্কসের মোটা বইটা লইয়া সুবিমল পড়া  
 সুরু করিতে চায়। কি পড়িবে? হ্যামলেট? ওথেলো? টেমপেষ্ট?  
 লীরার? অত বাছবিচার করিতে বসিলে বুদ্ধি পড়া হয়!

ওখানু, টু, থ্রী—বলিয়া ছদিকের মলাট হইতে হাত সরাইয়া নিতেই  
 বইএর মাঝামাঝি ফাঁক হইয়া ভাঙ্গিয়া পড়িল যে ছটি পৃষ্ঠা তাহা আর  
 কিছুই নয়—জুলিয়েট রোমিওকে বিদায় জানাইতেছে তাহার মিনতি

মাথানো ডাগর চোখের নীরব ভাষায়। সুবিমলের কি দোষ ?  
এ যে খাঁটি লটারি !

৩-ঘরে রমানাথ তখন দক্ষিণের সেই জানালাটার কাছে। চাহিয়া  
আছেন বাহিরে—কে জানে, হয়তো ৩-বাসার ছাদের দিকেই।

সুরমা কাছে আসিয়া ডাকিলেন, “কত রাত করবে আর—শোবে না ?”  
রমানাথের চমক ভাঙ্গে।

সহাস্ত্রে রসিকতা করেন সুরমা, “তুমিও কি পাশের বাসার কারো  
সঙ্গে—”

অকারণ লজ্জায় রমানাথ সঙ্কুচিত হইয়া কহেন, “কী যে বলো !”

“কেন রেণুর মার সঙ্গে—”

“সু !” মৃদুহাস্তে রমানাথ কহিলেন, “ভাবছিলাম কী জানো ?—মনে  
হচ্ছিল, তুমি যেন ৩-বাসার ছাত থেকে চেয়ে আছ এ-বাড়ীর জানালায়—  
আজ নয় তাই বলে, বাইশ বছর আগে।”



## উত্তর পুরুষ

পৌষের পড়ন্ত সূর্যের দিকে চাহিয়া মলিনা এতক্ষণে একটা স্বস্তির নিঃশ্বাস ফেলে।

বেলা আর নাই। খানিক বাদে তুলসী তলায় প্রদীপ জ্বলিবে। দেখিতে দেখিতে চারিদিকে নামিবে অন্ধকার।—স্বামীও বাড়ী ফিরিয়া আসিবেন ষথারীতি আটটার মধ্যে। খাওয়াদাওয়ার হাঙ্গামা মিটিতে বড় জোর সাড়ে দশটা। আর ঘণ্টা পাঁচেক। তারপর?

তারপর মলিনা আজ একবার জন্মশোধ দেখিয়া লইবে! সেই অপ্ৰতিহত প্রতাপের এলাকার মধ্যে তখন মার-মুখো শাওড়ীও নাই, রায়বাঘিনী ননদিনীও না। নির্জন অন্ধকারে শুধু সে আর স্বামী। রোজ রোজ আর কত সওয়া যায়। সে-ও তো মানুষ! দ্বিতীয় পক্ষের স্ত্রী হইয়াও এতদিন মলিনা বাড়াবাড়ি করে নাই নিতান্ত ভাল মেয়ে বলিয়াই। কিন্তু এত ভাল ও ভাল নয়।

সক্কা লাগে-লাগে। মলিনারও চুল বাঁধা শেষ। আজ সে বহুদিন বাদে বিম্বনী করিয়া খোঁপা বাঁধিয়াছে। কেন, ঢুই ছেলের মা বলিয়া এ'রি

मध्ये साध-आह्लाद सब शेष हईल नाकि ? कोन् दुःखे ?—आगतार शिशिटा ताकेर उपर यथास्थाने तुलिया राखिया मलिना आसिया पश्चिमेर जानालार काछे दाँडाय । कपाटटा सटान मेलिया देय । आवहा आलोय मुखानि आर एकवार देखिया लय पुरानो आरशि-  
खानिते । सक्या लागिते आजो मने हय अनेक देरी, अनेक ।  
तबे ?

तबु एही पडिया पडिया गालमन्द सह करा केन ? द्वितीयपक्षेर अपवाद तो छनिया भरियाई आछे । आज देखा याक !

कठोर सकल कठोरतर करिते करिते मलिना आलना हईते आध-  
मयला सेमिजटा आनिया गाये देय । आटपोरे कापडखानि छाडिया गेल-पुज्जार मिलेव सेई सस्ता डुरे शाडीखानि परे । समुखे, ए अहकार रात्रि केले, तार एकमात्र आशार आलो ।

गल्लेर आरस्तु किन्तु एखाने नय । आरो परे । तबु गोडार कथा एखाने बलिया लईते हय । नहिले कथा काहिनी हईया ओठे ना ।

मलिना माने भूपतिचरणेर द्वितीयपक्षेर स्त्रीर मने मने एही तर्जन-  
गर्जनेर आसल कारणटा किन्तु ठिक दाम्पत्य कलह नय । हेतुटा बाङ्गाली परिवारेर सेई अति साधारण सनातन । व्यापार—नन्द आर भाईएर बोए बगडा । किन्तु एक्केरे एकटू अभिनवत आछे । स्त्रीर आर छोट बोनेर चुलाचुलि विवादे भूपतिचरण प्रतिवारई पक्ष नेय सहोदरा मल्लिकार । विधवा गर्भधारिणीके खुशी करिबार जग लोको-  
देखानो दरद नय ए । द्वितीयपक्षेर सहधर्मिणीर उपर ए-हेन सृष्टिछाडा आचरणेर पिछने आछे, कार्यकारणेर एकटा सुदीर्घ इतिहास ।

भूपति जन्मियाछिल घुणधरा जमिदारेर घरे । प्रदीप निधिवार आगे शिखाटा एकवार बेशी करियाई अलिया ओठे । भूपतिर बाल्यजीवन

কাটিয়াছে ফাঁকা চাল-চলনের আতিশয্যের মধ্যে অতীতের কীর্তিকলাপ  
শুনিতেন শুনিতেন।

মামলা-মোকদ্দমার ঝড়ঝাপটায়ও ঝাঁজরা কাঠামোটা কোন মতে খাড়া  
ছিল। কিন্তু পিতার মৃত্যুর বছর দুই আগেই তিন পুরুষের গোটা  
সম্পত্তি খণ্ড খণ্ড হইয়া গেল একাধিক পরের হাতে। বাকী ছিল শুধু  
সাবেককালের পাঁচিল-ঘেরা নোনায় ধরা বসত বাটখানি। তা-ও ছোট  
বোন মল্লিকার বিবাহে শ্রীনাথ কুণ্ডুর কাছে দ্বিতীয় মর্গেজে আটক  
পড়িয়াছে। অর্থের অভাবেই রাধানাথ চাটুজ্যের মেয়েকে কিনা শেষ  
কালে দিতে হইল বংশজের হাতে—তা-ও আবার নলগাঁয়ের চক্কোত্তিদের  
ঘরে। মল্লিকার চোখে জল দেখিলেই পিতৃপিতামহের পারলৌকিক  
মনস্তাপ সে নাকি পরিষ্কার অনুভব করে।

তাই মল্লিকা বড় বেশী আদরের—মা দাদা উভয়েরই। শ্বশুরের ঘর আর  
ক'দিনই বা সে করে! এক একবার আঁতুড়ে যাইতে আসে, আর তার  
দাদাকে যেন একেবারে ফতুর করিয়া রাখিয়া যায়। যায় মানে,  
আবার দুদিন বাদেই আসে। ছ'-মাসে ন-মাসে নড়িতে চায় না।

না চাক্, থাকুক বাপের বাড়ী যতদিন ইচ্ছা তার। মলিনা আপত্তি করে  
নাই কোনদিনই। কিন্তু কথায় কথায় ভ্রাতৃবধুর পিতৃকুলের উপর বিশ্রী  
কটাক্ষ করিয়া রাতদিন এত গুমর কিসের? আর, ভাইএরও তার  
দাপট কত! তবু যদি আজ একটি কাণাকড়িও থাকিত! অথচ  
পুরোহিতের মেয়ে বলিয়া শাশুড়ী দেন খোঁটা। স্বামী শোনান—যেমন  
ঘরের মেয়ে তার তেমনি তো মন। নন্দ মল্লিকা আর এক ধাপ উপরে  
উঠিয়া বলিয়া বসে—চালকলা-খেকোর গোষ্ঠি আর কত ভাল হয়!

মলিনা না হয় গরীবের মেয়ে—নৈবেদ্যের চাল ফুটাইয়া আর যজ্ঞমানের  
গামছা পরিয়াই না হয় বড় হইয়া উঠিয়াছে। কিন্তু এদিকে বড়ঘরের

বংশধর যে তার বোঁ-ছেলের দু'বেলা দুটি ভাত যোগাইতেই গলদঘর্ম্ম ।  
 যাব পালের গদিতে সারাদিন খাতা লিখিয়া পায় ত মোটে পনের  
 টাকা । বড় ছেলে বৌর তে বার বছরে পা না দিতেই পড়াশুনার পাট  
 খতম । স্কুলের আর দোষ কি ? ছ'মাসের মাহিনা বাকী পড়িলে নাম  
 কাটিয়া না দেয় কে ? তবু বাপের মান কত ! হেডমাষ্টারকে গিয়া  
 ধরিয়া পড়িবে—নিজের ছেলের জন্ম একটুখানি নরম হইবে, সর্বনাশ !  
 অতখানি নীচু হইবে রাখানাথ চাটুজ্যেব ছেলে ? ছেলেটা তাই মানুষ  
 হইল না । সারাদিন পাড়ায় পাড়ায় ঘুরিয়া বেড়ায় যত সব ছোটলোকের  
 ছেলের সঙ্গে । তাতেও বাপের শিরচ্ছেদ অপমান । ছেলেও তেমনি  
 এক গোঁয়ারগোবিন্দ ! ,ডাইনে যাইতে বলিলে বাঁয়ে যায় । তার  
 অকাজের অন্ত নাই । তিলিপাড়ার মেয়ে মহলের ফাইফরমাস খাটে ।  
 পাঁচি ধোপানীর নাকি রুম্ম এলোচুলের উকুন বাছিয়া দেয় । অনুরোধ  
 করিতে না করিতেই পরাণ ছৈয়ালের কাছে বেড়া বাঁধা শিখে । বিড়ি  
 টানিবার অভ্যাস ধরিয়াছে এই বয়সেই । পাড়ার লোকে নালিশ করে  
 যখন-তখন । দেখিয়া শুনিয়া বাপ রাগে ফোলে । ঠাকুরমা ছি-ছি  
 করে । মাও লজ্জায় মরে ।

সে সব কথা যাক । কিন্তু, আজ এক উঠান পাড়াপড়শীর সামনে মল্লিকা  
 তার ভ্রাতৃবধুর চৌদ্দপুরুষের কোণ্ঠী কাটিবার কে ? মলিনাও পাণ্টা  
 জ্বাব দিতে ছাড়ে নাই । আর একজনের তাহাতে গায়ে জ্বালা ধরে  
 কিসের জন্ম ? বোনেব হইয়া ভাই আসিলেন কুখিয়া রান্নাঘরের দোর-  
 গোড়ায় । চোখ রাঙাইয়া মুখ খিঁচাইয়া অমন কাণ্ড করিতেও নাকি  
 বড়ঘরের বড় মনে বাধে না ! কি বিক্রী মুখ ! আজ মলিনাকে শুধু  
 হাতে ধরিয়া মারাটাই বাকী রাখিয়াছে !

অন্তমান সূর্যের দিকে চাহিয়া মলিনা তাই আজ ভিতরে ভিতরে ফুলিয়া



ফাঁপিয়া উঠিতেছে দারুণ আক্রোশে। অন্ধকারই ভালো। রাত্রিবেলাই তার সংসার—দিনের জগৎটা কারাগার! মলিনা খোঁপাটা অকারণেই আরো একবার ঠিক করিয়া লয়। আজ একটা হেস্তুনেস্ত করিয়া ছাড়িবে।

সন্ধ্যার পব। ভূপতি সকাল করিয়াই গৃহে ফিরিল। গল্পের আরম্ভ কিন্তু তখনো নয়।

সন্ধ্যা প্রদীপটা এখনো নিভে নাই। ঘরের মধ্যে আধ-আধ আলো। কোলের ছেলের ঘুমাইয়া আছে নিজের বিছানায়। জ্যেষ্ঠ পুত্রের এখনো দেখা নাই—কখন ফিরে ঠিক কি। ভূপতি আস্তে আস্তে আসিয়া বিছানার এক কোণে বসে। বসিয়া পড়িয়া বহুদিনের পুরাণো নোংরা কেড্-সু জোড়া খুলিয়া ফেলে

হতভাগা ছেলেরও এতক্ষণে বাড়ী ফিরিবার সময় হইল। বীন্সু আসিয়া ঘরে ঢোকে। বাপের মত অমন চুপি চুপি নয়। ভূপতি আর সে ভূপতি নাই। গলা খাটো করিয়া জিজ্ঞাসা করে বীন্সুকে, “তোমার মা কোথায় রে?—রান্নাঘরে?”

“আমি তার কী জানি?” একরত্তি ছেলে অসম সাহসে, বাপের উপর রীতিমত ঝাঁজিয়া ওঠে “আমি যেন এতক্ষণ বাড়ী ছিলাম।”

বাপ আপাতত চুপ করিয়া যায়। এতক্ষণ কোথায় ছিল তাহার কৈফিয়ৎ চাহিয়া এই রাত্রিবেলা একটা কেলেকারির সৃষ্টি করিতে নানা কারণে রাজী নয় এখন।

রান্নাঘর হইতে মা ডাকে, “বীন্সু!”

“বাই মা!”

এবার মিষ্টি করিয়া সাড়া দেয় একান্ত বাধ্য ছেলে ;

দাদার গলার আওয়াজ পাইয়া ও-ঘর হইতে মল্লিকা আসে এ-ঘরে ।

ফিস্ ফিস্ করিয়া ভাইএর কাণে লাগায়, “শুনেছ দাদা বীনের কাণ্ড ?”

ও-বেলার ভগ্নীবৎসল দাদা কিন্তু এ-বেলা শুনিবার জন্ত এতটুকু আগ্রহ দেখায় না ।

“শুনেছ তো—জগু মালাকারের মেজ ছেলের বৌএর কাল সাধ । বীনু আজ তাদের বাজার ক’রে দিয়ে এসেছে । কাল নাকি আবার নেমন্তুলে যাবে সেখানে ।”

বংশাভিজাত্য ও ব্রাহ্মণ্য ধর্ম সাড়া দেয় না তবু ।

মল্লিকা বলিয়াই চলিয়াছে, “কাল দুপুরে নাকি দত্তদের বাগানে নারকেল চুরি করতে গিয়েছিল । কী ঘেন্নার কথা বল তো ! বাপ ঠাকুরদার নাম ডোবালো ।”

ভূপতি তবু নির্ঝাঁক ।

ওর মার আঙ্কারা পেয়েই না এতটা—”

“থাম না রে বাপু !” এবার ভূপতিচরণ উষ্ণ হইয়া ওঠে, “সারাদিন খেটে খুটে এসে তোদের এ সব ঝামেলা আর ভাল লাগে না আমার ।”

ভাল রে ভাল ! ভগ্নী মুখ কালো করিয়া উঠিয়া দাঁড়ায় । সঙ্গে সঙ্গে ছয়ারের ওপিঠে মন্দাকিনী মেয়ের অপমানে ফোঁস করিয়া ওঠে, “তোরা অত পরের কথায় থেকে কাজ কি শুনি । আয় না চলে । বাবা ! ভাল বললেও মন্দ শোনে । বৌএর নামে এতটুকু বললেই মেজাজ চড়ে যায় !”

ভূপতি এবার গলা ছাড়িয়াই জানাইয়া দেয়, “রাতদিন এসব কেলঙ্কারি আমার ভাল লাগে না বলে রাখছি ।”

“তা আর লাগবে কেন ! ছোট থেকে বড়টা করেছিলাম আমিই কিনা ।

আর আজ বড় আপন জন পেয়েছি। বলিয়া মন্দাকিনী মেয়েকে লইয়া নিজের ঘরে চলিয়া যান গজগজ করিতে করিতে।

ভূপতি একটু নিশ্চিত হয়। গলা ছাড়িয়া উভয়পক্ষে যে বাক্য বর্ষণ হইয়া গেল রান্নাঘরে তাহা যথাস্থানে পৌঁছিয়াছে নিশ্চয়ই।

মলিনা তখন রান্নাঘরে পুত্রকে আর এক টুকরা মাছ দিয়া কহিল, “খেয়ে নে শিগগির করে—তারপর চূপচাপ শুয়ে থাক গে।”

“আমি আর ও-ঘরে শোব না মা—তোমার কাছে শোব আজ।”

“না।”

“ঠাকুমা আর ছোট পিসি তোমার নামে কত কথা বলে মা—আমি সেদিন শুয়ে থেকে শুনেছি সব। ওদের কাছে শোব না আর।”

মা গন্তীর হইয়া কহে, “যা বলছি তাই শোন।—আমার ঘরে আজ জায়গা হবে না। ভাল চাস তো, খেয়ে দেয়ে ঠাকুরমার বিছানায় গিয়ে শুয়ে পড়।”

মলিনা ছেলেকে কিছুতেই আজ কাছে রাখিবে না। কোলের ছেলেটা নেহাৎ কোলের বলিয়া এক কোণে ঘুমাইয়া থাকিবে—তা সে না থাকার মতই।

রাত বাজে এগারটা। মলিনা আলোটা নিবো-নিবো করিয়া দিয়া বিছানায় আসিয়া ওঠে।

আসল গল্প আরম্ভ হয় এতক্ষণে।

একদিকে ভূপতি যথাস্থানে চূপ করিয়া শুইয়া আছে। বিছানার আর এক কিনারায় খোকনের ছোটছোট কাঁথা-বালিসের বিছানাটুকু। মাঝখানটাই প্রথামতই মলিনার।

মলিনার মতলব সত্যই ভাল নয় । আস্তে আস্তে খোকনের আলগা বিছানা মাঝখানটায় সরাইয়া দিতে থাকে । প্রতি রাত্রে এই নিয়মকানুনে আজ ব্যতিক্রম ঘটিতে পারে এ আশঙ্কা ভূপতি সন্ধ্যা হইতেই করিয়া আসিতেছিল । খপ্ করিয়া স্ত্রীর হাত চাপিয়া ধরে, “ও কি মিনা !”

মলিনা জোর করিয়া হাত ছাড়াইয়া নেয়

“রাগ করেছ মিনা ? ছি !”—ভূপতি স্ত্রীর পুনঃ সঙ্কল্পে আবার বাধা দেয় । মলিনা এবারও ঝটকা দিয়া স্বামীর হাতখানি ঠেলিয়া সরাইয়া দেয় ।

গতিক ভাল নয় ! খানিকক্ষণ বোকার মত চুপ করিয়া বসিয়া রহিয়া ভূপতি বুদ্ধিমানের মত শুরু করিল সারাদিনের একটানা খাটুনির লম্বা ফিরিস্তি দিতে । “এই হাড়ভাঙ্গা খাটুনির পর তোমাদের সংসারের এ সব শতক ঝঞ্জাট সত্যি ভালো লাগে না । মাথায় খুন চাপে । কী বলতে কী সব বলে ফেলি । সে বুদ্ধি আমার মনের কথা ! আর...”

কিন্তু মলিনা এখন কালী ।

“মিনা ।”

মলিনা আজ বোবা ।

“ছি লক্ষ্মীটি ! অমন করতে নেই । ওবেলা রাগের মাথায় যা-সব বলেছি সে তুমি এখনো মনে করে রেখেছ !” বলিয়া ভূপতি স্ত্রীর গা ঘেসিয়া বসিতে চায় । মলিনাও এক নিমেষে সরিয়া বসে হাত খানিক ব্যবধানে ।

“রাতত্বপুরে এ-সব আর ভাল লাগে না গো, সত্যি বলছি ।”—স্ত্রীর কাছে সরিয়া গিয়া এক হাত বুকের উপর তুলিয়া ধরে ভূপতি ।

মলিনা এবার অতটা বাধা দেয় না ।

পাঁচ খেলিতে হইলে আগে বেশ খানিক নাটাইএর সূতা ছাড়িয়া লইতে হয় ।

“আঃ আবার মুখ ফেরাচ্ছ!”—মলিনার খোঁপাশুদ্ধ মাথাটা বাঁ কাঁধে টানিয়া নিয়া গলিয়া-পড়া ভঙ্গীতে ভূপতি কহিল “একবার তাকাও না ইদিকে! এখনো বুঝি রাগ আছে?”

মিনিট দুই স্বামীর বিগলিত বাক্যশ্রোত সহ করিয়া মলিনা কাঁধ হইতে মাথা সরায়। সময় হইয়াছে।

স্বামীর মুখের উপর এক পলকের দৃষ্টি বুলাইয়া লয়। এইটুকুই যথেষ্ট। এই আধ-আলো আধ-অন্ধকাবেও এতদিনের এই লোকটার চোখ-মুখের ভাষা তার কাছে অতি স্পষ্ট—মুখস্ত তার প্রতিটি ভাবান্তর। মনে মনে হাসে মলিনা—অদৃত হাসি। দিনের বেলায় সেই অনমনীয় বংশাভিমান এত সহজ, এত সস্তা! আচ্ছ মলিনা এত সকালে সাড়া দিবে না। স্বামীর মুখ হইতে কত কথাই না সে আদায় করিয়া লইয়াছে কতবার! কিন্তু প্রতিবারই বাতের কোকিল ভোর না হইতেই বুলি ভুলিয়া আবার কাক সাজে। আজ মলিনা শত কাকুতি-মিনতিতে গলিবে না। কিছুতেই না। খানিক—আরও বেশ খানিক খেলাইতে হইবে। প্রাণান্ত খেলা!

“কথা বলছ না যে?”

মলিনা শিথিল-করা দেহ আবার আড়ষ্ট করে।

এক গাল হাসিয়া ভূপতি কণ্ঠলগ্ন হইতে চাহিল, “কথা কও মিনা।”

জবাব দিল মলিনার অঙ্গ প্রত্যঙ্গের অভিনীত আপত্তি। স্বামীর বাহু-বন্ধন হইতে নিজেকে মুক্ত করিবার কপট চেষ্টা করিয়া জানায়, “আঃ! ভাল হবে না কিন্তু—ছেড়ে দাও বলছি।”

যা-হক এতক্ষণে মুখ খুলিয়াছে মলিনা। খুশী হয় স্বামী। কিন্তু পরক্ষণেই জ্ঞা আবার বোবা।

তাই দ্বিগুণ উৎসাহে ভূপতি এবার স্ত্রীর নাক টিপিয়া তার নিঃশ্বাস প্রশ্বাস খানিক বন্ধ করে ঠোট খোলাইবার আশায়।

মুখ ঝামটা মারে মলিনা—“ছেড়ে দাও ।”

“রাগ করোনা লক্ষ্মী মানিক আমার ।”

“অঁ! সোহাগ দেখে মরে যেতে ইচ্ছে যায় ।”

“এ-কথা বলছ কেন মিনা ? আমি বুঝি তোমায় ভালবাসি না ।”

“অমন ভালবাসার মুখে আগুন!—ভালবাসা ! তোমায় চিনতে আর বাকী নেই ।” বলিয়াই মলিনা উঠিয়া পড়িতে চায় ।

নাছোড় ভূপতিচরণ স্ত্রীর মাথাটা হাতে বুকের উপর চাপিয়া ধরে । মলিনা এবার অনর্গল বলিতে থাকে, “ছোটলোকের বেটির সঙ্গে এক বিছানায় শুতে বুঝি লজ্জা করে না!—ঘেন্নারও কথা !”

“ও-সব ঝগড়ার কথা তুলো না এখন ।”

মলিনা কুখিয়া ওঠে, “কেন তুলব না ? তুমি বলতে পার আর আমি বুঝি—”

“তোমায় আগে আমি ও-কথা বলেছিলাম, বলো ।”

“তুমি না বলেছ তোমার বোন বলেছে ।”

“তা তার সঙ্গে বুঝবে !”

“তার সঙ্গেই তো বুঝতে চাই”, মলিনা তীব্র আক্রোশে ফুলিয়া ওঠে,

“তুমি এসে মাঝখানে পড় কেন শুনি ?”

“তুমি আমার বাপ-ঠাকুরদাকে ছোটলোকের বংশ বলে—”

মুখের কথা কাড়িয়া নেয় মলিনা, “তোমার বাপ-ঠাকুরদাকে এতটুকু বললে তোমার গায়ে লাগে, আর আমার বুঝি বাপ-ঠাকুরদা নেই ? তোমার গায়ে ফোকা পড়ে, আমার বুঝি গণ্ডারের চামড়া ?”

ভূপতি চূপ করিয়া থাকে । দিনের বেলায় ইতিহাস রাত্রে বড় বেসুরা ঠেকে ! মনে হয় এ স্ত্রী-ই তার সব । মলিনা আছে বলিয়াই যেন এ-জীবনের অর্থ হয় ।

তিন্ত প্রসঙ্গটা চাপা দিয়া ভূপতি তাড়াতাড়ি রসাল পথে মোড় ফিরিল,  
“তোমায় আজ ভা-রী সুন্দর দেখাচ্ছে মিনা । সত্যি বলছি । কতকাল  
যে এমন সুন্দর করে গোঁপা বাঁধো নি ।’ বলিয়া মলিনার নাকের  
ডগাটা টিপিয়া দিয়া একটু সোহাগের দৌরাখ্য জানাতে চাহিল ।

সুকঠিন মলিনা একটু একটু করিয়া শিথিল হইতে থাকে ।

“সত্যি গো, চমৎকার মানিয়েছে এই খয়ের রঙের ডুরে শাড়ীতে ।”—

ভূপতি মলিনাকে এবার অনায়াসেই বৃকের কাছে শক্ত করিয়া জড়াইয়া  
ধরিয়া শুইয়া পড়ে জোড়া-বালিসে । তারপর পা দিয়া লেপখানি উভয়ের  
গায়ের উপর তুলিয়া লইতেই মলিনা বাধা দেয় “ছাড়ো ।”

“কেন ?”

“আমি তো এ-বাড়ীর দাসী-বাদী । মান অপমানের ভয় নেই  
তোমার ?”

ভূপতি হো হো করিয়া হাসিয়া উঠিল, “আজকাল বড্ড কথা শিখেছ  
মিনা ।”

“আমি তোমার কে ?”

“তুমি ?—তুমি—”

“কেউ নই ।”

অসহিষ্ণু ভূপতি জবাব দেয়, “তুমি আমার সব মিনা ।”

“তা জানি । কাজের বেলা কাজী, কাজ ফুরালে পাজি ! কাল সকালে  
এ কথা আর মনে থাকবে না ।”

“নিশ্চয় থাকবে । দেখে নিয়ো ।” অকৃত্রিম ভূপতির প্রতিশ্রুতি ।

“এ তোমার মনের কথা নয় ।” ঝোপ বুঝিয়া কোপ মারিবার মুহূর্ত্ত  
সমাগত ।

“ই্যা গো ই্যা”—নিরুপায় ভূপতির কণ্ঠস্বর কাঁপিতে থাকে ।

“দিব্বি কর ।—আমার গা ছুঁয়ে বলা—”

“এই তোমার ছুঁয়ে দিব্বি করছি :”

আরো একটা কাজ বাকী আছে—আসল কাজটাই । এ তাহার ভূমিকা মাত্র ।

মলিনা এতক্ষণে স্বেচ্ছায় স্বামীর কণ্ঠলগ্ন হইয়া কহিল, “সামনের মাসে মাইনা পেয়েই আমায় দুটো টাকা দিতে হবে কিন্তু—আগে থেকেই বলে রাখছি ।”

“দেব”—ভূপতির জবাব সুস্পষ্ট, অচিন্তিত ।

“মাসে দুটো করে টাকা দিতে হবে আমার হাতে । ভুলো না যেন !”

“তাই হবে ।—তোমার রুলি জোড়া ভেঙ্গ আবার নতুন করে গড়াবে বুঝি ?”

“আমার মরণ ! রুলি পববার কপাল নিয়েই যেন এসেছিলাম ।”

“তবে ?”

“তবে আবার কী ? মাসে দুটো টাকা করে জমলেও তো বছবে হয় পঁচিশ টাকা গো । তোমার হাতে যদি একটা পয়সাও থাকে ! বীণু দীনুর কথা তুমি ভাব একবার ?”

“ঠিক বলেছ । আমার হাতে একটা পয়সাও থাকে না । তুমিই এখন থেকে—”

বাধা দিয়া মলিনা বলিয়া চলে, “থাকবে কেমন করে ? একটা না একটা বোন বাপের বাড়ী পড়েই আছে । ছোট ঠাকুরঝি তো বাবো মাসের এগারো মাস এখানেই কাটায় । তোমার যদি কোনদিকে এতটুকু হুঁস থাকে । বোনেরা যার যার সব গুছিয়ে নিচ্ছে তোমার ঘাড়ে পা দিয়ে । নিজের ভবিষ্যৎটা ভাব একবার ? তুমি তো পালের গদিতে খাতা লিখেই জীবন কাটালে । ছেলেটার অদৃষ্টে সে মুবদও লেখা নেই । ওর



যা দশা হবে তা কেবল আমিই জানি। ছেলে তোমার একদিন ঐ পালেদের দোকানে, দেখে নিয়ো, তামাক সাজার কাজ নেবে।”

ভূপতি দপ করিয়া জ্বলিয়া উঠিতে গিয়া নিজেকে সামলাইয়া লয়। দিনের বেলা হইলে পুত্র সম্পর্কে এ হেন অপমানসূচক উক্তি শুনিয়া সে হুঙ্কার দিয়া উঠিত। এ যে রাত্রিবেলা! সহজের আসরে বড় শক্ত ঠাই। দিনের আলোয় চোখ মেলিতেই নজরে পড়ে পূর্বপুরুষদের ইটবার-করা জীর্ণ ইমারত, চূণ-বালি-খসা পাঁচিলের সীমানা, খিড়কির পুকুরের ভগ্নপ্রায় বাঁধানো ঘাট, পবিত্যক্ত চণ্ডীমণ্ডপ—বাড়ীর সীমানা পার হইলেই ঠাকুরদাব আমলে তৈরী পাকা সড়ক রহমৎপুরের মাঠের বুক চিবিয়া একটানা চলিয়া গিয়াছে শালদহের বাজারে—হৃদিকে তাহাদেরই এককালের একান্ত বাধ্য প্রজাদের ঘনবসতি—বাজার, ইস্কুল, ডিম্পেন্সারী, খেলার মাঠ—প্রত্যহ ছবেলা যাতায়াতের পথে একে একে চোখে পড়ে প্রাক্তন আধিপত্যের নিশানা সব।

কিন্তু মধ্যরাত্রে এই নিষুতি নিরালায় চাপা পড়ে ভূপতির সকল অভিমান—অবাধ্য জোয়ারে ডোবে অতীত ও বর্তমান।

“কথা কইছ না যে?” মলিনা স্বামীকে মুছ ঝাঁকুনি দিয়া কহিল।

“হঁ।”

“হঁ, হ্যাঁ ছেড়ে আমার কথার জবাব দাও।”

ভূপতি অকারণেই একটু কাশিয়া লইয়া আস্তে আস্তে কহিল, “দ্যাখো, বীণুর মা! পিসিমাদের জন্তে বাবা আমার কত কী-ই না করেছেন। সে-তুলনায় বোনাদের জন্তে আমি কতটুকুই বা করে থাকি বলা।”

মলিনার চোখে আগুন জ্বলিয়া ওঠে। আবার সেই বাপ-ঠাকুরদা! অসহ! সর্বস্ব দিয়া এক দুর্বল পুরুষের মন হাতের মুঠায় আনিয়াও আনিতে পারে না যে অনড় বাধার জন্ত—বংশমর্যাদার সেই মৃতদেহে

ক্রুদ্ধ ক্রুর একটা গোখরো সাপেরই মত মলিনা মনে মনে ছোবল মারিতে থাকে বার বার। তবু ধৈর্য্য হারাইলে চলবে না।

মলিনা সহসা উঠিয়া বসে। শুকনো চোখে স্বামীর মুখের দিকে খানিক নিষ্পলক চাহিয়া থাকিয়া ব্রহ্মাস্ত্র ছাড়ে এবার। দেখিতে দেখিতে চোখের জল তার ছ'গাল বাহিয়া নামিতে থাকে। ফোঁপাইয়া ফোঁপাইয়া কাঁদিতে লাগিল বিমূঢ় স্বামীর সম্মুখে। রাত ছপূরের নিরাল্প ঘর ঘোলাটে হইয়া ওঠে।

ভূপতি এবার ভূপাতিত। মলিনাকে বুকে টানিয়া নিয়া কোঁচার খুঁটে চোখের জল মুছাইয়া দিয়া সান্ত্বনার সুরে বলিতে থাকে, “কেঁদো না মিনা! আজ থেকে তুমি যা বলবে, আমি সব শুনব।”

মলিনা ক্রন্দনের বেগ বাড়াইয়া দেয়।

“তোমায় ছুঁয়ে এই আবার আমি দিব্যি করছি, তুমি আমার সব— তোমায় আর কিছুর বলব না কোনদিন।”

মিনিট কয়েক বিস্তর সাধ্যসাধনার পর মলিনা ঠাণ্ডা হয়। চুপ করিয়া শুধু কথা শোনে স্বামীর। ভূপতি নিশ্চিত মনে স্ত্রীকে আরো কাছে টানে।

মলিনা সহসা কি ভাবিয়া বুকের উপর অঁচল টানিয়া দেয় লজ্জায়।— বুঝি অপমানের লজ্জায়। সে শুধুই একটা প্রয়োজন? নেহাৎ একটা নিরুপায় উপায়?

হতভঙ্গ ভূপতি স্ত্রীর গায়ে মাথায় হাত বুলায়, সান্ত্বনা দেয়, আদর জানায় বার বার। মলিনার সকল দাবী আর একবার এক নিঃশ্বাসে স্বীকার করিয়া লয়। তবু মলিনা নির্বিকার।

মিনিট দশেক অপেক্ষা করিয়া ভূপতি ডাকে, “মিনা!”

এ পক্ষে অসহিষ্ণু জোয়ার। অপর পক্ষে অনিচ্ছুক ভাটা থাকিলে কি

হইবে, সাড়া দিতেই হইবে। পুরনো বলদের মত জোয়ালে আত্মসমর্পণ  
করিতে হইবে অভ্যস্ত আকর্ষণে। নিরুপায় মলিনা। নিষ্কৃতি নাই।  
দিনের মত তার রাত্রিও কারাগার!

স্ত্রীর ভিজা গালে চুমু খাইয়া গদগদ কণ্ঠে ভূপতি ডাকে “মিনা!”  
“কী?”

“কথা বলো।”

“তার আগে বলো—আমায় ছুঁয়ে নয়, আমি আর কেউ নই, বাসি হয়ে  
গেছি—খোকাকে ছুঁয়ে বলো—তোমার বংশধরের মাথায় হাত রেখে  
বলো”—সহসা উত্তেজিত হইয়া মলিনা বাঁ-হাতে বিছানা শুদ্ধ খোকাকে  
কাছে টানিয়া আনে, “বলো, ওকে ছুঁয়ে বলো।”

“ওকি বীনুর মা!”—কম্পিত কণ্ঠে ভূপতি অনুনয় জানায়।

“তবে এই তোমার পিতিজ্ঞে করা!—ছেড়ে দাও আমায়।”

ছাড়িয়া দেয় না ভূপতি। এখন ছাড়া যে একেবারেই অসম্ভব!

স্ত্রীর বুকুর উপর দিয়া হাত বাড়াইয়া ওপাশে ঘুমন্ত সন্তানের মাথা ছুঁইয়া  
সেদিন পিতা যখন গুটিকয়েক কঠিন শপথ করিয়াই বসিল, রাত তখন  
আড়াইটা বাজে।

পরদিন সকালে।

মলিনার আজ অনেক দায়, অনেক ভাবনা। বুকভরা তার অনেক  
আশা। বীনুকে আজ বই লইয়া বসিতে বলিবে। প্রায় দুই বৎসর  
হইল পড়ার পাট খতম। দিনে দিনে ছেলেরা যে গোল্লায় যাইতেছে।  
ভদ্রঘরের ছেলের নাকি আবার লেখাপড়া না শিখিলে চলে! ওর কিছু  
না হইলে দেখাদেখি ছোটখোকাও মানুষ হইবে বুঝি!

কিন্তু এদিকে জননীৰ আদেশ—উপদেশ অগ্রাহ্য কৰিয়া হতচ্ছাড়া ছেলে  
কখন পাড়ায় বাহিৰ হইয়া পড়িয়াছে। মলিনা আজ সত্যই রাগে।  
বাড়ী ফিৰিয়া আসিলে আজ ওৱই একদিন আৰ তৱই একদিন।  
ৰৌদ্ৰেৰ তেজ ক্ৰমে বাড়ে। সূৰ্য্য পূবদিকেৰ বাগানেৰ প্ৰকাণ্ড জাম  
গাছটোৰ মাথা ছাড়াইয়াছে। এ-কথায় সে-কথায় কখন আবার আজও  
ননদ ভাই-এৰ বো-এ ঠোকাঠুকি লাগিয়া গেল।

শাশুড়ী আসিয়া যথারীতি মেয়েৰ পক্ষে দাঁড়াইলেন। গতকল্যকৰ  
সন্ধ্যা ৰাত্ৰেৰ অপমানটা ভুলিতে পাবেন নাই। তাৰ কথাৰ উপৰ  
মলিনা কিন্তু এতক্ষণ কোন কথাই বলে নাই। কিন্তু ননদেৰ বক্ৰোক্তি  
তাহাৰ অসহ্য। অত ভয়-ই বা কিসেৰ ? আজ তাৰ খুঁটিৰ জ্বোৰ  
আছে। কাল ৰাত্ৰে সে বংশধৰেৰ মাথায় হাত দিয়া অমোঘ অস্ত্ৰ তৈৰী  
করাইয়া রাখিয়াছে।

মল্লিকা হাত নাড়িয়া মুখ নাড়িয়া নানান ভঙ্গীতে টগবগ কৰে, “বলব  
না ?—এক শ’ বান বলব ! ছোটলোকেৰ বেটি।”

সমান তেজে মলিনাও পাৰ্ণটা কথা শোনায়, “ভেবে চিন্তে কথা কয়ো  
ঠাকুৰ বি। বাপ-মা তুলে গালাগাল দিতে সবাই জানে।”

“শুনলে দাদা ?” মল্লিকা দাদাকেও জড়াইয়া লইতে চায়, “শুনলে তো  
তোমাৰ বোয়েৰ কথা ?”

ভূপতি আজ নিৰ্বিকৰ। চুপ কৰিয়া বাৰান্দায় বসিয়া ছকা টানিতেছে।  
আজ সে সঙ্কল্প কৰিয়াছে, কোন পক্ষেই যোগ দিবে না। সত্যই মল্লিকা  
বড় বড় বাড়িয়াছে। হইলই বা সহোদৰা তাই বলিয়া পৰেৰ সংসারে  
এতখানি আধিপত্য চলিবে কেন ?

এদিকে কথাৰ পিঠে কথা গড়ায় অনেক দূৰ। মল্লিকা অবশেষে বলিয়া  
বসিল, “চশমখোৰ চামাৰেৰ গোষ্ঠি।”

মলিনা আবার সাবধান করিয়া দেয়, “নিজের দিকে চেয়ে কথা কয়ে ঠাকুর ঝি ! তোমারও বাপ-মা আছে ।”

“যত বড় মুখ নয় তত বড় কথা ! আমার বাপ-মার পায়ের যুগি়্য হলে চোদ্দ পুরুষ বর্ত্তে যেত তোমার । নলগাঁয়ের চক্কোভিদের না চেনে কে ? —জোচ্চোরের বংশ ; চোদ্দ পুরুষ চামার ।”

“চামার তোমার চোদ্দপুরুষ ।”

সৰ্কনাশ !!

ভূপতি এক লাফে ছোট্ট উঠানটুকু পার হইয়া রান্নাঘরের ছুয়ারে আসিয়া গর্জিয়া ওঠে, “মুখ সামলে কথা বলিস্ ।”

কালরাত্রের ইতিহাস ভূগর্ভে চাপা পড়িয়া গিয়াছে । দিনের আলোতে মাথা চাড়া দিয়া ওঠে পলাশপুরের ডাকসাইটে জমিদার বংশের পঞ্চম-পুরুষ ।

মলিনা এক মুহূর্ত্ত স্বামীর মুখের দিকে করুণ দৃষ্টিতে চাহিয়া থাকে । পরক্ষণেই সমান তেজে বালিয়া উঠিল, “বটে ! মুখ সামলে কথা বলব আমি, আর ভাই সোহাগী বোনু তোমার যা খুশ তা-ই বলে পার পেয়ে যাবে !”

“চুপ কর হারামজাদী !” ভূপতি হুক্কার ছাড়ে ।

স্তব্ধের মত দাঁড়াইয়া রহিল মলিনা ।

স্বযোগ বুঝিয়া এদিকে মল্লিকার মুখ কামাই নাই,—“বলবো না ! মানী আমার ! তাকে ফুলচন্দন দিয়ে রাতদিন পূজা করবে সবাই !”

মলিনা চুপ করিয়া চাহিয়া আছে । এ কি সেই লোক কাল রাত্রের সেই পরাজিত পুরুষ ? খানিকক্ষণ চাহিয়া থাকিয়া স্বামীর মুখের উপর হইতে ক্রুর দৃষ্টিখানি গুটাইয়া আনে । নিভাঁক ভূপতিও চোখ রাঙায়, “কী করতে পারিস্ তুই !”

“আচ্ছা! দেখা যাবে।” বলিয়া মলিনা সরিয়া পড়ে রান্নাঘরের মধ্যে।

বারান্দা হইতে মল্লিকা তখনো নানান ছাঁদে শাসাইতেছে।

উনানের মুখের জ্বলন্ত কাঠটা অকারণে ভিতরে গুঁজিয়া দিয়া মলিনা চাহিয়া থাকে অবরুদ্ধ অগ্নিশিখার দিকে। বুকটা তার এখন নিষ্ফল আক্রোশে অমনি করিয়া জ্বলে।

মণিহার! ফণিণীর মতো ভেতরে ভেতরে ফুলিতে থাকে মলিনা।

সে না হয় কেউ নয় আর। কিন্তু ছোট খোকা? তাঁর বংশধর?

নিজের ছেলের অকল্যাণের ভয় ডরও নেই লোকটার? হায় ভগবান!

মলিনা তাড়াতাড়ি উঠিয়া আসে শোবার ঘরে। ঘুমন্ত শিশুর মাথায় হাত

রাখিয়া শঙ্কিত হইয়া উঠে। মা হইয়া কোন প্রাণে কাল রাত্রে সে অমন

কচি ছেলেটার মাথায় নিষ্ঠুর মানুষটার হাত টানিয়া নিল! বাপের

কাছে ছেলের চেয়েও বড় আর কে? তা-ও মা আছে। থাকুক।

খোকার কেউ নাই। বীনুরও বাপ মরিয়াছে। আজ হইতে মলিনা

বিধবা!

বড় ছেলে গুণধর বীনু আলমারীর আড়ালে এতক্ষণ ভয়ে ভয়ে আত্মগোপন

করিয়া ছিল। মুসলমান পাড়ার এক সমবয়সী ছেলের সঙ্গে মারামারি

করিয়া হাত কাটিয়া এই অসময়ে বাড়ী আসিয়াছিল জল-ঝাঁকড়ার ব্যবস্থা

করিতে। ইতিমধ্যে মা-ও আসিয়া ঘরে ঢুকিয়াছে।